

CAROLI GODOFREDI HAGEN,  
MEDICINAE DOCTORIS ET PROFESSORIS,  
PHARMACOPOEI REGII AVLICI  
ET ACADEMIAE S. R. I. NATVRAE CVRIOSOR. MEMBRI,


T E N T A M E N

# HISTORIAE LICHENVM

E T

P R A E S E R T I M

P R V S S I C O R V M.



---

CVM ICONIBVS AERI INCISIS ET AD VIVVM COLORATIS.

---

R E G I O M O N T I ,

S V M T V . G . L . H A R T V N G , B I B L I O P O L A E .

ciccc lxxxii.

1782

# WILHELM VON KLEIST

Mit 100 Illustrationen

QK  
583  
H344  
1782  
SCARAB



SECTIO PRIMA.  
DE  
LICHENIBVS IN GENERE.

§. I.

*Rei Herbariae facies in Prussia.*

**S**i villa regio accuratis plantarum indigenarum catalogis iam ante seculum, & quod excurrit, gloriari potuit, reuera Prussia, respectu aliarum, primas fert palmas. Licet enim de paucis tantummodo sibi gratulari potuerit botanicis, hi tamen inexstinguibili ardore, tam indefesso studio & tam accurate vegetabilia patriae perlustrarunt, vt difficile iudicetur opus, nouas, si gramineas & cryptogamicas excipias plantas, patrias detegere incolas. Stupet fere animus, si sola fere industria duorum virorum LOESELII 1) puto & HELWINGII 2), quorum nomina cum plantis semper vigebunt Borussicis, omnes fere thesauros Florae Prussicae videt reclusos. Nam quod ad reliquos stirpium nostrarum amatores attinet, perpauculum tantummodo praestitisse videntur,

A

qui

II

qui catalogum omnium vegetabilium tradere cupiebant.  
WIGAND 3) enim, qui omnium primus silvas & campos, iucunditate Flora raptus, perlustrauit, pauca & vulgata tantummodo tradidisse, haud est mirandum. WVLFF vero, etiamsi tam strenuis gaudebat antecessoribus, tantum abest, vt incolas floriae nostrae notabiliter auxerit, vt potius, quasi nouercali illas amplexus amore, numerum earum minuerit & tantae reuolutioni ansam dederit, vt eius exemplo nemo fere ad studium Phytologicum allici possit 4).

- 1) JOHANNIS LOESELII Tractatum de *Plantis*, in *Borussia sponte nascentibus*, primum diuulgavit filius eiusdem nominis ao. 1654. Quem catalogum postea iconibus aere excusis, synoniimiis, descriptionibus & observationibus auctum JOHANNES GOTTSCHED ao. 1703. sub nomine *Florae Prussicae*, sive *Plantarum in regno Prussiae sponte nascentium*, edidit.
- 2) GEORG. ANDR. HELLWING *Flora Quasimodogenita* annexo *Florilegio Prussico*. Gedan. 1712 & Eiusd. *Supplementum Florae Prussicae*. Gedan. 1726.
- 3) IOANN. WIGANDI *vera historia de Succino Prussiaco*, *de Alce Borussica & de herbis in Borussia nascentibus &c.* edita a IOANN. ROSSINO. Ienae. 1590.
- 4) IOH. CHRISTOPH. WVLFF *Flora Borussica denuo efflorescens auctior*. Regiom. & Lips. 1765. Auctorem huius Flora reuera numerum plantarum Prussicarum minuisse, facile est probatu. LOESEL in *Flor. Pruss. CCCLXI* adducit plantas, HELLWING in *Flor. Quasimodog. CCXLVII* & in *Suppl. Fl. Pruss. CCCCXVIII* & Autor laudatus in *specimine inaugurali Ao. 1744*. Regiom. edito XXIII *plantas in Prussia detectas & nondum descriptas* (licet meras varietates maxime sistat): hinc si colligimus hos numeros, summa oritur MCCCCXLI plantarum. Ille vero in *Flor. denuo effloresc.* multas adhuc, quas nec ipse nec antecessores in Prussia deprehenderunt, effinxit species & nihil minus tantummodo MCCXIX recensuit; CCXXII itaque



que saltem plantas illum Florae nostrae interuertisse, liquido constat. Cum praeterea varietates non ad species reduxit, sed pro veris speciebus venditavit & nomina penes illum ut nummi valuerunt, illum Floram magis turbasse quam ordinasse, palam est.

### §. II.

### *Instituti ratio.*

Quae cum ita sint, melius cum ipsis agi credo, qui unam tantummodo plantarum familiam examini subiecerunt, & illam, cum facilis sit oculis terminatu, accurate descripsierunt, notum cuiusvis speciei usum adiecerunt, observationesque addiderunt. Sic in Prussia tali agendi modo praeludent *Pulsatilla HELWINGII* 5), *Hieracia BORETII* 6) & *Salices* fratribus dilectissimi, premature deflorescentis 7). Mihi prae reliquis maxime arriserunt *Lichenes*, qui, licet minimi sint, cum nullum fileatur rerum naturae opus, altiori tamen voce ob fabricam tam ineffabilem, quam diversam creatoris omnipotentiam & sapientiam prae dicant ac excelsa & veneranda quercus. Posset quidem me a proposito deterrere arduum, quod totam cryptanterarum classem premit, opus, & penuria, quae circa has plantulas apud scriptores rei herbariae Prussicos obseruatur. Interim cum iure meritoque indulgentiam & condonationem quandam ab unoquoque aequo arbitro promittam, rem aggredior, quia, si, forte etiam hallucinarer, hic nihilo minus messem expectare licet vobrem.

5) HELWINGII *Florae Campana seu Pulsatilla. Lipsiae.*

6) MATTHIAE BORETII *Diss. de Hieracis Prussicis.*  
Lugd. Bat. 1720. Hanc HELWINGE supplemento  
*Florae Prussicae* intercalauit.

- 7) Johann Heinrich Hagens Betrachtungen über die Weidentosen und die in Preussen befindliche 16 nutzbare Weidenarten. Königsberg. 1769. Utteriora de salicibus Prussicis separatis exstant in den Berlinischen Sammlungen. V. S. 117.

§. III.

*E t y m o l o g i a n o m i n i s.*

Nomen *Lichen* iam a veteribus plantis quibusdam huius generis impositum esse, inde euenit, quia specie quadam morbum cutanum lichenes scilicet seu impetigenes (quem etiam germanice Flechten nominamus) curabant, verosimiliter ob signaturam, quia quidam eorum asperitates seu tumores repraesentabant. Sic DIOSCORIDES: λερχην, quae petris innascitur & aliqui Beouo appellant, ceu muscus roscidus petris inhaerens 8) & PLINIVS: *Lichen* vero herba omnibus his (remediis lichenis) praeferetur, inde nomine inuenito. Nascitur in saxosis folio uno ad radicem lato, caule uno paruo, longis foliis dependentibus. Est aliud genus *Lichenis*, petris totum inhaerens, ut *muscus*, qui & ipse illinitur 9). Per longum tempus huic familiae plantarum nomina *Muscus* & *Lichen* plane indeterminate a Botanicis concessa sunt: vsque dum TOVRNEFORT 10) pro nomine generico illud agnouit, quod postea a LINNAEO & aliis rei herbariae restauratoribus, excepto DILLENIO (qui cum in tres cohortes hanc distribuerit gentem, tribus donauit nominibus genericis, scilicet *Lichenoides*, *Coralloides* & *Vsnea*) adoptatum est. A nonnullis nomen germanicum Flechte seruatum est. Malui hos sequi ac illos, qui denominationem Moos adhibent, quia haec non plurima solum comprehendit genera, sed

praeterea muscis tantummodo competit, non algis, sub quibus *Lichen*, vt genus, militat.

8) *De materia medica*. Lib. IV. cap. 53.

9) *Historia naturalis*. Edit. in usum Delphini. Tom. IV. Lib. XXVI. Cap. 3. p. 447. Priorem, quam **PLINIVS** hic describit plantam ad *Marchantiae*, alteram vero ad *Lichenis* genus pertinere, verosimile est.

10) *Institutiones rei herbariae*. p. 548.

#### §. IV.

### *Algarium determinatio.*

Cum in Lichenibus nec stamina, nec pistilla, & ne analogum quidem eorum, oculo etiam armato, pateant, hinc quomodo fructificationis opus peragatur, ignoramus, seu, vt terminis Sexualistarum vtar, quia nuptiae in illis celebrantur clandestinae ad **LINNAEI** *cryptogamias* & **GLEDITSCHII** *cryptostemones* referuntur. Botanici, ante reformationem **LINNAEI**, stamina & pistilla minus aestimantes, petala & fructus tantummodo ad construenda systemata artificialia praesertim amplectentes, vel ad classem apetalorum vel apocarporum vocarunt. Ad haec annumerarunt **CAESALPINVS**, **MORISON**, **RAIVS**, **CHRISTOPH. KNAVTH**, **HERRMANN** & **BOERHAVE**: ad illa praeprimis **RIVINV**, **CHRISTIAN KNAVTH**, **RVPP**, **TOVRNEFORT**, **PONTEDERA** & inter neotericos **LUDWIG**, qui Lichenes inter plantas flore nudo & **OEDER**, qui illos inter cryptanteras recenset. Sed convicti optimam methodum a partibus fructificationis essentialibus desumi, omnes fere Botanici **LINNAEI** & **GLEDITSCHII**

SCHII amplexi sunt systemata. In dispositione cryptostemonum III. GLEBITSCH methodum LINNAEI retinuit, & illos periude in *Filices*, *Muscos*, *Algas* & *Fungos* dispescit. *Algae*, quae ab OEDERO Aftermoosse 11) & a PLANERO Fjærgewächse 12) nuncupantur & sub quibus Lichenes continentur, habitu facillime cognoscuntur, definitio tamen affirmatiua haud potest erui 13), hinc negatiua contenti esse debemus. *Filices* enim per frondes, *Musci* per capitula, operculo testa & calyptre superimposita, *Fungi* per pileum, illis proprium, ab algis optime discernuntur.

11) Oeders Einleitung zu der Kräuterkenntniß. I. p. 15.  
§. 23.

12) Linnee Gattungen der Pflanzen. II. p. 1016.

13) Characteres affirmatiuos non sibi constare, nec constare posse, elucet e tentaminibus, a botanicis institutis, & ex structura algarum, adeo diuersa. Ill. GLEBITSCH (in *Systemate plantarum a staminum situ*. p. XXXVI.) definit algas per *corpora granulosa, tubercula, vesiculas aut peltas varie formatas atque dispositas*. Num tunc iure inter algarum genera locum occupant *Conferuae*, an non potiori iure *Bussus* inter haec esset recensenda? OEDER l. c. algam ita explicat: Aftermoosse sind diejenigen Gewächse, bey welchen Stamm, Wurzel und Blatt, als besondere zugleich vorhandene Theile, sich nicht angeben lassen, sondern eins ausmachen. Huic contradicunt *Charae*, *Conferuae*, *Jungermanniae*, *Marchantiae* aliaeque inter algas locatae plantae. Idem valet de definitione HOTTVYNI, dignissimi Linnaei commentatoris (*Linnee Pflanzensystem*. I. p. 47.), qui dicit esse flachausgebreitete Gewächse ohne Stiel mit unkennlicher Blüthe. *Lichenes fructiformes* caulem ostendunt ramosum. *Jungermanniae* flos masculus est pedunculatus.

## §. V.

*Character Lichenum genericus.*

Non minoribus, sed reuera etiam, maioribus premitur difficultibus character Lichenum genericus. Lieet enim adspicere facile cognoscantur, tamen illos praeceise definire, ne latior, ne angustior, suo definito euadat definitio, hic labor, hoc opus est, quod iam acutissimus obseruauit R A I V S , dum dicit : *eos exacte definire, ne philosophis quidem ipsis facile fuerit* 14), cui sententiae etiam adstipulatur H A L L E R 15). Nam si externam eorum formam adspicimus, eos saepissime toto caelo deprehendimus diuersos. Sunt, qui polleni tantummodo subtilissimum, quocum corpora leuiter adpersa deprehenduntur, fistunt; sunt, qui ex punctis saepissime minutissimis, perpauxillum eleuatis, quandoque concauis, constant; sunt, qui ex uno, seu pluribus foliolis componuntur; sunt, qui fructiculum aemulantur; sunt, qui mera exhibent filamenta. In tanta igitur structurarum diuersitate, ex structura ipsa eruere characterem, difficilimum semper manebit opus, cum nulla suppetit nota, quae aliquas plantas non excludat. Non ignoro, LINNEVM 16) & GLEDITSCHIVM 17), quos reliqui fere secuti sunt Botanici, eleuationes in Lichenibus singulares pro partibus fructificationis & pro nota characteristicâ Lichenum assumpsisse; interim cum adhuc sub iudice lis sit, an sint, nec ne, & praesertim non in omnibus deprehendantur speciebus, nec totum Lichenum genus comprehendant, fatius duco, a definitione abstinere, quam tradere mancam. Posset quidem melius ex substantia defumi, attamen & hic semper exceptioni erit locus. An non fortassis melius consulatur rei herbariae, si (vt iam D I L. LENIVS tentauit §. III.) in plura hae algae diuidantur

## VIII.

tur genera & noua ipsis imponantur nomina, aliis ad dijudicandum relinquo. Describam ideo tantummodo Lichenes quoad substantiam diuersam, figuram & proprietates, quae circa illos obseruatur, & semper fideliter, quantum mihi notum est, indicabo species, quae discrepant ab illo, quod reliquis competit.

14) *Methodus plantarum emendata* & aucta. p. 6.

15) *Enumeratio plant. Heluetiarum.* I. p. 63.

16) *Genera plantarum.* Edit. IV. Halae. p. 395. n. 958.  
*Systema naturae.* Edit. XII. Holm. Tom. II. p. 708.  
n. 1202.

17) *Systema plantarum.* p. 299. n. 1205.

## §. VI.

### *Substantia, structura, & color Lichenum.*

Statim dum Lichenes cum aliis comparamus regni vegetabilis incolis, coniectura adsequimur, has illis longe antecellere structura magis organica. Nonnulli eorum ut, praesertim puluerulenti & tuberculati, tam simplici gaudent fabrica, ut fere organismo destituti esse videantur. Hinc OEDER dicit: Lichenibus substantia est similaris, non composita particulis organicis, fibris aut vesiculis, sed meritis particulis indiscernibilibus (8). Idem expertus sum, dum laminas pertenues scutellae Lichenum diuersorum, transuersim culetello sectas, microscopio subiecerim. Simplicissima enim apparebat structura, quae a structura aliarum plantarum valde discedebat. Ob hanc simplicem fabricam & plerumque simul abietam & humilem faciem illos in

in plantarum republica LINNAEVS vocat rusticos  
panperrimos & arbortum pedissequos 19). Eaque ex  
causa HAQ VET Lichenes via cum fungis & mucori-  
bus ex regno animali & vegetabili exterminandos esse  
putat 20); cui sententiae vero nullo modo accedere  
possum. Saepe vero nitidam habent figuram, vt fruti-  
culosi, vt fere cum aliis perfectioribus plantis de prin-  
cipatu certare possent, ni a natura plerisque luridus  
tristisque color cinereus saepissime in nigrum transiens  
fuissest propriatus, vnde elegantissimus Lichen locum  
cedere debet vili viuido tamen colore instructo gramine  
& musco. Sunt tamen etiam qui virides, praesertim  
quam diu recentes sunt, innueniuntur vt nonnulli imbri-  
cati & foliacei, quorum structura tamen e contrario eo  
simplicior est.

18) *Enumeratio plant. florae Danicae* (de quo usque ad hoc  
tempus cryptantherae tantummodo lucem adspexe-  
runt). p. 21.

19) *Amoenitates academicae*. Vol. VI. p. 20.

20) *Beschäftigungen der Berlinischen Gesellschaft Natur-  
forschender Freunde*. III. S. 244.

§. VII.

*Crusta Lichenum.*

Lichenibus prouida natura parca manu omnia, ad  
vegetationem & fructificationem facientia, attribuit, qui-  
bus adeo large effuseque donauit alias plantas. Gau-  
dent hae radicibus, truncis, foliis, floribus, a se inui-  
cem omnibus plerumque separatis. Quae fere plane  
denegauit illis & sapienter in unum contraxit volumen,  
vt

vt in plerisque haud sint distingueda, vt in puluerulentis, tuberculatis, scutellatis, imbricatis. In foliacieis & coriaceis vnicum folium totam sistit plantulam. Quia ex ratione nec in imbricatis nec in foliacieis nec in coriaceis structura foliacea vnoice pro foliis est assumenda, cum totam exprimant algam. In reliquis adest analogon quoddam foliorum, puto crustam, ex qua proueniunt, quae diuersa deprehenditur pro diuersitate Lichenum. Est enim vel cuticula pertenuis, vel pollen perexiguus, vel granulum minutum, vel squama, quae saepe plantis nostris arête adhaerentes inueniuntur, cum alias leuiter tantummodo adnefiuntur, & saepe prouetiori algarum aetate plane evanescunt. Haec crusta saepe perobscura plerumque supra obiectum, cui Lichenes adfiguntur, extensa, admodum similaris, albescens, plerumque sicca, coriacea aut fragilis obseruatur, nec vtriculis, nec celluloso habitu, vt folia aliarum plantarum composita esse videntur 21).

21) HALLER *Hist. plant. Heluetiar.* III. p. 70.

## §. VIII.

### *R a d i x   L i c h e n u m.*

Si per radicem ea pars intelligitur plantae, qua substantiae, supra quam vegetat, adnexa est; lichenes semper radice gaudere, nullus dubitabit. Si vero radicem per caudicem explicamus descendenter, seu per organum, nutriendis plantam; tunc saepissime illa ipsis deneganda foret, cum raro, vt postea indicabitur, per illa alimenta hauriant, & aequo raro in obiectum; cui insident, penetrent, sed vel toto volumine vel parte quadam tantummodo ad superficiem arboris seu lapidis ad-

glutinati esse videantur. Qua ratione, radicationem his ab iudicantes omnem, non quidem valde errare credo 22). Plurimi tamen hanc tam singularem radicationis speciem vocant scutiformem 23), quia pars Lichenis, quacum adfixa haeret, scuti plerumque exhibet figuram. Nonnulli nihil minus lichenum veras habent radices, nempe filamentosas seu fibrosas, quae fibrillulis, seu filamentis, constant, ut nonnulli fruticiformium, coriaceorum.

22) GOUAN *Hortus Reg. Monspeliensis.* p. 531.

23) ERXLEBEN *Umfangsgründe der Naturgeschichte.* p. 524.  
§. 651. WEIS *plant. cryptogam, Fl. Goetting.* p. 36.

### §. IX.

#### *Fructificatio Lichenum.*

Omne viuum ex ouo, iam exclamauit HARVAEVS, hinc Lichenes, si pro ciuibus regni vegetabilis agnoscuntur & certissime viuunt, ex semine procreari & aequem minus, ac animalia infusa, per generationem prodire aequiuocam, omnibus numeris absoluta est & manebit veritas 24). Qualis vero fructificatio horum, quae omni semini omnino praetire debet 25)? Hanc tam sanctis natura imperscrutabilis obnubilavit mysteriis, vt nec MICHELIVS, omnium fere oculatissimus, quidquam circa illam praestiterit. Animaduertimus quidem corpuscula quaedam singularis fabricae, quae partes fructificationis esse videntur: sed an reuera sint, cum in multis reperiantur, multi plane illis destinuantur? an distinctus in illis possit assumi sexus? fructificatio, quo peragatur modo? quaestiones sunt, quae sara fortassis non resoluet posteritas. Describam ideo tantummodo

## XII

modo illa & sententias summorum in botanica viro-  
rum adnectam. Certis temporibus in Lichenibus cor-  
puscula quaedam fungosae, subcarneae, seu spongiosae  
substantiae prodire sentimus, quae quidem vel puncta,  
vel magis, vel minus, in superficie crustae, seu Lichenis  
ipsius, eleuata, subrotunda, haemisphaerica, saepe perfecte  
sphaerica, exhibent & *Tubercula* seu *Verrucae* vocan-  
tut, vel puncta haec sunt concava, disco medio paula-  
tim depresso seu excavato, margine vndique eleuato,  
quae *Scutellae*, alias etiam *Acetabula* seu *Orbiculi*,  
audiunt; vel planam ostendunt superficiem & tunc  
*Peltae* dicuntur. Hi termini tamen in applicatione  
non semper accurate possunt adhiberi, cum plerum-  
que fungulus tenera aetate sit conexus, prouectiore  
planus, & vetustiore concavus. TOVRNEFORT illos  
credebat esse fructus, polline, seu semine tenuissimo foet-  
tos 26). A MICHELIO in genere vocantur *florum*  
*receptacula* 27) & qui ipsum presso secuti sunt pede,  
vt LINNAEVS 28), GLEDITSCH 29), SCOPO-  
LI 30); & alii pro *floribus masculis* illos agnoscunt.  
Quae sententia, licet firmo quidem non insistat fun-  
damento, cum nec oculo armato hic quidquam stami-  
niferi possit detegi, nec in omnibus haec corpuscula  
inueniantur speciebus & analogia sola, quae nos quam  
saepissime & in rebus multo distinctioribus iam fefellit,  
ad sexum determinandum haud sufficere videtur; ve-  
rosimillima tamen est. Alterum genus adhuc in his  
detegitur corpusculorum, scilicet puluerulentum, sic-  
cum, in aceruos collectum, super Lichenis superficiem  
plerumque dispersum. Hoc in Lichene pulmonario  
iam obseruauit M ALPIGHIVS, & semina esse con-  
iecit 31). Eo maiori vero iure sagacissimus naturae  
scrutator M I C H E L I V S hoc nomen illis concedit, quia  
verno tempore illa germinare & incrementa capere vi-  
dit. Supra laudati Sexualistae *flores feminineos* nomi-  
nant;

## XIII

nant; OEDER vero *furfurem squamosum* 32). Quem a lichene fraxineo collectum cum microscopio subiecerim, ex meris corpusculis irregularibus, globosis & angulatis, maioribus & minoribus constare, animaduerti. Saepe utrumque genus corpusculorum descriptorum in una specie coniunctum deprehenditur, ut in imbricatis; saepe vero in quibusdam, seminibus plane parentibus, scutellae deteguntur, ut in tuberculatis, scutellatis, scyphiferis, fructiformibus & vice versa; saepe etiam in his algis nec unum, nec alterum, obseruatur genus corpusculorum. Hae veteriores a LINNAEO, GLEDITSCH, SCOPOLI & reliquis, qui characterem genericum Lichenum a floribus masculis & femineis desumunt, plane e familia Lichenum exterminantur, licet maiorem cum illis iam in fronte gerant analogiam, ac scutellae cum fructificatione florum perfectorum.

25) Illustr. Lib. Bar. de MUNCHAVSEN nouam de geneti vstilaginis & fungorum formans ideam, eamdem etiam tribuit Lichenibus originem. Credit enim farinam nigram in vstilagine hordei & tritici & similem farinam in Lycoperdis agaricis aliisque fungis mera oua esse animalium vivorum. Quae farina tepidae aquae immissa in veros germinat vermiculos seu polypos, microscopio perspicue visibiles, telam contextentes exiguae, cui inhaerent immoti & exsurgententes in fungos (Der Haußvater. Tom. II. p. 751.). Illi accedit LINNAEVS, qui vero creaturas polypiformes non pro animalculis declaratis agnoscit (Diff. de Mundo inuisibili. Respond. ROOS in Amoen. acad. Vol. VII. p. 385.). Neoterici, inter quos praecipue nominandus venit Clar. TERECHOWSKY (Diff. de Chao infusorio Limaei. Argentor. 1775.), hanc vstilaginis & fungorum generationem plane improbat, quia experimenta instituta adfimant, animalcula infusoria, ad quorum familiam animalia laudata pertinent, neutiquam in substantiis vegetabilibus seu animalibus macerandis latitare, sed cum

## XIV

cum aqua communi, quae ad infusiones recipitur, adferri, ibique & propter benignum calorem & aptum nutrimentum sustentari, propagari, multiplicari.

- 25) *Algas per gemmas verosimiliter multiplicari, fadfiratur in Hannoverisch. Magazin. Ann. X. p. 466.*
- 26) *Institutiones rei herbariae. p. 548.*
- 27) *Genera plantarum. p. 73.*
- 28) *Systēma naturae. Edit. XII. P. II. p. 708. Genera plantarum. p. 395.*
- 29) *Systēma plantarum. p. 299.*
- 30) *Flora Carneolica. II. p. 356.*
- 31) *Opera omnia. Lugdun. Bat. 1687. in 4to. Tom. I. p. 142. fig. 106. litt. M.*
- 32) *Enumerat. plant. flor. Danicae. p. 22.*

## §. X.

### Stationes Lichenum.

Domicilia, quae nostra inhabitat stirps, plerumque talia sunt, quae a reliquis fere omnibus plane negliguntur vegetabilibus. Saxis durissimis, terrae sterili, arboribus aliisque vegetabilibus adnata reprehenditur. Quaedam Licheni species prōmiserūt in omnibus his indicatis stationibus deprehenduntur 33), plurimis tamen solum, cui adhaerent, accurate assignatum est. Sic *Lichen saxatilis* de lapidum genere semper pro habitaculo eligit saxum, *calcareus* e contrario petram cal-

calcaream, ita vt ex his iam lapides externo aspectu facile dignoscantur. Sic *Lichen carpineus* sedem plerumque figit in carpino, *fagineus* in fago, *fraxineus* in fraxino, vt hae arbores etiam hieme, qua foliis denudatae sunt, harum algarum ope facilissime possint distingui. Paucissimae Lichenum aquam inhabitant.

33) In saxo, domo (in der Moosbude) ex adverso sitae, duodecim species Lichenum illud occupantes, numerai.

### §. XI.

#### *Tempus vigendi Lichenum.*

Diebus aestiuis, sereno caelo, quo laete vigescere & viuere videmus reliquos florae subditos, hi luctuosi & permoesti, omni vi vitae priuati, perquam friabiles, exceptis nonnullis coriaceis & foliaceis, deprehenduntur. Autumno vero appropinquante, calorem remouente, pluuiasque adferente, reuiuiscunt, mire explicitantur & laete crescunt, dum reliquae pereunt plantae. Hinc euenit, quod sub humidam tempestatem, praesertim tempore autumnali, hiemali & initio veris optime a suis colligantur & ab auctoribus inter plantas collocentur hemales 34). Mira reuera est proprietas Lichenum, quam cum Anastatica hierichuntica habent communem, nempe quod humectati statim reuiuiscant. Saepissime miratus sum, vnde illa tantum sibi progignere potuerit admiratores & Lichenes apud nos indigeni flocci pendantur, cum sub aqua multo citius multo pulchrius, si praesertim *Lichenem rangiferinum*, intra papyri folia compressum & siccatum, ad experimentum eligis, hoc phaenomenon ostendant.

34) DILLENII flora Gieffensis. p. 201. KRAMERI tentamen botanicum. p. 138.

### §. XII.

XVI

§. XII.

Varietates Lichenum.

Vix ullum plantarum genus tantas a diuersa aetate, diuerso solo & influxu aliarum rerum circumstantium experitur mutationes, quantas in nostris obseruamus. Diuersa deprehenduntur structura, vestiu, colore in iuniore, adultiore & decrepito aetatis gradu. Vnumquodque, quod illis sub evolutione obuium it, obstaculum, & vicissitudines, quas saepissime patiuntur, ut aliam induant faciem, sufficient. Hinc accedit, quod filiae matribus saepe omnino euadant dissimiles, & multi ob diuersum habitum numerentur in serie specierum, qui tantummodo merae sunt varietates. Hoc iam obseruauit & exemplis illustravit BXVBAVM 35), cui consensum haud denegarunt HALLER 36), LINNAEVS 37) aliquie rei herbariae scriptores 38). Multae harum varietatum pauculum tantummodo distant a vera specie, ex qua oriuntur, ad quam facilis negotio possunt reduci. Quae vero magis dissimiles reprehenduntur, licet multa sint, quae persuadeant, varietates esse, ob obseruationes plane fere deficientes, & in his minimis difficile instituendas, Botanici plurimi coacti fuerunt, pro yeris agnoscere speciebus. Horum vestigiis insistens in recensendis Lichenibus Prussicis, ne pro varietatibus admittam, quae fortassis species esse possint (cum nil certi hic constet) circumspectus ero; tamen illas, quae ad similitudinem speciei cuiusdam prope accedunt, illi ut varietates subiungam. Plane dubito, an fieri queat, quod SCOPOLI contendit, nempe omnes scyphiferos & fruticulosos ex unico natalia trahere pyxidato 40), cum v. g. inter *Lichenem cornutum & ragiferinum*, inter *pyxidatum & paschalem* nimis magna intercedat differentia.

Eadem

## XVII

Eadem ex causa obseruatio MALPIGHII, obseruatoris alias acutissimi, magis adhuc mihi suspecta est, qui rudimentum Lichenis pulmonarii in coralloidem attolli non raro vidisse perhibet 40). Ex cornuto omnes scyphiferos & ceratoidem oriri, quod HALLER animaduertit 41), & WEBER adfirmavit 42), multo facilius mihi persuadere possum, cum vnuusquisque paululum attentus hanc metamorphosin iam obseruare potest. Tamen & haec praeenntibus HALLERO, LINNAEO aliisque, separabo, indicabo vero in recensione specierum, ad quam possint verosimiliter referri, veram speciem.

35) *Plantar. minus cognitar.* Cent. II. p. 12. Tab. VII. f. I.

36) *Histor. plantar. Helueticar.* III. p. 70.

37) *Critica botanica.* p. 246.

38) SCOPOLI *flor. Carneol.* II. p. 368. OEDER. *Enum. rat. plant. flor. Danicae.* p. 22. WEIS *Plantae cryptogam. flor. Goettingensis.* p. 36.

39) *Flor. Carneolic.* II. p. 368.

40) *Opera omnia.* Tom. I. p. 141.

41) *Histor. plant. Heluetic.* III. p. 70.

42) *Spicileg. Flor. Goettingensis.* p. 211.

### §. XIII.

#### *Familiae Lichenum.*

Cum Lichenum genus adeo numerosum sit, Botanici systematici coacti fuerunt, quo compendium habent,

## XVIII

beant, qui his plantis cognoscendis & indicandis operam nauant, illud in genera subdividere minora. Hoc eo facilius peragendum erat, cum structurae Lichenum deprehendantur adeo diuersae, ut DILLENIUS mihi non videatur plane errasse, si tria ex hoc genere LINNAEANO, ex tam diuersis speciebus consistente, constituit genera summa *Lichenoides*, *Coralloides* & *Vsnea* 43). Nihilo secius tamen LINNAEVM magis ad natum naturae intentum fuisse, dum vnum tantummodo construebat genus, si omnia, quae iam de Lichenibus enarraui, simul considerantur, puto. Perèleganter de super HALLERVS affinitatem Lichenum, qui structuram exhibere videntur diuersam, sequenti describit modo: Corniculati caui, polline pleni, indiuiso nexu cum coralloideis cohaerent, cornubus bifidis & subdivisis: inde cum pyxidatis Lichenibus, quando mucro cornuum intumescit, deprimitur, inque cauum infundibulum mutatur. Idem pyxidarii de summo margine ramos educunt ramosos, vt cum coralloideis coëant. Isti cum vsneis figura ramosa consentiunt & eadem vsneae scutellatis Lichenibus proximae sunt. Isti & pulmonarii reperiuntur, foliis planis ramosis & duris, & demum crustae potius glebosae, quam foliis scutellae insident 44). Secuti etiam sunt Immortalem LINNAEVM omnes Phytologi, licet quod ad familias attinet, alias finxerit. Cl. SCOPOLI Lichenes in *Conferuas arboreas*, *Terras vegetabilis*, *Corallia florae* & *Fucos terrestres* distinguit 45), quae dispositio mihi vero insufficiens & valde indeterminata esse videtur. HALLERVS decem constituit ordines, qui audiunt: 1. *Corniculati*, 2. *Coralloidei*, 3. *Vsneae*, 4. *Corniculati compressi*, 5. *Antilyssi* s. foliis amplis & liberis, 6. *Pulmonarii*, fronde rotunda, parum ramosa, libera, 7. *Psorae*, fronde angustiori minus libera, 8. *Gelatinosi* s. *Nostoch*, 9. *Herpetes*, scutellati

tellati "crustacei, 10. *Crustacei s. Leprae*, scutellis haec tenus inconspicuis 46). Huic distributioni, quamvis sua laude non sit defraudanda, Linnaeanam, a qua praeterea parum tantum aberrat & quae ordinum limites magis exhibet conspicuos, praefero. Distribuit enim LINNAEVS Lichenes sequenti ordine: 1. *Leprofi tuberculati*, 2. *Leprofi scutellati*, 3. *Imbricati*, 4. *Foliacei*, 5. *Coriacei*, 6. *Vmbilicati*, 7. *Scyphiferi*, 8. *Fruticulosi*, 9. *Filamentosi* 47). His addo *puluerulentos*, quos DILLENIUS & LINNAEVS *Brysis* annumerarunt: MICHELIUS & HALLER vero, quibus accedit SCHREBER 48), Lichenibus restituerunt. Causas, quare magis sententiae horum, quam illorum faueam, postea cum opportunorem nanciscar occasionem, indicabo.

- 43) Consentit mecum Cl. WEBER in *Spicilegio flor. Goettingensis*. p. 178. Licet enim concedat, oinnes Lichenes a natura iunctos esse, nihil fecius tamen eodem iure, ac alia genera a natura constituta, ut plantae vmbelliferae, *Hypnum Bryumque* ad facilitandam cognitionem in plura genera diuidi posse, adfirmat.
- 44) *Histor. plant. Heluetiar.* III. p. 70.
- 45) *Flora Carneolica.* II. p. 356 - 397.
- 46) *Histor. plant. Heluetiar.* III. p. 70 - 104. In *Enumerat. plant. Heluetiar.* I. p. 63 - 89. aliam Vir summus ingressus fuit methodum, cuius defectum ipsum sensisse credo. In sequentes enim dispertit cohortes: 1. *Corniculatos & Pyxidatos*, 2. *Coralloideos*, 3. *Fru-ticosos*, 4. *Pulmonarios*, 5. *Crustaceos scutis floralibus do-natos*, 6. *Scutellis ornatos*, 7. *Crustaceos non scutatos*.
- 47) *Systema naturae.* II. p. 708 - 714. *Species plantarum.* II. p. 1606 - 1624.
- 48) *Spicilegium florae Lipsiae.* p. 140.

§. XIV.

*Lichenes arboribus non detimento sunt.*

An iure Lichenes ab omnibus Botanicis inter plantas numerantur parasiticas? an non suspicio illos exsugere, quidquid arboribus humoris est, & maximo ipsis esse damno, mera est praejudicata opinio? Neutiquam haec in eam partem accepta volo, quasi indubitata dubia reddere velim. Sententiis enim argumentis firmis superimpositis, semper lubens meum tribuere calculum, nec momentum moror. Attamen, quod ad detrimentum, quod arbores e Lichenibus adhaerentibus capiunt, attinet, illud in totum negare nolo, contendeo tamen, si utilitas cum noxa confertur, illos plus utilitatis, quam noxae, dare arboribus. Prius itaque ea, quae Lichenibus in culpam vertuntur, proprius consideranda veniunt, num illa aliquatenus liberari possint, periclitabor; denique vero commoda, quae arbores ex amplexu illorum capiunt, proferam. *Primum* & *praecipuum*, quod illis adscribitur, incommodum, est, quod nimirum plantarum parasiticarum modo alimenta arboribus detrahant, & in succos suos conuentant 49). Sententia haec inde verosimiliter traxit natalia, quod plerumque per plantas parasiticas eas intelligamus, quae in aliis viuunt 50): quae mea vero est sententia, illae tantummodo hoc merentur nomen, quae ex aliis vinunt, seu incrementa capiunt. Si ita limitetur definitio (& omni iure hoc fieri posse, quis non consentit!) statim elucet, non omnes plantas, quae in aliis viuunt, parasiticas esse, & nonnullas, quae ex terra crescunt, nihilominus ita esse denominandas. Sic e. g. Cuscuta europaea ex terra prodit, dum vero ad quandam excrevit altitudinem, statim caulis filiformibus arte circumpleteatur plantas

tas propinquas, praesertim Epilobium, Vrticam, Cannabim, Arctium, Sisymbrium & tum simul radicem ex terra protrahit, & per vasa inhalantia caulis sola enutritur, & incrementa capit, vt non solum odorrem & saporem, sed etiam vires & partes constituentes plantae circumuentae ostendat, quae vero denique omni orbata succo nutritio, suffocatur, quo facto in aliam transgreditur Cuscata plantam. Ex toto Cuscatae curriculo vitae elucet, reuera esse plantam parasiticam, licet ex terra proueniat. Viscum album altera planta huius farinae est nobis indigena, quae vero non solum in querqus, tiliae, aljarumque arborum, ramulis viuit, sed etiam radices figit; vt ex his omnia sibi assimilat nutrimenta. Lichenes, arbores, quibus adhaerent, eo modo, quem nunc a Cuscata & Visco enumeraui, exsugere & hinc impedire, quo minus capiant incrementa, nego & pernego; contra contendo, illos tantummodo ab aëre nutrici & quidem sequentibus argumentis: 1. Quia saepissime iidem Lichenes arbores & faxa inhabitant & tamen vtrobique perinde vigent. Si necessario ad vegetationem eorum succus, iam in vegetabili praeparatus, requiritur, vnde hunc desumunt Lichenes, faxa, lapides, arboresque decisas & emortuas, obsidentes? 2. Quia humida tempestate & quidem autumno & hieme praesertim laete vegetant. Si tantummodo ex arboribus sustentarentur, sequeretur, illos eo tempore maxime vigescere debere, quando vasa arborum succi sunt plena, quia tum maximam nutrimenti copiam possunt habere. Sed item contrarium obtinet. Nam aestate, dum liquor nutritius in plantas altus fertur & vtriculi succo turgent, fame fere contabescere illos videmus; autumno & hieme vero, dum omnis fere succus rursus ad radicem reuerit & ex vicina substantia nihil Licheni in nutrimentum accedere potest, optima quaevis capit incrementa

&amp;

## XXII

& viget quam viuacissimes 3). Quia vetustiores & plane extintas arbores, in quibus vel nullus, vel paucus mouetur succus, plus occupant, quam iuniores & succosas. Hic accedit, si ponamus, Lichenes arboribus vivitare, quod plorimi illorum punctis tantummodo scutiformibus hinc & inde leuiter cortici adhaereant (§. VIII.); hinc itaque pauxillum succi detrahere possent: & qui toto ambitu cortici adglutinati sunt, sunt adeo parui, vt paucissimis etiam, quibus saturentur, opus sit nutrimentis 51). Credo extra omnem positum esse dubitationis aleam, algas nostras non ex vegetabilibus, quibus adnatur, quaerere vitium, & neutiquam, ita praemonstrante LINNAEO, ad parasiticarum genus plantarum esse referendas 52). Vnde vero incrementa capiant? Respondeo ex aëre, praesertim si humidus est. Nam humida tempestate, autumno, hieme & vere optime vegetant (§. XI.). Non vnicula haec est familia plantarum, quae ex aëre pascitur, dantur plures. Sic v. g. Sedum Telephium in arenoso & sterilissimo habitat solo, nihilo fecius tamen exhibet folia succosa & quasi pingua. Hinc circumspetio accurata, quam medici quidam ex consulto praescribunt, a quanam arbore scilicet Lichenes officinales sint colligendi superflua est, dum ab uno eodemque nutrimento in una eademque specie, licet diuerso adnati sint obiecto, neutiquam virtutes oriri possunt diuersae. Secundo arguuntur Lichenes, quod, dum arboribus adnascuntur, poros, qui aëri intranti patere debent, occludant 53). Dum omne nimium vertitur in vitium, hoc interdum, si Lichenibus vndique dense obducuntur, valere posse, omnino negare nequeo. Sed tale quid raro & in illis modo arboribus obseruat, quae in depressiori & humidiiori loco vitam agunt. Si vero hinc & inde tantum arbores Lichenibus obstrictae sunt, neutiquam exinde siluarum decrementum est

deri-

## XXIII

deriuandum. Lichenes, qui in arboribus hospitantur, sunt plerumque crustacei, imbricati & foliacei. Quod ad crustaceos attinet, crusta eorum est vel tenuissima tela, quae saepissime rimas agit permultas, vel pollen subtilis, vel squamae leuiter superimpositae. Haec omnia introitum aëris impedire, haud credendum. Imbricati & foliacei etiam plerumque perquam leuiter & uno alteroque puncto, ut iam dixi, corticibus adhaerent, hinc aëri vias non occludere, sed potius patefactas retinere, dum impediunt, quo minus puluere obturentur, puto. *Tertio* accusantur Lichenes, illos rorem & pluuiam, quem primo accipiunt, arbori detrahere, & dum ob structuram suam humiditatem facile in copia absorbent, noxae esse arboribus 54). Cui accusationi nihil esse ponderis & potius pro utilitate Lichenum valere, fere iam per se patet. Licet enim Lichenes rorem & pluuiam primo excipient, tamen cum cortice tam propinquuo statim communicant. Aequo minus arboribus, si humectati sunt, nocere possunt, nam perleui calore iterum humiditatem euaprant, friabilesque euadunt. *Quarto* Lichenes extirpandos esse contendunt autores, quia nonnullis familiis insectorum domicilia praebent 55). Nonne tum maiori iure folia arboribus essent decerpenda, quia praecipua alimenta & tecta porrigunt multo maiori copiae insectorum? Non satis itaque mirari possum, omnes in re saltuaria & oeconomia occupatos viros, qui subdolo praeiudicio capti usum adeo insignem, quem praestant Lichenes, neglexerunt & remotiorem eorum tanto cum ferore vrgent, vt omnia sub omnibus angulis conquirant, quo effatum suum apodicticum, Lichenibus interitum minans, grauioribus etiam suffulcire possint argumentis. Usus sat amplum hae algae, quibus hieme tantummodo vegetare concessum est, praestant, frigus ab arboribus, quas circumdant,

arcen-

## XXIV.

arcendo, ne eo enecentur. Qua ex causa etiam obseruatur, illos potissimum latus septentrionem spectans occupare 56), quo damna, quae frigidus boreas arboribus ipsi expositis inferre posset, prouide auertant. Hinc etiam Lichenes frigidioribus regionibus praefertim concessit 57), calidioribus fere denegauit 58) natura; aequo ac mammalia cum avibus in climate calidiori deprehenduntur nuda seu leuiter modo pilis & pennis tecta: in frigidiori vero pelle densa, seu penmis approximatis vestita sunt. Non etiam itaque est mirandum, quod arbores hispidae & hirsutae in rusticorum hortis naturae cura solummodo reliquiae feraces & frigoris patientes deprehendantur, quam glabra & splendente epidermide tectae in hortis magnatum & hortulanorum & quod arbores agrestes hieme citius pereant in hortis ac siluis. Praeterea etiam arbores rimosas, in quibus saepissime magnae plagae cortice denudatae offenduntur, Lichenes aliquo modo vicem corticis supplentes, inuestiunt & a tempestatibus lignum defendunt. Num igitur iure Lichen est extirpandus? -- O si sua bona norint agricultorae! Tolluntur illi plerumque a hortulanis humida tempestate, dum scopis illos auerrunt. LINNAEVS remotionem illorum Helicibus nemoralibus committi posse, expertus est, si in arbores introducantur 59). Sed an haec ingeniosa methodus commendanda sit, valde dubito, dum cochleae verosimiliter folia & flores laedunt, priusquam Lichenes e medio tollant, vt ipse iam auguratur, licet alio loco 60) commodam esse methodum perhibeat. *De ressons*, quo Lichenes ab arboribus hortorum arceantur, commendat, vt cortices earum, ope scalpi, linea recta per totam longitudinem ad lignum usque transscindantur. Per hanc incisionem credit corticem euasorum esse multo laeviorem nec ullomodo rimis exasperatum, quae alias seminibus Lichenum lo-

cum

cum & habitaculum concedunt 61). Idem de hac methodo ac de priori sentiendum esse, quia incisio corticis certissime maius damnum infert arboribus, quam Lichenes, satis liquet.

49) Gleditsch Einleitung in die neuere Forstwissenschaft.  
I. p. 31.

50) Eiusmodi definitionem dat Summus LINNAEVS, dum dicit: *Parasitica vocantur ea naturalia, quae immediate nunquam vel e terra vel in terra crescunt, sed semper ex aliis suam petunt originem.* Confer. Eius Amoenit. acad. I. p. 460.

51) Hinc LINNAEVS in Amoenit. academ. VII. p. 377. mouet quaestione: *an fortassis Lichenes in arboribus, ut oestra in pecudibus & pediculi in pueris fonticula praestent?* Responsonem quaestionis huius nimis ingeniolas mitto.

52) Eius Diss. Stationes plantarum in Amoen. acad. Vol. IV.  
p. 87.

53) Gleditsch l. c. Krünitz ökonomische Enzyklopädie.  
XIV. p. 68.

54) Gleditsch & Krünitz l. c.

55) Insecta, quae praecipue sub algis in arborum corticibus hospitantur, sunt: *Dermetes capucinus, typographus, polygraphus, chalcographus, piniperda: Ptilus pectinicornis: Cerambyx moschatus, coriarius, aedilis: Cimex corticalis, vagabundus & quae sunt caetera.*

56) In silvis diffusioribus haec nota fere idem praestat, ac pyxis magnetica, cum neinpe per eam peregrinatores latus septentrionale statim distinguere possint.

57) Sic v. g. Nouam Zemblam tantummodo fere algas & muscos enutrire ab itenerariis traditur.

XXVI

- 58) *Akt. Hamburgisch. Magazin.* VI. p. 577. LINN. *Amoen. acad.* Vol. VII. p. 372.
- 59) *Linnæi Versuche einer Natur-Kunst- und Oeconomie Historie.* p. 255.
- 60) *Diss. Vfus muscorum in LINNAEI Amoen. acad.* VII. p. 377.
- 61) *Gazette litteraire de Berlin.* Ao 1774. n. 555. *Berliner Sammlungen.* VIII. p. 275.

§. XV.

*Lichenes fertilitatem & vegetationem promouent.*

Praeter commoda, quae arbores ex Lichenibus capiunt, praestant non minus, dum fundum omnino sterilem, humum daedaleam praeparando, reddunt fertilem. Pereleganter LINNAEVS modum, ad quem a natura id peragit, describit sequentibus: Lichenes crustacei primum vegetationis fundamentum sunt, adeoque inter plantas, licet a nobis flocci saepius pensi, maximi tamen momenti in naturae oeconomia sunt habendi. Quando rupes primum e mari emergunt, vndarum vi ita politae sunt, vt fixam sedem in iis vix quidquam herbarum inueniat, prout vbique iuxta mare videre licet; mox vero incipiunt minimi Lichenes crustacei has petras aridissimas tegere, sustentati non nisi exigua illa humi particularumque imperceptibilium copia, quam secum adduxerunt pluviae & aër; sed hi Lichenes tandem quoque senio consumti, in terram transeunt tenuissimam. In hac tam Lichenes imbricati radices agere possunt; & in his demum putrefactis inque humum mutatis musci varii, vtpote hypna, brya polytricha locum & nutrimentum postea aptum inueniunt.

XXVII

nunt. Ultimo tandem ex his pariter putrefactis tantam humi copiam genitam cernimus, ut herbae & arbustulae facili negotio radicari & sustentari queant 62). Eodem modo etiam natura, cui tamen insecto suam conferunt symbolam, truncos arborum demortuos destruit.

62) LINNAEI *Diff. Oeconomia natura. in Amoen. acad. II.*  
p. 25.

§. XVI.

*Lichenum usus in arte tinctoria.*

Praesertim algae nostrae se usui commendant tintorior & optandum foret, ut in Prussia, cum in sufficienti adsit copia, plura cum illis caperentur experimenta, quia huc usque raro & sine omni discrimine collecti, ad fuscum solummodo colorem apud nostrates in usum adhibentur. Suecia fere unica mihi nota est regio, quae praeprimis Lichenes in usum vocavit tintorium & verosimile mihi esse, videtur, quod si magis circa hos pericitaremur, merces patrias exinde fortassis augeri posse. Diuersos, ut postea in specialiori Lichenum historia magis elucescat, praebent colores & haud dubitandum, omnibus his plantis praecipue saxa inhabitantibus, principium inesse colorans 63). Felici cum successu iam experimenta cum lana, gossypio, serico & linteamine tentata sunt. Ad hunc scopum optimè tempore veris, dum tempestas est humida, colliguntur, ab arena, terra aliisque impuritatibus aqua depurgantur, siccantur & in puluerem rediguntur. Qui puluis tum vel aqua sola vel addito alumine cum rebus tingendis coquitur vel per quatuor seu sex hebdomades vrina maceratur. Tinctores praesertim pro colore

## XXVIII

lore purpureo in vsu habent mixturam quandam, R O C C E L L A M (Orseille) dictam, quae praesertim in Anglia & Gallia praeparatur ex *Lichene Roccella* 64) (qui in insulis Archipelagi, Canariis ad rupes marinas inuenitur & plerumque Kräuterorseille s. Kanarische s. Kapverdische Orseille nominatur) dum in vrina putrefacta illum macerant, calcemque addunt 65). In insulis sommmodo Canariis 2600 pondera centenaria testante H E L L O T colliguntur. Datur etiam alia Roccellae species, quae Aluernia adfertur (Orseille von Auvergne, Erdorseille s. Parelle) & priori inferior aestimatur, haec ex *Lichene Parelo* 66) eodem fere modo tractatur. Optima experimenta cum Roccella in arte tinctoria communicavit Cel. P O E R N E R 67). Laccam coeruleam, vulgo Lacmus, etiam ex *Lichene Parelo* 68) parari, iam obseruauit V A L E N T I N I 69), quod Cl. F E R B E R, qui fabricam prope Amstelodamum, in qua haec lacca praeparabatur, perlustrauit, confirmat. Vedit enim Lichenem Parellum in arcis ligneis, sub teftum aedificii positis, vrina, aqua calcis, calce extincta & cineribus clauellatis tam diu macerari, donec Lichen caeruleum acquisiuit colorem & consistentiam pultiformem. Molae singularis structurae tum committitur, per pannum setaceum exprimitur & in formis parallelepipedis siccatur 70). H E L L O T testatur, se ex diuersis Lichenibus indigenis colorem purpureum, Roccellae similem, obtiauisse, modum simul indicat, quo ex parua Lichenis cuiusdam quantitate iam augurandum sit, an purpureum colorem producendo aptus sit, nec ne. Sequenti id tentat methodo: Lichenis copiam paruam indit vitro, humectat illum spiritu salis ammoniaci & aquae calcis aequali quantitate, tum tantum, quantum intra digitos capi potest, addit salis ammoniaci, vitrumque claudit vesica humectata. Si post quoddam tempus humidum contentum purpureo

tin-

XXIX

tinctum est colore, Lichenem ad tinturam adhibendum esse, constat 71).

63) Schwedische Abhandlungen. IV. p. 30.

64) LICHEN (*Roccella*) fructiculosus solidus, aphyllus subramosus, tuberculis alternis. LINN. *Spec. plant.* II. p. 622.

65) Hanc methodum exhibit HELLOT in seiner Färbe-  
kunst. p. 353. 357. Prolixiores tradit MICHELIVS  
in *Gener. plant. nou.* p. 78.

66) LICHEN (*Parellus*) crustaceus albus, peltis concavis  
obtusis pallidis. LINN. *Mantiss. plant.* Ao. 1767.  
p. 132. n. 89.

67) Chemische Versuche und Bemerkungen der Färbe-  
kunst. III. p. 226 & seq.

68) In aliis officinis Gallicis & Belgicis lacca caerulea ex  
herba *Crotonis tinctorii*, quae plerumque Heliotropium  
nominatur, seu ex sic dicto *Tournesol en Drapeau* s.  
linteamina succo plantae nunc nominatae tincta, con-  
ficitur. Confer. BOMARE *Dictionnaire d' Histoire na-  
turelle*. Ao. 1768. p. 433.

69) Natur- und Materialkammer. I. p. 226. §. 6.

70) Ferbers neue Beiträge zur Mineralgeschichte verschiedener Länder. I. p. 378.

71) Hellots Färbe-  
kunst. p. 360.

§. XVII.

*Vires Lichenum medicae.*

Lichenū plurimi sapore gaudent terrestri, muci-  
laginoso & adstringente, alii simul amaricantes, acres  
&

XXX

& balsamici deprehenduntur. Odor in aliis amoenus & balsamicus est, in aliis terrestris, in aliis omnino deficit 72). In usum medicum apud nos raro vocantur, quare etiam Lichen pulmonarius & Islandicus tantummodo in officinis prostant. Tota fere Lichenum classis adstringit 73) & complures eorum purgant. Nullam fidam observationem, quod illis aliquid proprii medicati insit, probasse, contendit Cl. SPIELMANN 74). Cui vero sententiae contrariari videntur observationes medicorum inclutissimorum de Lichene Islandico & aliis, iusmo Celebr. Goettingensium Professor BÜTTNER, has algas in infusione cum aqua calida frigide propinando ietericos sanavit. WEBER pro vehiculo lactem & Cel. TODE iuscum carnis praefert, quia tum stomachum non facile monent 75). Quae tamen de usu medico insuper constant, ad specialiorem differo tractationem.

72) Gleditsch Einleitung in die neuere Forstwissenschaft. I. p. 38. §. 81.

73) HOFFMANN de med. offic. p. 447.

74) Institut. materiae medicae. p. 388.

75) WEBER Diss. de viribus plantarum cryptogamic. medicis. Kiliae. Ao. 1773., recensetur in Code medizinisch-praktischer Bibliothek. I. p. 174.

§. XVIII.

*Vsus Lichenum varius.*

Diuersi Lichenes a quibusdam quaeruntur animalibus. *Lichen rangiferinus*, vt mox fusius indicabo, praecipuum alimentum praebet Tarantis, in quibus tota fundata est Lapponum, vitam pastoream perpetuo agendum, oeconomia. Apud nos etiam bruta domestica & agre-

## XXXI

agrestia, vt cervus, in saeuitiae hiemis persistentis, fame preffa diversas quaerunt Lichenis species 76). Non solum tan en brutis, sed etiam hominibus haud raro in veram cedunt. Sic Canadenses, testante KALM., ob inopiam cibi praestantioris coacti sunt *Lichenem velleum* 77) edere coatum 78), & Islandi saepissime saturantur *Lichene Islandico* (de quo postea), qui ob contraria causam mouentes scilicet voluptatem ad splendidas, referente SCHREBER 79), vocatur magnatum nomenas. Lupis perquam infestus est *Lichen vulpinus* 80), & hoc praestantissimo remedio Norwegi patriam suam ab his latronibus reddiderunt tutam, dum Lichenem cum vitro puluerisatum cadaueribus infariunt & congelari finunt 81). Aues nidulos construentes extrinsecus illos Lichenibus foliaccis inuestiunt, quo oculis hostium subtrahantur. Vespaes vulgares & Crabrones eosdem ob glutem contentum loco ligni putridi colligunt & haud imitando artificio aluearia & fauos construunt 82).

76) Gleditsch Einleitung in die neuere Forstwissenschaft. I. p. 38. §. 82.

77) LICHEN velleus vmbilicatus : subtus hirsutissimus. LINN. Spec. plant. II. p. 1617. n. 52.

78) LINNAEI Flor. Suec. p. 419. n. 1103.

79) SCHREBER in notis ad LINNAEI Mater. medic. p. 228.

80) LICHEN vulpinus filamentosus ramosissimus erectus fastigiatus inaequali angulosus. LINN. Spec. plant. p. 1623. n. 79. Iconem exhibet OEDER Flor. Danic. Fascic. IV. Tab. CCXXVI.

81) LINN. Flor. Suecic. p. 427. & Eiusd. Diss. Vsus muscorum in Amoen. acad. VII. p. 382. §. 18.

82) Gleditsch l. c. p. 39. §. 84.

XXXII

§. XIX.

*Argumenti continuatio.*

Quia haec numerosa familia ob exiguitatem plurimorum specierum per breue tantummodo tempus innotuit & a Dillenio primum fere detecta est; non tam in vsum eorum ac in reliquarum plantarum celsiorum diu cognitarum inquisitum est. Experimenta & in arte tinctoria (§. XVI.) capta & in aliis instituta, spem admittunt, hasce plantas in posterum praeprimis vibus mechanicis & oeconomicis magis se esse commendaturas. Ex multis Lichenibus, postea indicandis, puluis cyprius ad dealbandos crines adeo praestans ante breue tempus ab exterris praeparabatur, vt non inferior fuerit eo, quem ex amylo paramus. Plane nescio, qua de causa haec praeparatio derelicta sit. *Lichen pulmonarius* ad praeparationem corii in vsum vocatur 83), & nouiora docuere tentamina, *foliaceos cinereos* ad confectionem chartarum valere 85). Cum *coralloideis* seu *fruiciformibus*, quo chartam praepararet, instituit experimenta G V E T T A R D. Dolet vero, illam ob nimis paucam cohaesionem particuliarum non ex voto successisse, licet ob albedinem, quam induunt, insignem, se ad hunc praeprimis commendare videntur vsum 85). E *Lichene pustulato* 87) pigmentum, quod atramentum Chinense seu *Tousch* appellatur, optime potest formari 87).

- 83) Gleditsch physikalisch: botanisch: ökonomische Abhandlungen. I. p. 25.  
84) Gleditsch Einleitung in die neuere Forstwissenschaft. I. p. 38. §. 84.  
85) Alt Hamburg. Magazin. XIV. p. 369.  
86) LICHEN (*pustulatus*) foliaceus vmbilicatus, subtus lacunosus. LINN. Spec. plant. II. p. 1617. n. 53. Icones OEDERI Flor. Danic. Fasc. X. Tab. DXCVII. f. 2.  
87) LINN. Amoen. acad. VII. p. 383. §. 19.

XXXIII

SECTIO SECUNDA.  
DE  
LICHENIBVS PRVSSICIS.

§. XX.

*Numerus Lichenum a botanicis Prussicis detectorum.*

Cum Lichenum stirps ultimum omnium plantarum obiectum fuerit Botanicorum, non mirandum, quod rei herbariae Prussicae scriptores in hac non adeo desudarint palaestra, ac in colligendis & indicandis plantis grandioribus. Si veras species varietatibus euidentibus detraheatis, quae a LOESEL, HELWING, WULFF, vna cum illis, quae a Botanicis Gedanensis bus BREYN & REYGER inuentae sunt, connumeramus, summa oritur Lichenum Prussicorum XXXVI. Quos insuper horis subsecuiis per paucos annos collegi, vna cum illis catalogo trado, licet valde doleam, quod diuersas Prussiae regiones, aliis fortassis speciebus praegnantes adeundi, occasio mihi huc usque defuerit.

§. XXI.

*Lichenum Prussicorum enumeratio.*

Circa enumerationem specierum quaedam praemonenda habeo, quae sequentibus absoluo. Cum species enumeratae vel ab antecessoribus meis Botanicis, vel a me, detectae sint; semper fideliter notaui, an illae etiam a

C  
me

## XXXIV

me obseruatae sint, nec ne, & in vltiori casu numquam meas feci. Quod ad nomina & characteres, quos adduxi, attinet, semper Linnaeanos, si aderant, praeposui, quia vtrumque non solum ob praestantiam se commendat, sed etiam vbique iam adsumptum est. Sequitur **HALLERI & DILLENI** denominatio. Huius nomen adferre, iubet reverentia, quam ipsi vt primo obseruatori debemus: illius, quia saepissime in his tum pumilis plantis multo oculatiorem & sagaciorem se praestitit ipso LINNAEO. Quae alii Botanici illustres usurparunt nomina aliquando adhibui, si vel priores plantam non obseruauerant, vel horum denominatio ab illis plane discedebat vel notior erat. Si species a me obseruatae a nullo Botanicorum, quorum catalogi ad manus erant, taetae fuerunt; ipse nomina & characteres construere coactus fui. Botanicos Prussicos semper allegani & ex his adiunctis facile determinari possunt species, ante me iam detectae. Lichenibus in pharmacopoeis patriis seu exteris introductis nomen, sic dictum, officinale adscripsi. Denominationes, quas finxi, germanicas, aliorum relinquo iudicio: si vero quaedam iam a vulgo receptrae aderant, quae tamen circa has plantulas rarae sunt, adieci. Solum natale semper indicaui & in speciebus, non frequenter occurrentibus, locum, quo reperi, accurate determinau. Varietates, quo eo facilius discernantur, litteris graecis praefixis distinx. Ne merum tantummodo indicem sisterem, cuius taedet, descriptiones adiunxi, quo tyronibus botanophilis facilitarem & in illis excitarem horum minimorum studium. Vfsum denique medicum, oeconomicum, mechanicum, quatenus mihi notus erat, communicau.

---

ORDO I.

LICHENES PVLVERVLENTI.

Staubflechten.

Pollen, seu puluis tenuis, diuersimode coloratus, superficie corporum mox tenuius mox densius adspersus, mox in aceruulos, seu globulos, laxe collectus, sistunt Lichenes, quos nunc sum indicaturus. Omnium plantarum sunt simplicissimi, paucissime organisati, infimae vegetationis. Transitum facere videntur ex vegetabili in minerale regnum. DILLENIVS 1) & LINNAEVS 2) hos e Lichenum exterminarunt familia & ad Byssorum genus miserunt; MICHELIVS 3), HALLER 4) & SCHREBER 5) vero rursus in priorem introduxerunt (§. XIII.). Hos tramitem naturae magis pressे sequutos esse illis, credo. Cum in BYSSI genere filamenta, seu fibrae capillares, pro nota characteristicā agnoscantur 6), hoc respectū ob formam puluerulentam, globosam sub Byssis militare nequeunt. Hinc iam monet Ill. GLEDITSCH, studio caudum esse, ne pro Byssi speciebus habeantur, perpusillae algarum plantulae 7). Maiori itaque iure ad Lichenum genus vocantur, cum fabrica eorum tam similaris optime respondeat Lichenibus, & ope horum scalam nascimur a crusta, inorganice fere expansa, pedetentim usque ad filamentorum ascendere ordinem. Accedit, quod sine dubio sint prima Lichenum reliquorum stamina 8), quae in veros adolescant Lichenes, cum crustam exacte referant lichenosam. Defectus scutellorum neutiquam pro separatione horum valet, cum illa & aliis desint, quae

XXXVI

tamen nihilo secius a LINNAEO huic generi adnumerantur (§. IX.).

- 1) *Historia muscorum.* p. I.
- 2) *Genera plantarum.* n. 975.
- 3) *Noua genera plantarum.* p. 96.
- 4) *Histor. plant. Heluetiar.* III. p. 102. Ord. X.
- 5) *Spicileg. flor. Lipsiae.* p. 140.
- 6) LINNAEI *gener. plant.* l. c.
- 7) *Methodus fungorum.* p. 25.
- 8) Hannoverisches Magazin. Ann. X. p. 466.

I. LICHEN (*lacteus*) puluerulento crustaceus albissimus. SCHREBER *Lips.* p. 139. n. 1148.

Lichen farinaceus mollis, albus, glebulis sphaericis.  
HALLER. *Histor. Helv.* III. p. 103. n. 2093.

Byssus Laetea. LINN. *Sp. pl.* II. p. 1639. n. 12.  
REYGER *Fl. Gedan.* II. p. 173.

Byssus candidissima, calcis instar, muscos inuestiens.  
DILLEN. *musc.* p. 2. Tab. I. f. 2.

Weisse Staubflechte.

*Arborum cortices, quos late aliquando obducit, quasi a calce dealbati esse videntur. Deprehenditur etiam in muscis.*

Per lentem conspectus ex meris glebis sphaericis subcinereis constare videtur. An non rudimenta Lichenis faginei?

II. LICHEN (*incanus*) puluerulentus, albus, glebulis rotundatis. SCHREB. Lips. p. 139. n. 1147.

Lichen farinaceus, mollis, albicans, glebis difformibus. HALL. Hist. Helv. III. p. 103. n. 2094.

Byssus (*incana*) puluerulenta, incana, farinae instar strata. LINN. sp. pl. II. p. 1639. n. 11. DILLEN. musc. p. 3. T. 1. f. 3.

Mehlichte Staubflechte.

*In terra, saxis, corticibus arborum & muscis inuenitur.*

Alga haec, si recens colligitur, seu si aqua humectatur, colore gaudet incano, qui vero, dum siccatur, in album transit. Minutos aliquando format globulos cohaerentes, saepissime vero in crustam latam, minime cohaerentem, & farinaceam, expansa est.

III. LICHEN (*cinereus*) puluerulentus cinereus, ru-  
pes operiens.

Byssus saxatilis. LINN. Spec. plant. II. p. 1638.  
n. 7. REYGER. Gedan. II. 173.

Graue Staubflechte.

*Saxa & rupes aëri liberiori expositae hac alga obductae & cinerascentes deprehenduntur.*

IV. LICHEN (*Iolithus*) puluerulentus, sanguineus, saxis innascens.

Lichen iridis odore, crustaceus, ruberrimus, siccitate palescens. HALLER. Hist. Helv. III. p. 103.  
n. 2090.

Byssus

## XXXVIII

Byssus Iolithus. LINN. Sp. pl. II. p. 1638. n. 8.

Byssus capillacea, puluerulenta, violam redolens,  
fructificationibus sparsis &c. GLEDITSCH. fung.  
p. 18. n. 1. var. a. WVLFF Bor. p. 4. n. 14.

Iolithus s. lapis violaceus. SCHWENKE. foff. p. 382.

Wohlsriechende Staubflechte.

Violenstein.

*In locis glareosis duris circa officinas carbonarias illum crescere, perhibet WVLFF l. c. Cum locum non proprius indigitauerit, iure dubito, an ipse illum inuenerit. A me non obseruatus est.*

Summus HALLER, a quo descriptionem mutuari placet, sequenti illum describit modo: „Crusta iunior ruberrima, de duro lapide late efflorescit: per aetatem vero ex luteo viret. Filamenta, dum iunior est, obscurissima, neque mihi conspicua educit; & siccus mihi puluerulentus videtur. Odore est Violae vel Iridis, eoque durabili, qui vtique a musco est, non a lapide.„ LINNAEVS in itineribus suis notauit, in faxis siluaticis ante vnum alterumque annum euersis & supinatis, qnorum inferior superficies superior euasit, quique nulla erant tecta terra illum modo reperiri: qua ex obseruatione, quia nempe faxa, quibus puri & aperti pori sunt, solum occupat, concludit, hanc algam non nisi ea enutrir terra, quae ex pluviis decidit, seu ex arboribus evaporatur 9).

In febribus exanthematicis illum usurpari, idem in praeteritu indicat 10). Saturatissimo etiam tinctus colore luteo, simulque suaveolenti 11). Hoc iam

XXXIX

siam inde comperimus, quia manus colorantur, dum eruditur. Usus algae tamen rarer, quia minutissima est.

9) Linne Reisen durch Westgothland. p. 289.

10) l. c.

11) LINN. *Amoen. acad.* V. p. 339. Eiusd. Reisen durch Öland und Gothland. p. 35.

V. LICHEN (*flavus*) puluerulentus *flavus*. SCHREBER *Lipsi.* p. 139. n. 1145.

Lichen crusta tenuissima *flava*. HALL. *Hist. Helv.* III. p. 104. n. 2096.

Byssus (*candelaris*) puluerulenta *flava* lignis *adnascens*. LINN. *Sp. pl.* p. 1639. n. 9. REYGER. *Gedan.* II. p. 173 12).

Gelbe Staubflechte.

*Observatur copiose ad parietes antiquos, asperes, ligna, cortices arborum, humido potissimum vento expositarum.*

Colore' gaudet hic Lichen eleganter *flavo*, aut sulphureo. Lenti subiectus ex particulis informibus constare videtur. Anne hic Lichen natalia praebet *Licheni candelario*?

Ad luteum colorem adhiberi, perhibet LINNAEVS 13).

12) Sub hoc nomine Linnaeano WULFF in *Flor. Bor.* p. 4. n. 16. perfalce excitat *Agaricum lichenosum*, noctu *Lampyridis* instar lucentem sub nomine *Mäuschenfeuer Prussis* notum ex Mspt., cui Auctor HELWING titulum *Tournefortii Borussici* praefixit. Haec alga in lignis putrescentibus habitans est *Byssus phosphorea*.

13) Linne Reisen durch Westgothland. p. 63.

XL

VI. LICHEN (*botryoides*) puluerulentus viridis.

Lichen crustaceus verrucosus viridis. HALL. Hist.  
Helv. III. p. 102. n. 2089.

Byssus botryoides. LINN. Sp. pl. p. 1639. n. 10.  
REYGER Gedan. II. p. 173.

Lichen byssinus. SCOP. Carneol. II. p. 364. n. 1373.

Grüne Staubflechte.

α) Lichen viridis. SCHREB. Lips. p. 139. n. 1149.

Byssus botryoides saturate virens. DILLEN.  
musc. p. 3. Tab. 1. f. 5.

*In terra, saxis, muris humidis frequens.*  
*Testae florum, si terra contenta semper seruatur*  
*humida, hoc Lichene extorsum obducuntur.*  
*Varietatem indicatam in quercuum cortice de-*  
*prehendi.*

Crusta puluerulenta, in glomerulos aggregata,  
continua, omnes etiam minimos recessus corporis,  
cui adnascitur, obducit. Color plerumque est  
gramineus, hinc & inde luteo mixtus. Saepe illum  
supra *Lichenem* flavum luxuriantem offendit, tunc  
colorem ex flavo viridescentem prae se tulit. Va-  
rietas, quam allegavi, multo viuidior est color,  
qui proprius accedit colori viridis aeris. Micro-  
scopio subiectus Lichen ex meris globulis oblonga-  
gatis, semipellucidis, vnis similibus, (vnde etiam  
nomen triuale proficiscitur) constare videtur. Va-  
rietatis globuli sunt multo subtiliores. Cl. WEIS  
de hac alga sequentia, quae ego etiam obseruauit,  
notat: In muris aut parietibus humidis vnum super  
alterum accrescit stratum huius algae ad crassitatem  
aliquot linearum, deinde sensim in informem abit  
pur.

purpuream gelatinosam massam, hinc & inde nigro fuscis maculis intermixtam, concretioni fungosae haud absimilem. Hic est vltimus status huius Lichenis moribundi, abhui enim tunc pluvia solet, & in eius locum nouus iterum accrescit 14).

14) WEIS plant. cryptogam. Goetting. p. 16.

VII. LICHEN (*cinnabarinus*) puluerulentus, crusta glebulosa cinnabarina.

Lichen crustaceus, puluerulentus, ruber, arboribus adnascens. HALL. Hist. Helv. III. p. 104. n. 2098.

Lichen crustaceus, puluerulentus, ruber, arboribus adnascens. MICHEL. gen. plant. p. 100. n. 73.

Zinnoberrothe Staubflechte.

*In corticibus arborum asseribusque putridis inuenitur.*

Glebulae sunt plerumque oblongae, conuexae, saepe confluentes, coloris cinnabarini magis, seu minus, laetioris. Dubius fere haereo, an non sint funguli quidam prouectiori aetate exsiccati?

VIII. LICHEN (*variegatus*) puluerulentus, crusta rubro & albo colore variegata. Tab. I. fig. I.

Fleischfarbige Staubflechte.

*In sepibus putridis inter botryoidem obseruauit.*

Occupat semper in asseribus locos depresso-  
& in linea recta longe aliquoties protenditur. Eminens carneus appetet, proprius vero, si adspiciatur,  
ex albo & carneo colore variegatum esse, liquet.  
Nunquam superficie gaudet laeui, sed semper im-  
pressionibus perquam numerosis exaratus deprehen-  
ditur.

X L I I

IX. LICHEN (*Antiquitatis*) puluerulentus ater.  
SCHREBER *Lips.* p. 138. p. 1144.

Lichen crustaceus, saxatilis, omnium minimus, niger.  
HALLER. *Hist. Helv.* III. p. 102. n. 2081.

Byssus antiquitatis. LINN. *Sp. pl.* p. 1638. n. 6.

Schwarze Staubflechte.

*In lapidibus praeprimis argilloſis in via extra Regiomontum ambulatoria inter dem Friedländiſchen und Brandenburger Thor prouenientibus sae- pius inueni.*

Hic Lichen maculas in lapidibus, æri aliquamdiu expositis, efficit, quae imitantur atramentarias, calamo scriptorio factas. Sunt vel rotundae, vel angulatae, vel solitariae, vel ex multis inter se confluentibus maculis constant. Nudo oculo fere planam ostendit superficiem, armato vero ex meris tuberculis rotundis aut informibus proxime iuxta se positis constare patet. Ob fabricam adeo tenuem neutiquam a lapide potest separari. Hinc & inde eiusmodi lapides punctulis nigris, acumen aciculae aequantibus, quae superficie accreuerunt, obſiti sunt, quae primordia huius Lichenis esse vi- dentur. HALLER saepe illum latissime per lapi- dem regnare & hunc, qua meridiem & occasum spectat, denigrari vidit. Cum in vno eodemque lapide vna cum *L. fuso-atro* nostrum fere semper obſeruauerim, verosimile mihi videtur, illum ex hoc ortum traxisse.

ORDO II.

LICHENES LEPROSI TVBERCVLATI.

W a r z e n f l e c h t e n .

Hi paululum tantummodo organisatores apparent prioribus. Crusta (§. VII.) gaudent a *puluerulentis* in eo diuersa, quod illa non tam laxe, sed arctius adhaerat habitaculo, hinc inter omnes reliquos difficillime sunt separandi. Accedit, quod crusta saepe sit cuticula tenuissima. Haec interdum aspera, interdum rimosâ, interdum granulosa, interdum squamosa, interdum laevis deprehenditur. Aliquando plane deesse videtur. Insident ipsi corpora plerumque globosa, saepe tamen etiam ab hac figura discedentia, parum supra crustam prominentia, quae *tuberculata* (§. IX.) vocantur. Superficies eorum est vel laevis, vel scabra. Omnes plane sessiles obseruantur, excepto vnico *L. ericetorum*, qui petiolatus est. Color diuersus crustae & tuberculorum praeципuam dat in his differentiam specificam. Recenset hos DILLENIUS in Ord. I. *Lichenoidum* 16), MICHELIUS in Ord. XXXIV. *crustaceorum* 17), HALLER in Ord. IX. *scutellatorum crustaceorum* s. *Herpetum* 18) & SCOPOLI inter *Terras vegetabiles* 19).

16) *Histor. muscor.* p. 128.

17) *Nova gener. plantar.* p. 96.

18) *Hist. plant. Heluetiar.* III. p. 97.

19) *Flor. Carneolic.* p. 359.

X. LICHEN (*scriptus*) leprosus albicans lineolis nigris ramosis characteriformibus. LINN. *spec. plant.* p. 1606. n. I.

Lichen

X L I V

Lichen de rimis efflorescens, bivaluis, ater, characteristicus. HALL. Hist. Helv. III. n. 2079.

Lichenoides crusta tenuissima peregrinis veluti litteris inscripta. DILLEN. musc. p. 125. Tab. 18. f. 1. Tab. 55. f. 9.

Lichen cinereo albidus, lineolis characteriformibus, diuaricatis. NECKER. method. p. 45. n. 1.

Karakteristische Warzensflechte.

*In omni fere genere arborum praecipue iuniorum frequens deprehenditur. Pyri mali silvestris truncum & ramos vndeque hac alga eleganter obsitum in silua prope pagum parochiam Tiefensee obseruavi. Valde mirandum, in Prussia neminem illius hactenus fecisse mentionem.*

Crusta albicante seu cinereo albicante saepius etiam flauescente cortices arborum circumdat, quam raro crassiorem saepissime vero adeo deprehendi lauem & tenuem, vt fere de praesentia crustae dubius haeserim, & Lichen epidermidi infixus videretur. In hac crusta rimae obseruantur copiosae, quae in uno eodemque specimine simplices, rectas, curuas, angulosas, arcuatas, distinctas, anastomosantes aliasmodi lineas formant. Hae fissurae atri pollinis plenae, qui tamen, si microscopio Lichen subiicitur, magis eleuatus ad latera, quam in medio rimarum offenditur, ad litterarum hebraicarum, seu potius chinensium, similitudinem proxime accedunt, vnde etiam nomen ipsi impositum.

XI. **LICHEN** (*geographicus*) leprosus flauescens, li-  
neolis nigris mappam referens. **LINN.** *Spec. plant.*  
p. 1607. n. 2.

**Lichen** crusta inseparabili flava, scutellis nigris con-  
fluentibus. **HALL.** *Hist. Helv.* III. p. 99 n. 2063.

**Lichenoides** nigro flauum, tabulae geographicae instar  
pietum. **DILLE**. *musc.* p. 127. Tab. 18. f. 5.

**Icones OEDERI flor. Dan.** *Fasc. VIII. Tab. 468.* n. 1.

Geographische Warzensflechte.

Landkartenmoos.

*Licet iam per nonnullos annos in saxis & la-  
pidibus hunc nitidum quaesuerim Lichenem &  
iam omnem illum inueniendi dimiserim spem;  
praeterlapsa tamen aestate in excursione botani-  
ca instituta in imbrice a tecto templi pagi Gu-  
ditten delapso summo meo commilitonumque gau-  
dio reperi.*

Magna non opus est quidem imaginatione, vt  
similitudinem huius Lichenis cum mappa geogra-  
phica inueniamus. Crusta, quae obiecto adeo  
arête adhaeret, vt separari nequeat, coloris est  
pallide flavi seu citrini & in varias rotundas, an-  
gulatas, quadratas, rhombeas figurar dispartita est,  
quae lineis plus minusque atris, fluuios quasi, seu  
regionum fines, repraesentantibus, circumdantur.  
Emergent ex crista tubercula minima, numerosa,  
oblonga, seu rotunda, distantia, seu approximata,  
& inter illa praeprimis crista rimas minutissimas  
egisse videtur. In imbrice, quem coram habeo,  
similes figuræ cinereas, fuscas & nigras, pertenui  
crusta tectas, obseruo, quae verosimiliter Lichenis  
decre-

## XLVI

decrepitam aetatem indicant, quod etiam Cl. WEIS  
animaduertit, qui flauum colorem, diu tempestatii  
expositum, in albidiorem, post fuscum, & denique  
nigrum, mutari vidit \*).

\*) *Plant. cryptogam.* Goetting. p. 39.

XII. LICHEN (*rugosus*) leprosus albicans, lineolis  
simplicibus punctisque nigris confertis. LINN.  
*Spec. plant.* p. 1607. n. 3. REYGER. *Gedan.*  
II. p. 168.

Lichenoides punctatum nigrum & rugosum. DIL-  
LEN. *musc.* p. 125. Tab. 18. f. 2.

Nunzliche Warzenflechte.

*In carpinis, fagis, aliisque arboribus, praefer-  
tim iunioribus, habitat.*

In hac specie etiam obtinet crusta tenuissima alba,  
quae nigrescentibus plerumque lineis vndique in-  
clusa, multis maioribus & minoribus ornata est  
tuberculis, illisque aterrimis. Non in omnibus  
huius Lichenis lineam nigrescentem animaduerti,  
sed in nonnullis color albus crustae a colore cor-  
ticis diuersus terminos illius indicabat. Hinc linea  
Lichenem circumsepiens non ingredi debuisset in  
characterem specificum. Tubercula sunt rotunda,  
parua, approximata, hinc & inde in varias figuras  
confluentia, atra. Si per lentem conspiciatur Li-  
chenis crusta, intra tubercula rimas, *Licheni*  
*scripto* (Sp. X.) exacte similes, nisi quod haec nullo  
polline coloratae sint, egiisse obseruatur. Num hic  
Lichen successu temporis in *Lichenem* transit  
*scriptum*?

XIII. LICHEN (*graniformis*) leprosus: crusta albescente, granulata: tuberculis atris. Tab. I. f. 2.

Körnichte Warzenflechte.

*Detexi illum in pariete afferibus exstructo diuersorii, quod in pago Rachinen est.*

Crusta veluti est calcarea, ex minutis glomerulis composita, qui plerumque, dum in modum fibrarum lignearum, quibus insident, ordinati sunt, lineas formant. Inter haec granula pollinem antherarum magnitudine aequantia, hinc & inde tubercula parum maiora & atra prominent.

XIV. LICHEN (*sanguinarius*) leprosus, cinereo virescens, tuberculis atris. LINN. *Spec. plant.* p. 1607. n. 4.

Lichen crusta farinacea virescente, scutellis atris. HALLER. *Hist. Helv.* III. n. 2065.

Lichen limitatus SCOPOL. *Carn.* II. p. 363. n. 1370. & L. punctatus. *ibid.* p. 365. n. 1374.

Ruglichte Warzenflechte.

*In truncis diuersarum deprehenditur arborum.*

Constat crusta tenuissima viridescente, cui globuli nigri pauciores, quam in *L. rugoso*, insident, qui mox maiores, mox minores, nullo distincti ordine, deprehenduntur. Hi saepissime gibbos & crusta a viridi colore aliquando valde recedit. Plerumque linea nigra circumscribitur. Clarissimi SCOPOLI *L. punctatum*, cui receptacula scutellata adiudicat, etiam sanguinarium esse, obseruatio CL. ZOEGAE extra dubitationis aleam ponere videtur.

## XLVIII

detur. Tuberculā, inquit, ab initio vera sunt scutella, margine subtumido nigro, carne fusco nigra; deinde vero excrescent in tubercula maiora conuexa margine obsoleto, carne intrinsecus nucleus ferrugineum, rare pulchre sanguineum, continente \*).

\*) SCHREBER *Lip.* p. 137. n. 1140.

**XV. LICHEN** (*Hemisphaericus*) leprosus, lutescens, tuberculis immersis atris politis.

Halbfuglichte Warzenflechte.

*Inuenio illum inter Lichenes meos siccos, ante annos quosdam collectos. De qua arbore illum una cum cortice abscederim, nescio.*

Crusta lutea laevigata tenuis, ex qua hinc & inde sine ordine tuberculi globulosi quasi erumpere & crustam ad latera eleuare videntur, ut tantummodo hemisphaerae atrae politae visui pateant.

**XVI. LICHEN** (*fusco-ater*) leprosus, fuscus, tuberculis atris. LINN. *Spec. plant.* p. 1607. n. 5.

Lichen crusta farinacea inseparabili, cinerea scutis nigerrimis. HALL. *Hist. Helu.* III. p. 99. n. 2062.

Braunschwarze Warzenflechte.

*In omni genere lapidum frequens.*

Late aliquando obducit lapides crusta fusca, tenuissima, plerumque rotunda, cui copiosa & respetu Lichenis praecedentis, minutissima insident tubercula nigra. Sequentes de hoc Lichene obseruauit varietates:

α. cru-

α. crusta cinerea.

Lichen crusta albida tuberculis nigris SCOPOLI  
Carneol. II, p. 364. n. 1372. Var. 2.

β. crusta fere nulla.

Lichen (*rupestris*) tuberculis sessilibus nudis.  
SCOPOLI. l. c.

XVII. LICHEN (*pertusus*) leprosus : verrucis sub-tesselatis, laeugatis, pertusis poro uno alteroque cylindrico. LINN. Mantiss. plant. Ao. 1767. p. 131. n. 82.

Lichenoides verrucosum & rugosum cinereum glabrum. DILLEN. musc. p. 128. Tab. 18. f. 9.

Lichen crusta verrucosa ; areis polygoniis, punctiferis. HALL. Hist. Helu. III. p. 98. n. 2053.

Lichen (*verrucosus*) cinereus, scutellis virescentibus. HUDSON Flor. Anglic p. 445. n. 18.

Sphaeria (*pertusa*) subcomposita, aggregata, irregularis, perforata, virescens. WEIGEL. Observ. p. 46. n. 9. Tab. II. f. 15. WEBER. Spicil. Goetting. p. 282. n. 298.

Durchstochene Warzenflechte.

Deprehendi saepe in cortice Tiliae.

Crusta tenuis, hinc & inde rugosa. Verrucae irregulares, concolores, distinctae, eminentes, remotae, aliquando confluentes, planae, laeues, in medio umbili instar depressae. Harum multae clausae, multae hiantes seu poris notatae, ac si acicula subtilissima semel, bis, vsque sexies, perfora-

D tae

L

tae essent. Cl. WEBER. l. c. notat, sub quolibet poro faccum latere sphaericum, puluere carbonario repletum. Recens planta cinereo virescens, siccata albida est.

*Var.* Lichen crusta cinerascente, scabra, quasi calce obcaeta, tuberculis perparum eminentibus, numerosis, omnibus minutissime pertusis \*). Tab. 1. f. 3.

An *Lichen scaber* SCOPOL. Carn. p. 365. n. 1376? Sed obstant scutellae!

\*) Quem Celeb. NECKER in Delic. Gallobelg. p. 501. n. 5. sub nomine *Lichenis Carpini* recenset, hanc esse varietatem, nullus non dubito.

XVIII. LICHEN (*calcareus*) leprosus candidus, tuberculis atris. LINN. Spec. plant. p. 1607. n. 6.

Lichenoides tartareum tintorium candidum, tuberculis atris. DILLEN. musc. p. 128. Tab. 18. f. 8.

Schäfige Warzenflechte.

*In rupibus & lapidibus in via ad villam suburbanam, die liebe dictam, vulgaris.*

Crusta late est expansa, alba, rimosa, dura, ut cultri ope, dum separare studemus, in minutissima diffingatur frustilla. Humeata fit flexilior. Superficiem saepissime lauem & crustam vnam tres vsque fere lineas crassam deprehendi. In hoc tubculo conspicuntur pustulae nigrae, pauculum super illam eminentia diuersae magnitudinis, quas etiam laeuigatas inueni.

Obseruauit illum plerumque latera modo inuestire petrarum, nunquam superficiem coelo oppositam,

tain. Fortassis pluniae impediunt, quo minus hic altas agere possit radices. LINNAEVS statuit hoc Lichene saepius e longinquo lapides calcareos a saxis posse dignosci \*). Sed dubito fere, an semper res ita se habeat, cum *Lichen confluens WEBERI* \*\*) a nostro, vt ex descriptione eius patet, non diuersus in saxis Hercyniae vulgaris sit.

Siccatam hanc algam, quae mense Augusto colligitur, puluerisatam, per tres septimanas vrina, vase clauso contenta, macerata, & deinde cum rebus tingendis coctam, eas colore rubro, scarlatino simili, imbuere, refert DILLENIUS l. c.

\*) Linne's Reisen durch Oeland und Gothland. p. 202.  
Eiusd. Flor. Suecic. p. 407.

\*\*) Spicileg. flor. Goetting. p. 180. n. 229.

XIX. LICHEN. (*rupestris*) tuberculis sessilibus nudis.  
SCOPOLI Carn. II. p. 363. n. 1372.

Lichen rupestris, Var. β. tuberculis rubicundis.  
WEBER. Spicil. Goetting. p. 191. n. 247.

Lichen crustaceus, saxatilis, glaucus, tenuissimus,  
receptaculis florum exiguis. MICHEL. gen. plant.  
p. 97. n. 26.

Rothe Warzenflechte.

*Deprehendi illum in petra domui in der Moos-  
hude propinque & ex aduerso sita.*

Inclavatum & infixum illum fere foraminulis  
petrae indicatae animaduerti, cuius superficies tu-  
berculis rotundis & oblongis, hemisphaeria reprae-  
sentantibus, ex albo purpureis, politis \*) obsita  
erat. Duritie erat *Lichenis calcarei*. Crustam

LII

nullam, quamvis acriter oculis intuitus sim, deprehendi. SCOPOLI putat, *Lichenem cinereum* (Sp. III.) crustam penitus absorbere.

\* ) HALLERI *Lichenem*, quem in marmore rubro inuenit, *crusta tenuissima, inseparabili, subcarnea; scutellis sanguineis subhirsutis* (*Hist. Helv.* III. p. 101. n. 2073.) esse, obstant *crusta, scutellae & facies hirsuta illarum.* An fortassis diuersis aeratibus diuersam induit faciem?

XX. LICHEN (*aeruginosus*) crustaceus, tuberculis sessilibus, planis, crista verniciformi. SCOP. *Carn.* p. 361. n. 1368.

Lichen crustaceus aeruginosus; scutellis albidis. IAQVIN. *Austr.* p. 188. Obs. 98.

Lichen glauco virens tuberculis iisdem. MICHEL. *gen. plant.* p. 98. n. 83.

Iconem sifit. Tab. I. f. 4.

Grüne Warzenflechte.

*In truncis prouenit arborum.*

Crusta est glauco – virescens, glabra, aliquatenus rimosa, dupli linea marginali cinerea circumdata. Huius medium occupant tubercula maiora minoraque, concauo – plana, ex albo virescentia, approximata. An *Lichenis Elueloidis WEBERI* \*) varietas?

\*) *Spicileg. Goetting.* p. 186. n. 243.

XXI. LICHEN (*fagineus*) leprosus albus: tuberculis albis farinaceis. LINN. *Spec. plant.* p. 1608. n. 10.

Lichen verrucosus crustaceus, albus, orbiculis villosis concoloribus. HALL. *Hist. Helv.* III. p. 102. n. 2086.

Liche-

*Lichenoides candidum & farinaceum, scutellis fere planis.* DILLE N. MUSC. p. 131. TAB. 18. f. 11.

Kalkartige Warzensflechte.

*Praeprimis in corticibus inuenitur fagorum, verumtamen etiam aliarum arborum, praesertim rimosarum \*).*

Crusta est alba, glaucescens, glebulis facta calciformibus, nulla linea marginali determinata. Hanc obtinent tubercula irregularis figurae, diuerse saepissime magnitudinis, alba farinacea.

Huius Lichenis permultas obseruauit varietates, quarum praecipuae sunt:

$\alpha.$  crusta laeui in cinereum colorem transeunte, tuberculis paucis, magnitudine fere eruorum, rotundis, totis farinaceis.

$\beta.$  crusta fere nulla, tuberculis parum eminentibus, planis, angulosis, farinaceis, ad similitudinem variolarum subconfluentium accedentibus.

*Lichen orbiculatus.* SCHREB. Lips. p. 135. n. 136.

$\gamma.$  crusta nulla, vndique tota tuberculosa, minoribus & maioribus, farinaceis & non farinaceis tuberculis.

Duas vteriores a vetustis saepius legi arboribus.

\* LINNAEVS credit, hoc Lichene Fagos solummodo occupari & ope illius iam dignoscendas esse. Confer, Eius Versuche einer Natur-, Kunst- und Oekonomiehistorie. p. 87.

XXII. *LICHEN (carpineus) leprosus*, cinereus: tuberculis albidis rugosis. LINN. Sp. pl. p. 1608. n. 11.  
Weisse

Weisse Landkartenähnliche Warzensflechte.

*In carpinorum cortice frequens.*

Occupat saepissime totum arboris corticem. Tenuissimus fere omnium tuberculosorum. Maculae albidae solum oculo nudo animaduertuntur, in quibus ope microscopii tubercula distinguere valemus. Cauendum vero est, ne *Lichenem fagineum* (Sp. XXI.) huic saepissime insidentem pro tuberculis assumamus. Quod Cl. WEIS \*) se obseruasse exhibet, etiam in omnibus huius speciei Lichenibus obseruaui, nigras nempe lineas ad extremos margines macularum albarum, quae hasce maculas confiniis fere distinguunt. Has verisimilime a *Lichene rugoso* (Sp. XII.) profici sci credit. Ex hac commixtione duorum Lichenum oritur in carpinorum corticibus pictura quaedam mappae geographicae similis, dum maculae albae *Lichenis carpinei* prouincias referunt; lineae nigrae *L. rugosi* fluuios aut terminos singunt. Qua ex ratione LINNAEVM in itinere scotico ipsi nomen *Lichenis geographicci* imposuisse credo \*\*).

\*) *Plant. cryptogam. Goetting.* p. 42.

\*\*) *Versuche einer Natur-, Kunst- und Oekonomiehistorie.*  
P. 73.

XXIII. LICHEN (*ericetorum*) leprosus, candidus: tuberculis incarnatis. LINN. *Spec. pl.* p. 1608. n. 12. WULFF *Bor.* p. 42. n. 177 \*).

Lichen crusta tenace verrucosa, albida, fungis incarnatis. HALL. *Hist. Helv.* III. p. 97. n. 2042.

Coralloides fungiforme carneum basi leprosa. DILLEN. *musc.* p. 76. Tab. 14. f. 1.

Fun-

Fungus non vescus XXXIII. LOESEL. pl. Bor. p. 22.

Fungus granulosus incarnatus. GOTTSCHED. Bor.  
p. 97. n. 255.

Fungilli incarnati coloris, minuti, musco innati.  
MENZEL. pugill. rar. T. VI.

Schwammartige Warzenflechte.

*In sylvis paludosis super terram ad truncos  
putridos arborum inter Lichenem pyxidatum.*

Quia hunc, a Botanicis Prussicis obseruatum, ipse  
nondum inueni, descriptionem a Cl. WEIS \*\*)  
mutuabor, simileque vero, id quod horto meo sicco  
inest specimen, consulam. Crusta est late diffusa,  
tenuer, granulosa, fragilis, coloris albescens, ex  
glebulis calcareis minimis, inconspicuis, aliisque  
maioribus composita globulis rotundis & albis. Ex  
hac crusta exsurgunt passim tubercula variae magni-  
tudinis, insidentia stipulis rugosis, crassisculis, al-  
bis, saepe multis, lineam vnam duasque longis.  
Tubercula sunt glabra, figurae e plano-conuexae,  
rotunda, fungillis similia, substantiae spongiosae,  
pallide roseo colore tincta \*\*\*).

\*) Cum hunc Lichenem ad filamentosos referat WULFF, liquet,  
quamvis nec LOESELIVM nec GOTTSCHEDIVM ci-  
tauerit, tantum abesse, ut inuenierit ipsum, ut potius ne vn-  
quam quidem depictum viderit.

\*\*) Plant. cryptogam. Goetting. p. 44.

\*\*\*) Reperi hanc Lichenis speciem in sylvis Isthmi (Kurische  
Nerung), mare Balthicum a Curonico lacu dirimentis, an-  
no c 1515 CC LXV, m. Mario in solo arenoso, inter erice-  
ta & muscos locis humidi scutulis vna cum Lichene coccifero.

(Forster.)

ORDO III.

LICHENES LEPROSI SCUTELLATI.

Schildflechten.

Crusta horum valde accedit illi, qua tuberculati gaudent. Aliquando ex squamis crenulatis & incisis constat. Maxima tamen ponitur differentia in corpusculis supra crustam eleuatis, quae a tuberculis in eo descendunt, quod structura rotunda, seu ovalis, magis regularis in his obseruetur, & praesertim discus eorum in medio depresso sit, cuius peripheria margine, saepissime alio tacto colore, circumcingitur. Hi funguli *Scutellae*, *Orbiculi* seu *Acetabula* (§. IX.) nominantur. In non-nullis speciebus aliquando tam numerosi inueniuntur, ut de crista nihil fere oculis pateat & a mutua compressione irregulares & angulatae euadant. Color etiam in his dat characterem specificum. DILLENIUS, MICHELIUS, HALLER & SCOPOLI cum tuberculatis vnam eandemque concesserunt classem.

XXIV. LICHEN (*candelarius*) crustaceus flauus, scutellis luteis. LINN. *Spec. plant.* p. 1608. n. 13.

Lichen fronde laciniata, rotunde lobata, flava colore. HALL. *Hist. Helv.* III. p. 93. n. 2023.

Lichenoides crustosum orbiculis & scutellis flavis. DILLEN. *Musc.* p. 136. Tab. 18, f. 18.

Lichen (*fulvus*) crustaceus flauus, scutellis fulvis. NECKER *Delic. Gallobelg.* p. 502. n. 8.

Gelbe

Gelbe Schildflechte.

Lichtflechte, Lichtmoos.

Mauerkräze vulgo.

*In truncis arborum, lapidibus, parietibus antiquis, muris septentrionem praesertim spectantibus per quam copiose, ut aliquando ad insignem altitudinem colore flauo obducti appareant.*

Hic Lichen verisimiliter a *Lichene flauo*, iam (Sp. V.) descripto, originem dicit. Nam primum eius rudimentum est puluis flauus in orbem expansus, in cuius medio accrescente aetate conspicuntur scutellae, quae semper numerosiores evadunt, usque dum tota crusta lutea illis approximatis vndique obsita sit. Scutellae iuniore aetate concavae & eleganter fluae deprehenduntur, successu temporis vero planae, angulatae & irregulares fiunt, & pedetentim in colorem fuscum degenerant. Saepe margine farinaceo cinctae deprehenduntur \*).

Rusticos Smalandiae hunc Lichenem, a parietibus antiquis abrasum & linteo inuolutum, aqua, quae luteo ab illo inficitur colore, excoquere & decoctum tandem cum sebo miscere, quocum candelas pro diebus festiuis feabant, quae sub luteum colorem aemulantur cereas, prohibet LINNAEVS \*\*).

\*) In hoc Lichene intra cucullum habitat *Phalaenae Lichenellae* femina, quae aptera, laevis, nigra est. Mas Entomologos adhuc latet.

\*\*) Reisen durch Oeland und Gothland. p. 36.

LVIII.

XXV. LICHEN (*tartareus*) crustaceus, ex albido - virescens, scutellis flavescentibus: margine albo.  
LINN. Spec. plant. p. 1608. n. 14.

Lichenoides tartareum farinaceum, scutellarum vmbone fusco. DILLEN. musc. p. 131. Tab. 18. f. 12.

Grüne Schildflechte.

Färbeſlechte.

*Haec alga, usui tinctorio se commendans, extra Sueciam hactenus raro obseruata, in saxis maioribus in via ad villam suburbanam die siebe saepe, nec minori copia in muris firmissimis templi Labiauiensis, hinc inde ab eo incrustatis, a me reperta est.*

In saxis nullam fere crustam Lichenis obseruauit, sed, totus quantus est, ex meris scutellis diuersae magnitudinis constare videtur. In ligno putrido vero, in quo etiam illum, tamen raro, offendit, scutellarum copia crusta circumdatur tenui, puluerulenta, alba, circa peripheriam vario modo eleganter laciniata. Scutellae tam numerosae existunt & adeo arcte compressae sunt, ut a pressione mutua hinc & inde eleuetur Lichen & faciem induat vndulatam. Plurimae earum euadunt vndulatae. Color scutellarum perquam similis est illi, quem viride pomorum (*verd de pommes*) appellamus, alboque cinetiae sunt margine. Simulac vero prouectiores euadunt, multo maiores, rotundiores & planae fiunt, postea color magis in flavescentem & denique in fuscum vergit, tum conuexam habent faciem, ob quam margo albus oculis fere se plane subtrahit.

Si

Si vllus Lichenum, hic praecipue, ad tingendum aptus est, & optandum foret, quem cum natura non parca manu Prussiae largita sit, vt pericula cum eo instituerentur. Westrogothi ex illo rubrum fabricant colorem, quem sub nomine *Boettellet* per totam ob pulchritudinem diuenditant Sueciam.

**LINNAEVS** \*) & **KALM** \*\*) sequenti modo describunt praeparationem. Humida tempestate seu post pluuiam a scopolis derasum, commolitum & aqua ab omnibus heterogeneis elotum, qua prius maceratur, siccant, ollae immittunt, vrinam superaffundunt & per quinque vel sex hebdomades in quiete relinquunt. Quibus confectis vnum vel alterum cochleare paululum cum aqua in olla coquunt & mercem tingendam ad breue tempus immittunt, quae tum rubrum nanciscitur colorem.

\*) Reise durch Westgothland. p. 170.

\*\*) Schwedische Abhandlungen. VII. p. 250.

**XXVI. LICHEN** (*coerulescens*) crustaceus, ex albido coerulescens: scutellis concoloribus; margine albo.  
T. I. f. 5.

Bläuliche Schildflechte.

*In cortice tiliarum in ambulatione nach dem Alten Rathof deprehendi.*

Excepto colore perquam similis est *tartareo* (Sp. XXV.). Crusta & margo scutellarum pallidius tincti obseruantur disco, qui, praesertim humectatus statim niger euadit. Scutellae sunt copiosae, & in adultioribus margo euanevit.

XXVII. LICHEN (*pallescens*) crustaceus albicans;  
scutellis pallidis. LINN. *Spec. plant.* p. 1608.  
n. 15. REYGER. *Gedan.* II. p. 168. n. 2.

Lichen fronde laciniata appressa ceruina, concolore.  
HALLER. *Hist. Helu.* III. p. 93. n. 2024.

Lichenoides crustosum orbiculare incanum. DIL-  
LEN. *musc.* p. 135. Tab. 18. f. 17.

Graue Schildflechte.

*In corticibus arborum frequenter reperitur.*

Crusta tenuis, in iuniore aetate albescens, in  
prouectiore in cinereum tendit. In orbem amplio-  
rem saepe est digesta & in illis locis, vbi maximus  
adest scutellarum numerus; valde rimosa & ir-  
regularis deprehenditur. Scutellae sunt minimae,  
sessiles, magnitudine inaequales, planae, coloris  
ceruini. In quibusdam speciminibus spatium quod-  
dam inter se seruant; in quibusdam vero adeo ap-  
proximatae sunt, ut angulatae euadant & saepissi-  
me in unum confluere videantur. Interdum scu-  
tellae margine albo, nudo iam oculo distinguendo,  
einctas deprehendi: in plurimis vero ne umbram  
quidem marginis, licet per lentem conspexerim,  
obseruauui. Hinc nescio, an Lichen, quem Cl.  
WEIS \*) describit, & de quo perhibet, in omni-  
bus se marginem scutellarum valde crenatum,  
immo quasi reuolutum & albissimo colore distin-  
ctum animaduertisse, vera sit species? Varietatem  
*Lichenis subfuscii* esse credo, neutiquam tamen  
negaturus sum, nostrum successu temporis in illum  
transire.

\*) *Plant. cryptogam.* Goetting. p. 48.

XXVIII. LICHEN (*pallidus*) crustaceus cinereus, scutellis pallide carneis, margine albo. SCHREBER.  
Lips. p. 133. n. 1132. Conf. Tab. 1. f. 6.

Gleiche Schildflechte.

*Corticem Juglandium regiarum in horto splendido in Prielacken intercolumnia ambulationis constituentium hoc Lichene incrustatum inueni.*

Licet alga, quam nunc describo, a laudata Schreberiana in descriptione Celeberr. Autoris discedat, tamen in charactere exacte conuenit. Crusta eius est perquam tenuis, subcinerea, laevis. ex hac scutellae prominent seminis papaveris albi vix magnitudine, medium crustae tantummodo occupantes & hic aliquando tam copiosae, vt confluere videantur. Scutellae sunt planae, colore albo ad carneum tendente, margine lacteo exili cinctae. Varietatem scutellis glaucescentibus hinc & inde in cortice tiliarum in Königsgarten obseruavi.

XXIX. LICHEN (*minutissimus*) crustaceus flaves-  
cens, scutellis vix prominentibus, fuscis, margi-  
ne albo crassiori cinctis. Tab. 1. f. 7.

Kleinste Schildflechte.

*In truncis habitat arborum & fruticum.*

Hanc minimam algam non licuit in Botanico-  
rum indicibus, qui mihi ad manus sunt, inuenire. Crusta eius ex albo in flauum tendit colorem, gla-  
bra, hinc & inde rimosa & tenuissima est. Sem-  
per fere in oblongum serpit. Scutellae ex ea quasi  
tantummodo eminent, vt earum altitudo vix pili  
aequet crassitudinem & tam paruae sunt, vt vix  
nudo

LXII

nudo oculo discernantur. Medium crustae praepraemis obtinent, interdum approximatae, interdum remotae conspicuntur. Sunt planae, omnino sessiles & respectu disci, qui apicem subtilissimae aciculae refert: margo earum mediocriter crassus creditur.

XXX. LICHEN (*subfuscus*) crustaceus albicans, scutellis subfuscis: margine cinereo subcrenato.  
LINN. *Spec. plant.* p. 1609. n. 16. REYGER  
*Gedan.* II. p. 168. n. 3.

Lichen crusta tenace, verrucosa, cinerea, scutellis rufis marginatis. HALLER. *Hist. Helv.* III. p. 98. n. 2049.

Lichenoides crustaceum & leprosum scutellis subfuscis.  
DILLEN. *musc.* p. 134. Tab. 18. f. 16.

Braune Schildflechte.

*Vbiique in arborum truncis vetustis, praesertim vento expositis, nonnunquam etiam in lapidibus deprehenditur.*

Crustam habet albo-cinereum, rugosam & interdum granosam. Ex hac exsurgunt scutellae copiosissimae, non crenatae, quae ab initio puncto solum fusco in medio notatae sunt, postea maiores evadunt, planae fiunt, marginem crenatum, eleuatum, cinereum, acquirunt. Discus scutellarum saturatius seu pallidius tinctus, quod ab aetate plantae pendere videtur saepissime obseruatur & sequentibus praesertim ansam dedit varietatibus:

a. Lichen *subfuscus rufus*. WEIS *pl. crypt.* p. 50.  
*Var. B.*

Lichen

LXIII

*Lichen crustaceus verrucosus, candidus, scutellis rubris.* HALL. *Enum. Helu.* p. 83. n. 110.

*Lichenoides tartareum liuidum scutellis rufis margine exili.* DILLEN. *musc.* p. 133. Tab. 18. f. 14.

Huius scutellarum color est rufus.

β. *Lichen subfuscus luteus.* WEIS l. c. *Var. γ.*

*Lichen crustaceus albus, scutellis subluteis sessilibus planis, margine albo.* SCOPOL. *Carn.* Edit. I. p. 81. n. 16. *Var. c.*

*Lichenoides crustaceum & leprosum, acetabulis maioribus luteis, limbis argenteis.* DILLEN. *musc.* p. 132. T. 18. f. 13.

Scutellae luteae reliquis maiores animaduertuntur.

XXXI. LICHEN (*nigricans*) *crustaceus albicans:* scutellis atris, margine cinereo laeui. NECKER. *delic. Gallobelg.* p. 504. n. 11.

Lichen (*ater*) *crustaceus albicans,* scutellis rugosis nigris. SCHREBER *Lipf.* p. 132. n. 1130.

Lichen *crusta glauca verrucosa tenace.* HALLER. *Hist. Helu.* III. p. 99. n. 2056.

Lichen *crustaceus verrucosus albicans,* scutellis atris, sessilibus planis, margine, albo. SCOP. *Carneol.* Edit. I. p. 82. n. 16. *Var. f.*

Lichen *subfuscus ater.* WEIS *plant. cryptogam.* p. 49. *Var. α.*

Liche-

LXIV

**Lichenoides crustaceum & leprosum scutellis nigri-**  
**cantibus maioribus & minoribus.** DILLE<sup>N</sup>.  
musc. p. 133. Tab. 18. f. 15.

Schwärzliche Schildflechte.

*In corticibus arborum.*

Praecedenti Lichene quidem affinis est, tamen pro mera eius varietate cum aliis Botanicis habere nequeo, quia crusta magis leprosa, eius irregularis expansio & color magis albidus, scutellae multo numerosiores & ampliores, vt a mutua pressione acerius illarum hinc & inde eleuetur & color nigricans, qui a prouectiore aetate non dependere videtur, cum & minutissimae scutellae iam hoc in orbe suo gaudeant, tale quid dissuadent.

---

ORDO IV.

LICHENES IMBRICATI.

Schuppenflechten.

Horum structura foliacea iam magis composita & organisata indigit corpora. Constant enim ex foliolis plerumque rotundatis squamarum piscium seu tegularum testi instar sibi inuicem quoad partem, vel laxe, vel arcte incumbentibus, vt nullum inter se relinquant spatium. Minora horum semper fere medium occupant & quo magis a centro distant, eo maiora semper euadunt, vt in extremitatibus maxima omnium obseruentur. Ob hunc situm foliorum, vndique centrum circumdantium hi Lichenes semper, nisi a quadam causa interueniente in expansione turbentur, gaudent figura rotunda, seu orbiculari. Certis temporibus in his tales eminentiae, ac in scutellatis obseruantur, quae hic etiam sub nomine *Scutellarum*, seu *Peltarum* veniunt. Plerumque medium Lichenis occupare solent, raro in extremitatibus, seu circa peripheriam animaduertuntur. In his algis praecipue MICHELIVS ea detexit, de quibus antea (§. IX.) mentio facta est. Ab illo in Ord. XXII. \*) & ab HALLERO in Ord. VI. \*\*) inter *Lichenes Pulmonarios*, a SCOPOLI inter *Fucos terrestres* \*\*\*) & a DILLENIO inter *Lichenoides* recensentur.

\*) MICHELII *Nona gen. plantarum.* p. 90.

\*\*) *Hist. plant. Helv.* III. p. 87.

\*\*\*) *Flor. Carneol.* II. p. 377.

LXVI

XXXII. LICHEN (*puluerulentus*) imbricatus: foliis lobatis, crenatis, obtusis, viridibus, polline conspersus; scutellis nigris, margine crenatis. SCHREB.  
Lipf. p. 128. n. 1123.

Lichen fronde cinerea, profunde laciñiata, rotunde lobata; scutellis nigris. HALL. Hist. Helv. III. p. 91. n. 2016.

Lichen (*orbicularis*) imbricatus: foliolis oblongis, obtuse multifidis, scutellis subfuscis. NECKER.  
Delic. Gallobelg. p. 509. n. 19.

Lichenoides glaucum, orbiculare; segmentis latioribus, scutellis nigris. DILLEN. Musc. p. 176.  
Tab. 24. f. 72.

Staubichte Schuppenflechte.

Iconem exhibet Tab. II. f. 8.

*Deprehendi in truncis quercuum in der Moosbude.*

Omnis, quas Autores citati postulant, notae characteristicæ perfecte & accurate cum Lichene, quem nunc propono, quadrant, excepta ea, quod foliola eius nunquam in figuram orbicularem, sed semper oblongam disposita esse obseruauerim. Coloris superne est graminei, seu atro-virentis, qui successu temporis, dum siccus Lichen inter chartas conseruatur, in inamoenum fuscum transit. Foliis constat glabris, latiusculis, oblongis, rotunde lobatis; lobis paruis, crenulatis, crispis, margine undulatis, papyro tenuioribus. In medio arcte sibi incumbunt & in modum intestinorum colliguntur, seu pustulas, quasi aëre inflatas, formant. Has semper denso & tenui polline foliis

COR-

concolore, atrouirenti nempe, testas inueni & si digitis terantur, puluis ex superficie prodit lacteus. Laxe illum cortici quercus adfixum obseruani & in illis locis, quibus adhaesit, carbonarius, laciniae vero liberae ex albo-fuscae sunt. Scutella ratione Lichenis inueni ampla, concolora, planiuscula. Discus obscurior erat tinctus & laevis. Margo aliquo modo eleuatus ob adspersum pollinem, quocum etiam conuexa pars scutellorum testa est, crenulatam mentitur faciem. Folia, quae ex scutellis propullulantia vidit WEBER \*), nunquam obseruauit.

\*) *Spicileg. Flor. Goetting.* p. 217. n. 276.

XXXIII. *LICHEN (centrifugus) imbricatus*: foliis multifidis obsolete laeuibus albidis centrifugis, scutellis rufo fuscis. LINN. *Spec. plant.* p. 1609. n. 18.

*Lichen* fronde profunde laciñiata, semipinnata, rotunde lobata, crasse villosa, scutellis per amplis. HALLER. *Histor. Helv.* III. p. 91. f. 75.

*Lichen imbricatus viridans*, scutellis badiis. DILLEN. *musc.* p. 180. Tab. 24. n. 2015.

Konzentrische Schuppenflechte.

*In lapidibus praesertim maioris molis e. g. terminalibus in via nach Venarten frequenter vidi florentem. Hospitatur etiam in arboribus.*

Hic *Lichen* semper in figuram se extendit orbicularis. Folia parua, rugosa, eleuata, sub quibus sensim alia propullulant. Maxima copia in medio sita est. Quo plus illa a centro distant, eo maiora, longiora, rotundiora, eleganterque laci-

## LXVIII

niata evadunt. Color eorum superne est subuiridis in glaucum non nihil tendens, inferne vero niger. Scutellae plerumque sunt in centro cespitis congestae, maiores minoresque, rotundae, quarum diameter ab una vsque ad tres lineas latus est, planae, coloris sanguinei, margine vidente cinctae. Saxis pertinaciter adhaeret, hinc raro, nisi probe ante humectatus fuerit, sine laceratione potest separari.

XXXIV. LICHEN (*laciniatus*). WEIS *cryptogam.*  
Goetting. p. 55.

Geschweifte Schuppenflechte.

α. Lichen *laciniatus saxatilis*. WEIS l. c.

Lichen (*saxatilis*) imbricatus: foliolis sinuatis scabris lacunosis, scutellis folio concoloribus.  
LINN. Spec. plant. p. 1609. n. 19. WVLFF  
Bor. p. 37. n. 151. REYGER Gedan. II.  
p. 169. n. 4.

Lichen subuiridis, fronde semipinnata, rotunde lobata, lineis puluerulentis reticulata, inferne sebra, carbonaria. HALL. Hist. Helv. III.  
p. 90. n. 2011.

Lichen opere phrygio ornatus. VAILLANT  
Bot. Par. Tab. 21. f. 1.

Lichenoides vulgatissimum cinereo-glaucum, lacunosum & cirrhosum. DILLEN. musc.  
p. 183. Tab. 24. f. 83.

Lichen crustae modo saxis adnascens verrucosus cinereus & veluti deustus. HELLWING  
Suppl. Bor. p. 43. n. 249.

Vulgo. Steinmoos, Steinflechte,

In

*In saxis frequenter occurrit, nunquam vero in calcareis obseruatur & ope huius Lichenis saxa satis ab his distinguere valemus 1).*

Folia huius algaे sunt sinuata, apice truncata, fragilia, lacunosa & laxe sibi incumbunt. Superficies eorum superior punctulis eminentibus saepissime exasperata est cinereo-virescens *in recenti*, cinereo lutescens *in sicca*: inferior nigricans & pilosa. Scutella non vidi, tamen SCOPOLI prohibet, illa esse rufescens, concava, parua, in medio sita 2). Diuersa aetate diuersum induit colorem, albidum nempe, cinereum, aurantium & denique fordide nigricantem seu quasi deustum. In hoc ultimo statu HELLWING Lichenem obseruauit.

Rustici in Oelandia & Gothlandia fila colore fusco, seu purpurascente inficiunt, dum illa vna cum Lichene laudato stratum super stratum disposita cum aqua & lixiuio coquunt 3). Leithae in Anglia officina reperitur, vbi in praeparatione coloris pulchri & perpetui rubri ex hac alga ducenti occupati sunt homines, illam colligentes, & in formam pulueris redactam aqua macerantes 4). Ob usum tintoriorum LINNAEVS ipsi antea nomen Lichenis tintorii imposuit 5). Auiculae huic algae vna cum plumis aliisque floccis quam mollissime nidulos substernunt 6).

3. *Lichen laciniatus arboreus.* WEIS *cryptogam.*  
p. 56. 7).

*Lichen Dioscoridis & Plinii secundus colore cinereo.* HELWING. *Supplm. Bor.* p. 42.  
n. 246. 8).

In

*In arborum corticibus saepe offenditur.*

Etsi mera tantummodo prioris est varietas, semper tamen truncos arborum pro loco agnoscit natali & desuper folia ipsi sunt planiora, non adeo profunde laciniata & minus crispa. Superficies eorum est magis albida. Auersa pars interdum tota atra est, interdum extremitates huius coloris expertes sunt. Scutellae, quas ipse nondum obseruaui secundum WEIS l. c. sunt magnae, ampliae, lentem, circiter aequantes, coloris e fusco ad rufum tendentis, margine intra reuoluto cinereo. In eo vero eius adumbratio nimis determinata mihi videtur, dum nostro Licheni semper latiora ac faxatili adiudicat folia, cum mox latioribus, mox angustioribus foliis, illum deprehendi.

Color frondium glaucus, si aqua macerantur, statim in amoene rubrum mutatur, quo chartae & aqua imbuuntur. Quidam Autores perhibent, illum ad violaceo colore tingendum aptum esse, quod falsum 9).

Has duas varietates Lichenis laciniati praecipue suturas cranii humani occupare & tum nomine *Vsneae* 10) officinas intrare, credunt LINNAEVS 11) & GLEDITSCH 12). Quia vero omnes, qui terris & lapidibus innascuntur, Lichenes, etiam cranio, libero aeri exposito, accrescere possunt, iam a BERNITZ vsneam cranii humani in herbaceam & crufaceam distinxit 13). Debet hoc superstitionem & iam exoletum medicamentum deliriis PARACELSI natalia, qui simul necesse duxit, hominem, de cuius cranio vsnea colligebatur, carnificis manu interemptum esse & commendauit illam in Epilepsia & Haemorrhagia.

Secta-

Sectatores eius vero ad omne fere genus morborum debellandum extenderunt 14).

γ. Lichen lacinatus *tubulosus*.

Lichen fronde profunde laciniata, caua, corniculis puluerulentis. HALL. Hist. Helv. III. p. 92. n. 2018.

Lichen lacinatus γ. physodes. WEIS cryptog. p. 57.

*In sepimentis ligneis ruralibus prouenit.*

Licet structura valde ab iam adductis varietatibus discedat, habitus tamen magnam cum *L. lacinato arboreo* indigitare videtur affinitatem, quod eo etiam magis adfirmatur, quia non raro uterque in amplexu inuenitur. Color illius viridi-cinereus seu glaucus, inferne ater est. Totus est tubulosus, tumidiusculus & quasi inflatus, exceptis extremis lobis planiusculis, quibus obiecto adnatus est. Foliola tubuliformia seu fistulosa dense congesta, inferne magis ventricosa, superne in ramulos perbreues diuisa & rursus tribus, quatuor, interdum sex lobis obtusiusculis finita deprehenduntur. Apices lobulorum plurimum colore fusco & punctulo nigro, vix apicem acus aequante, notati & quidam farina concolore adspersi sunt. Cl. WEIS I. c. hanc varietatem cum *L. physode* confundit, qui vero a praesente plane diuersus est.

1) LINNAEI Flor. Suecic. p. 410. n. 1075. Eiusd. Reisen durch Oeland und Gothland. p. 226.

2) Flor. Carneol. II. p. 388. n. 1396.

3) Linnee Reisen durch Oeland und Gothland. p. 35.

4) Serz

LXXXII

- 4) Serbers neue Beiträge zur Mineralgeschichte verschiedener Länder. I. p. 455.
- 5) Linne's Versuch einer Natur - Kunst - Dekonomie - historie. p. 322.
- 6) NECKER Delic. Gallobelg. p. 505.
- 7) Nomen HALLERI, quod Cl. Autor excitat, neutquam ad hanc, sed ad priorem pertinere varietatem, licet arboribus adnascatur, elucet ex adumbratione Halleriana.
- 8) Licet hoc nomen in fronte positum hanc non quidem determinare videatur, tamen reliqua nomina ex MORISONO & PARKINSONO adducta, illud hic referre suadent.
- 9) CL. WEIS I. c. ex HALLERO & hic ex T. XVI. der schwedischen Abhandlungen. p. 68. refert, hoc Lichene violaceum produci colorem. Sed ex tractatu ipso Sueci WESTFELD elucet, eum non hanc algam, sed Lichenem pustulatum intellectisse.
- 10) *Muscus trichoides* vocatur a DALE. Confer. Eius Pharmacolog. p. 113.
- 11) *Materia medica*. Edit. SCHREBERI. p. 228.
- 12) Verzeichniß der Arzneigewächse. p. 173.
- 13) Ephemerides Nat. Cur. Ann. II. Obs. 53.
- 14) v. g. a BERNITZ in *Ephem. N. C.* iam citatis.

XXXV. LICHEN (*omphalodes*) imbricatus : foliolis multifidis glabris, obtusis, incanis, punctis vagis eminentibus. LINN. Spec. plant. p. 1609. n. 20. WULFF Bor. p. 37. n. 152.

Lichen nigricans *omphalodes*. VAILL. Bot. Par. p. 116. Tab. 20. f. 10.

Schwärzliche Schuppenflechte.

In

LXXIII

*In pratis & lapidibus habitare exhibet LINNAEVS.*

An WVLFF certe hunc obseruauerit, iure dubito. Cum illum haftenus non deprehenderim, descriptione eius supersedeo.

XXXVI. LICHEN (*oliuaceus*) imbricatus: foliolis lobatis nitidis liuidis. LINN. *Spec. plant.* p. 1610. n. 20. WVLFF *Bor.* p. 37. n. 153.

Lichen fronde semipinnata, rotunde lobata, oliuacea, pulla, scutellis crenatis. HALL. *Hist. Helu.* III. p. 91. n. 2014.

Lichen crustae modo arboribus adnascens, oliuaceus. VAILLANT. *Bot. Par.* Tab. 20. f. 8.

Lichenoides oliuaceum scutellis laeibus. DILLENS. *musc.* p. 182. Tab. 24. f. 77.

Olivenfarbige Schuppenflechte.

*In salicibus, pyris aliisque inuenitur arboribus.*

Folia eius sunt imbricata, plana, lobata, inaequaliter & subrotunde laciniata. Superficies eorum est fusco-oliuacea, seu obscure virescens cum nitore. Inferne nigricantia & villosa obseruantur. Interiorem algae partem obsident scutellae sessiles, orbiculatae, planiusculae, excavatae, crenatae, diuersae magnitudinis. Omne spatium in disco Lichenis, ab his liberum, papillis minimis, folio concoloribus, vndique exasperatum est. Planities foliorum, vnde euenit, quod Lichen vndique cortici arboris accurate adglutinatus sit, vna cum colore oliuaceo ab omnibus aliis illum statim discernit.

XXXVII.

LXXIV

XXXVII. LICHEN (*pullus*) imbricatus: foliolis lobatis, oliuaceis, scutellis laeuis. SCHREBER  
Lips. p. 131. n. 1127.

Lichen fronde semipinnata, rotunde lobata, oliuacea, scutellis laeuis. HALL. Hist. Helu. III.  
p. 91. n. 2013.

Lichen (*pullus*) imbricatus: foliolis nitidis lobatis  
scutellis margine laeuis. NECKER Delic.  
Gallobelg. p. 510. n. 22.

Braungrüne Schuppenflechte.

*Arboribus antiquis adnascitur.*

Oliuacei seu fuscouridis Lichen recens, seu humectatus est coloris, qui vero magis in lutescentem ac praecedens vergit. Successu temporis, si siccatus conseruatur, evanescit & denique fuscum induit. Subtus brunneus est. Foliola minora, imbricata & nitide lobata ante explicationem granulosa esse videntur. Scutellas non vidi. Concolores & margine laeues viderunt citati Autores. Maxime ad finis haec alga est *L. oliuaceo*. Diueritatem vero NECKER contendit, e superficie lutescente, frondulis latioribus tenuioribusque obtusissimis, scutellis laeuis, immo ex tota planta, quae siccata in fuscum colorem degenerat \*). Addo *oliuaceum* semper planum esse, quod vero in pullum non quadrat.

\*) Method. p. 95. n. 63.

XXXVIII. LICHEN (*parietinus*) imbricatus: foliis crispis fuluis, peltis concoloribus fuluis. LINN.  
Spec. pl. p. 1610. n. 25. REYGER. Gedan.  
II. p. 169. n. 5.

Lichen

**Lichen fronde rugosa rotunde lobata, flava, concolor.**  
HALL. Hist. Helv. III. p. 93. n. 2021.

**Lichenoides vulgare sinuosum, foliis & scutellis luteis,**  
DILLEN. musc. p. 180. Tab. 24. f. 76.

**Goldgelbe Schuppenflechte.**

**Gemeine gelbe Baumfräze vulgo.**

*Omnium fere copiosissimus 1). Adhaeret  
arboribus, lapidibus, parietibus, sepibus per-  
quam frequenter.*

In juniori aetate hic Lichen foliolis constat, in orbem congestis, imbricatis, laciniatis, extremis ceteris latioribus, tenuibus, e viridi flavescentibus, inferne, vbi adnata sunt, carbonariis. Ex his ex-surgunt scutellae breuiter petiolatae, orbiculatae, fuluae, plerumque planae, marginis virescentis. In adultioribus vero specimini bus totus quantus folius deprehenditur 2), tanta que saepissime obseruatur scutellarum diuersae magnitudinis & intensioris coloris copia, vt de foliolis fere nihil, nisi extrema, visui pateant. Scutellarum margo tum etiam aureum induit colorem & ipsae concavae fiunt. Denique totus Lichen in fuscum transit. Aliquando nullae adsunt scutellae, sed folia puluere luteo adspersa deprehenduntur. In pago Rachinen foliola quaedam huius algae hinc & inde Byso quadam viuidi incarnati coloris in omnibus fere salicibus incrustata deprehendi.

Hunc paululum humectatum chartas & linteas amoenissimo carneo tingere colore & quidem durabili, vt soli per diurnum tempus expositus non immutetur, noster iam obseruauit HELWING 3). HALLER 4), NECKER 5) & WEIS 6) quidem

LXXVI.

dem volunt, LINNAEVM hunc indigitare Lichenem, dum de rusticis Oelandicis enumerat, eos & sine & cum alumine Lichenis ope, quem idiomate suecico *Takmossa* nominat, luteo tingere colore 7); sed hunc non parietinum esse, adiectum synonymon ex Rajo iam docet & insuper LINNAEVs ipse testatur, se Lichenem vulpinum putasse 8). In Diarrhoea illum adstringere refert HALLER. I. c.

1) A WVLFFIO haec alga non visa!

2) Cl. WEIS (*plant. cryptogam.* p. 60.) & Celeb. KRÜNITZ (*Dekonomische Encyclop.* XIV. p. 73.) perhibent, prouectiori aetate algam ex fulvo in virescentem colorem transire, sed obseruationes me contrarium docuere. Vnumquemque enim iam minor numerus scutellarum in virescenti & perquam numerosus in fulvo, facies multo viuidior in priori satis conuincere potest, inuerso id fieri ordine.

3) *Suppl. Flor. Bor.* p. 43. n. 247.

4) *Hist. Helv.* III. p. 93. n. 2021.

5) *Delic. Gall. Belg.* p. 505. n. 13.

6) *Plant. cryptog.* Goetting. p. 60.

7) *Schwedische Abhandl.* Ao. 1742. Tom. IV. p. 32.

8) *Flor. Suecic.* p. 427. n. 1129.

XXXIX. LICHEN (*physodes*) imbricatus: laciñiis obtusis subinflatís. LINN. *Spec. pl.* p. 1610. n. 26. WVLFF *Bor.* p. 37. n. 154.

Lichen fronde cinerea, profundius diuisa, laciñiata, obtuse lobata, scutellis nigricantibus. HALLER. *Hist. Helv.* III. p. 92. n. 2017.

Lichen

Lichen crustae modo arboribus adnascens, tenbiter  
divisus. HELWING Suppl. Bor. p. 43.  
n. 248.

Ausgeblasene Schuppenflechte.

*Corticibus arborum, betularum praecipue &  
fagorum, & saxis adnascitur.*

Foliis gaudet multipartitis, lobatis, quorum  
laciniae eleuatae & quasi bicornes sunt. Quo pro-  
pius centro, eo tumidiores & inflatiores obseruan-  
tur. Causa est haec alga & membrana superior,  
si transuersim Lichen secatur, ab inferiori distat.  
Superne cinerea seu pallide virescens & leuis est,  
hinc & inde polline cinereo tectus esse videtur,  
inferne nigrescens, seu fuscus est. Ramuli tubuli-  
formes in iuniori plantula clausi deprehenduntur,  
dum vero adultior fit, foraminulo rotundo perfo-  
rantur & hiant. Interdum in uno tubulo multa  
foraminula approximata obseruantur. Scutellas  
non vidi. Secundum HALLERVM l. c. nigri-  
cantes sunt.

Cl. WEIS hunc cum *Lichene laciniato tubu-  
loso* (Sp. XXXIV. Var. γ.) permuat \*). Licet  
vero hic saepe ora ostendat inflata, tamen habitus  
iam hunc ab illo satis superque discernit.

\* ) Plant. crypt. Goetting. p. 57.

XL. LICHEN (*stellaris*) imbricatus : foliolis oblone-  
gis laciniatis angustis cinereis, scutellis pullis.  
LINN. Spec. plant. p. 1611. n. 27. WULFF  
Bor. p. 37. n. 155. \*). REXGER. Gedan. II.  
p. 169. n. 6.

LXXVIII

Lichen fronde cinerea, profundius divisa, laciniata,  
obtuse lobata, scutellis glaucis nigrescentibus.  
HALL. Hist. Helv. III. n. 2017.

Sternförmige Schuppensflechte.

Cortices trunci & ramorum arborum occipat.

Lichen hic nitidus arte corticibus adhaerere solet. Orbicularem induit plerumque formam. Foliola eius tenuia sunt, angusta, eleganter & acute laciniata, ex albo cinerea, subtus vero nigra & villosa. Scutellae ex his prorumpentes in centro copiosae, rotundae & fuscae, quae per aetatem nigrae euadunt. Marginem habent cinereum puluerulentum.

\*) WULF male hic excitauit *Muscum pulmonarium corpusculis fuscis papillatum* LOESELII. Indicatio fallere nescia illum Lichenem stellarem non cognouisse.

ORDO V.

LICHENES FOLIACEI.

Baumflechten.

Componuntur hi ex multo amplioribus foliis ac praecedentes. Saepissime illa magis vel minus offenduntur laciniata. Pagina superior eorum vel glabra, vel puluerulenta, inferior saepe tomentosa reprehenditur. Ipsi superficie, maxime vero margini illius, adhaerent scutellae, reliquis ordinibus Lichenum maiores, saepissime quasi petiolatae. Aliae species adscendententes, aliae decumbentes reperiuntur: his plerumque radix filamentosa, illis scutiformis est. Adscendententes semper fere similitudinem cornuum damarum, ceruorum seu alcium referunt; hinc etiam a veteribus talibus donati sunt Lichenes nominibus & ab HALLERO fere omnes *Corniculati compressi* nominantur, decumbentes vero *Pulmonariis* comprehenduntur. Ulterioribus a MICHELIO omnes accensentur. SCOPOLI illos exhibet inter *Fucos terrestres* & DILLENIVS in *Lichenoidum* Ord. II. Ser. II.

Omnibus huius ordinis speciebus, in infuso praefertim aquoso, vis est anodyna, leniter adstringens & euacuans. Contra vermes & in hectica optimo cum successu propinrantur \*).

Quae, dum siccantur, ferugineae euadunt, colorem dant fuscum durabilem.

\*) WEBER Diff. de viribus plantar. cryptogamicarum medicis.

LXXX

XLI. LICHEN (*tenellus*) foliaceus, laciiniatus, albus: laciiniis suberectis, obtusis, pilosis: scutellis sessiliibus. SCOPOL. Carn. II. p. 394. n. 1406.

Lichen fronde profunde laciiniata, semitubulosa, ciliata. HALL. Hist. Helv. III. p. 92. n. 2019.

Lichen cinereus minor, marginibus pilosis. VAILLANT. Bot. Par. Tab. XX. f. 5.

Lichen hispidus. SCHREB. Lips. p. 126. n. 1120.

Lichen ciliaris β. albidus WEIS cryptog. p. 63.

Kleinste Baumflechte.

*In arboribus non infrequens, praesertim Pruno spinosa. Aliquando etiam in lapidibus.*

Minimus hic est foliaceorum. Rudimentum illius foliolum est, quod saepissime solitarium obseruatur. Hoc planum est, orbiculare, multifidum, crenulatum, apice dilatatum. Pedetentim fit tumidum & conuexum, tum mox plura se associant, quae vel imbricatim imponuntur, vel in orbem disponuntur. Saepissime extrema laciinarum inuicem adnascuntur & tubulum formare videntur *Licheni physodi* analogon. Color constanter est albus, seu ex albo cinereus in sicca & madida planta. Inferne fere albidor est. Ex apicibus laciinarum saepe pili respectu minimae plantae longi & validi exeunt, qui in iuniori aeta te albi, in adultiori nigricantes obseruantur: saepe vero non armatae existunt. Scutellae sunt coloris obscuri, liuidi, nigricantes, paruae, margine albo, vix crenato, subpetiolatae. Raro illae obseruantur.

XLII. LICHEN (*ciliaris*) foliaceus, eretiusculus: laciniis linearibus ciliatis, scutellis pedunculatis crenatis. LINN. *Spec. plant.* p. 1611. n. 28. WULFF *Bor.* p. 38. n. 156. REYGER. *Gedan.* II. p. 169. n. 7.

Lichen corniculatus, planus, ramulis capillaribus, scutellis petiolatis. HALL. *Hist. Helv.* III. p. 83. n. 1980.

Lichen ciliaris  $\alpha.$  viridis. WEIS *crypt.* p. 62.

Muscus arboreus pyxioides pilosus. LOESEL. *Bor.* p. 50. GOTTSCHED. *Bor.* p. 171. n. 470. Tab. 50.

Gefranzte Baumflechte.

Augenwimperflechte.

*Ad truncos omnis generis arborum inuenitur ubique.*

Cespitem facit densum ob ramorum copiam. Stipites ramique sunt foliaceae expansiones, quarum extremitates in longitudinem adtrahuntur & cylindros formant, lateribus apicibusque cilia emitentes ex rufo nigricantia. Tubuli adeo formati in summis ramis & caule in scutellas dilatantur (hinc petiolatas), quae cinereae sunt, marginemque cinereum crassiorem, non crenatum, habent. Successu temporis maiores & fuscae euadunt & denique in atrum transeunt colorem, margo fit crenatus, introflexus & tenuior. Quamdiu siccus est Lichen, totus, exceptis scutellis, cinereus est: si vero humectatur, seu pluviis irroratur, totus virescit.

LXXXII

XLIII. LICHEN (*Islandicus*) foliaceus, adscendens  
laciiniatus, marginibus eleuatis ciliatis. LINN.  
*Sp. pl.* p. 1611. n. 29. REYGER *Gedan.* II.  
p. 169. n. 8.

Lichen fronde conuexa, ciliata, pustulata, obtuse ra-  
mosa, vtrinque laeui, ramulis breuissime bicorni-  
bus. HALL. *Hist. Helv.* III. p. 82. n. 1978.

Lichenoides rigidum, Eryngii folia referens. DIL-  
LEN. *musc.* p. 209. Tab. 28. f. 111.

Lichen pulmonarius minor angustifolius, spinis tenuissi-  
mis ad margines ornatus. MICHEL. *gen. plant.*  
p. 85. Tab. 44. n. 3.

Lichen terrestris foliis Eryngii. BXVBAVM. *Cent.*  
*plant.* II. p. 11. Tab. 6. f. 1. 2.

Muscus catharticus BORRICH. in BARTHOLINI  
*Aet. hafn.* I. p. 126.

Muscus pulmonarius terrestris, sanguineus. BREYN  
in *Ephem. Nat. Cur.* Dec. I. ann. 3. Obs. 289.  
cum bona icona.

Icones OEDERI *Flor. Dan.* Fasc. III. Tab. 155.

PHARM. Lichen Islandicus s. Muscus catharticus.

Braune Hirschhornflechte.

Islandischer Moos, Purgiermoos, Heidegras.

JACOBVS BREYNIVS, celeber Gedanorum,  
dum viueret, Botanicus Lichenem hunc circa Gedanum  
in collibus muscosis detexit & descriptio-  
nem in *Ephem. N. C. l. c.* inseruit. Prope El-  
bingam maxima crescere copia amici, maximope-  
re colendi, D. SILBER & D. KANNENGIES-  
SER me certiorem fecerunt.

Cum,

## LXXXIII

Cum, hanc adeo elegantem algam salutare, mihi  
huc usque non contingit, descriptionem Cl-w e s 1)  
adiungere necessum duco. Super terram late dif-  
funditur. Folia eius suberecta, substantiae in sic-  
citate admodum rigidae, instar laminarum cornea-  
rum, flexilia tamen absque diffractione; aqua irri-  
gata mollia sunt. Longitudo duos, tres, quatuor  
ad quinque pollicum latitudinem aequat. Versus  
basin latiora, absque certo ordine fissæ sunt, in  
ramulos tenuiores, brachiatos, quorum quidam  
eodem modo denuo fissi in lacinulas, apice bifido  
terminatas. Interior superficies foliorum concava  
(e viridi ad purpureum tendentis) ad basin pur-  
purei aut coccinei, glabra, nitida; exterior super-  
ficies pallida, aliquando albicans, glabra, nitida  
item, at lacunosa paulatim exiguis lacunulis &  
hinc & inde minimis verrucis nigris adspersa.  
Margo totus foliorum ab imo ad summam usque  
lacinias pilis paruis (vix linearibus) spinulas duritie  
aemulantibus, rufis obsitus est, & versus interio-  
ra reflexus. Rarissime florere solet, quodsi autem  
floret, peltas siue scutellas profert latas, amplas,  
integerrimas, rotundas puniceas aut fuscas in ex-  
tremis apicibus extremarum corniculatarum laci-  
niarum. Ceterum colore, longitudine, latitudi-  
ne, ramorumque (qui tamen ut plurimum ad di-  
chotomiam fissi esse solent), divisione admodum  
variat.

Leniter amarus est praesertim iuniori aetate  
volatili quasi amarore, deinde dulcis 2). Si de-  
stillationi subiicitur sicca, liquor acidulus fusce tin-  
etus prodit, quem pauxillum olei sequitur 3). In-  
fusum aquosum est limpidiusculum, sapore amaro;  
vitriolo martis rubrum euadit. Si Lichen infu-

LXXXIV

sione in aqua calida temperatus, coquitur in aqua pura, fit decoctum spissum, gelatinosum; quod refrigeratione vterius spissescit in gelatinam spissam, rubicundam, amaricantem, in ore solubilem 4). Haec gelatina, chartae illita, imperfecte glutinat. Soluitur lente in calore, praesertim, si agitetur, & cum vitriolo martis fuscescit. Si gelatina lacte, saccharo, amygdalis, pauxilloque aromatis conditur, satis grata sapidaque fit. Ex Lichene infuso in aqua temperata, & deinde in lacte cocto fit pulmentum leniter amaricans, non ingratum 5).

Islandos farinam Lichenis, quem *Fiallagras* dominant, in annonae charitate ad sustentandam vitam adhibere, tristior sors docuit 6) & OLAFFSEN adfirmat, illum iam in communem per totam Islandiam & quotidianum abiisse vidum. Praedicat iste vim eius nutritiam, quam tantam esse, inquit, vt operarii, tenuem alias vietum spernentes, hoc satis sint contenti, adeoque facilis esse digestionis, vt etiam adprime conueniat debili stomacho languentium, phitsique arreptorum. Editur autem Lichen hic communiter in pultem coctus, ad quam coquendam requiritur, vt primum frigida per diem amaritudinis extrahendae causa maceretur, & deinde in sero lactis elixetur in gelatinam, quam denique vna cum admixto lacte manducare moris est. Alii eundem ita apparatum malunt, vt postquam Lichen modo iam dicto temperatur fuit, igne vel ardore solis torrefaciant, tum puluerent & in lacte puro elixent. Panem inde non nisi perraro coqui, rem tamen satis bene adiuncta nimirum farina frumenti procedere posse, iam laudatus Author, & HIAERNE; qui panem ex Lichene confugum

## LXXXV.

fectum optime in locum panis fecalini aut triticei substitui posse, credit 7), commemorant. HORREBOW asseuerat, se hunc Lichenem, modo ordinario praeparatum, tanquam alimentum non solum salubre, sed etiam sapidum libenter esitasse, additque Islandorum complures farina frumenti non vti, ubi locuplete huius penu gaudent. Neque id mirum, quandoquidem testante OLAFFSEN una tonna huius Lichenis recte emundata & densata ab illis aequiparatur dimidia frumenti tonnae. Solent Islandi ante foeniseicum cateruatim saxeta aspera petere ad hunc Lichenem colligendum, qui, quo vegetior fuerit, eo magis ipsis arridet. Istae autem excursiones potissimum statu coeli pluvio instituuntur, ne folia arida manus laedant, neque vero crebrius loca ea reuisitantur, quam triennii spatio interiecto, quoniam planta haec tres annos requirit in sui incrementum. Peracta demum collectione suam quisque penum super ignem arefacit, tum in farinam conterit & in doliola immitit; atque sic denique Lichen merx bene vendibilis euadit, sed tamen sat paruo pretio, uno nempe imperiali plerumque iuxta OLAFFSEN ibi loci venditur 8).

Primam aquam, cui Lichen infunditur, purgare, contendit BORRICHIVS 9) & hac hydatides de vtero depulsas esse, exhibet SPOERING 10). Sed e contrario OLAFFSEN per experientiam quotidianam Islandorum affirmat, Lichenem non nisi moderatae ac lenissime aluum soluere, nec quenquam eorum de vi eiusdem purgante vnquam fuisse questum. Quinimo exemplo feminae cuiusdam monstrat, eum ad pertinacem diarrhoeam per tempus aliquod cohibendam profuisse 11). BREYN ad

## LXXXVI

ad ossa fracta consolidanda vna cum Symphito trium, commendat 12). Ad catarrhos compescendos in usum trahitur ab HARMENS & in tussi infantum laudatur 13). In haemophysi utilissimum iudicat HIAERNE, ex falso vero fundamento, nempe ex signatura, quia basis Lichenis plerumque coagulati sanguinis ostendit colorem 14). Ob partem vero subtilem mucilaginosum celebratur in dysenteria 15), & potissimum phtysi, & de egre-  
giis huius algae viribus experientia edocti loquuntur HIAERNE 16), LINNAEVS 17), TO-  
DE 18), SCOPOLI 19), BERGIVS 20),  
SCHOENHEYDER 21), EBELING 22) alii-  
que. SCOPOLI perhibet, consummatos phtysi-  
cos decocto huius conualuisse. Nullum, addit,  
damnnum unquam experti sunt ii, qui hoc decocto  
Lichene usi sunt. Certissime prodest macilentis,  
tussicosis, ad phtysin & cachexiam pronis, siue  
laeti, siue iuseculis, siue aquae incoctus fuerit Li-  
chen. Facilius tamen assumitur cum laete, quam cum  
aqua ob summam & plerisque intolerabilem ama-  
ritiem. Neque minus salutares nostri Lichenis  
effectus laudat BERGIVS. Ego, inquit, illum  
saepissime infirmis praescripsi & vidi plures, phtysi  
pulmonali obnoxios, immo & symptomatis phty-  
seos vexatos, ex usu pulmenti, e laete & Lichene  
hoc temperato parati, de quo libras duas quoti-  
die hauseruunt, in integrum restitutos, atque etiam  
pingues factos. Ita facilis digestionis pulmentum  
hoc deprehendi, vt etiam vomitu frequenti chrono-  
nico afficti, quique alia esculenta reiecerunt, illud  
retinere potuerint. Nutrit plenarie, breui impinguat  
& satis grate sapit. Per praeuiam in aqua  
macerationem extrahitur, quae Licheni inest amari-  
tudo, sive vis purgans euaneat.

Refert

## LXXXVII

Refert scopolii 23), se in "Carniolia" offendisse mulieres, ingentes huius Lichenis farcinas gestantes, quas subibus suis destinabant, satis gnatras, hac vna planta sues intra breue tempus ita saginari, ut nullo alio cibo pinguiores evadant. Addit etiam, solere rusticos Carnioliae equos suos ac boues macros ad illa mittere loca, vbi solus hic Lichen copiose prouenit, idque tanto cum emolumento, ut intra tres aut quatuor hebdomades pinguefcant, amissasque vires denuo recuperent.

Ob virtutem antacidam coagulationi lactis restit, si illud etiam aliquoties coquatur. Lanam luteo inficit colore 24).

- 1) *Plant. cryptogam. Goetting.* p. 69.
- 2) CRANTZ *Materia medica.* Edit. I. p. 86.
- 3) Schwedische Abhandl. Ao. 1744. T. VI. p. 168.
- 4) Si vigesies etiam Lichen aqua decoquitur, decatum tamen amarum restat. Ex vncia vna Lichenis, cum libra aquae cocti septem obtinen-  
tur vnciae mucilaginis amarulenti & in ore de-  
liquecentis. EBELING de *Quassia & Lichene Islandico.* Confer. Götting. gelehrte Anzeigen.  
Ao. 1779. 151 Stück.
- 5) BERGII *Materia medica.* Tom. II. p. 855.
- 6) OLAI BORRICHII *Obs. de musco cathartico exstat in TH. BARTHOLINI Act. medic. & philosoph. Hafniens.* Vol. I. Ao. 1671 & 1672. p. 126.  
*LINNAEI Amoen. acad. Vol. III. p. 97. Berlin. Sammlungen.* VIII. p. 488. &c.
- 7) Schwedische Abhandl. VI. p. 168.
- 8) BERGIVS l. c. p. 856.
- 9) BARTHOLIN. *Med. Danor. domest.* p. 77. LINN.  
*Flor. Suecic.* p. 413. n. 1085.

## LXXXVIII

- 10) Schwedische Abhandl. T. V. p. 246.
- 11) Oläffen Reisen durch Island. I. p. 85.
- 12) Ephem. Nat. Cur. Dec. I. Ann. III. Obs. 289.
- 13) HALLER. Hist. Helv. III. p. 82. Tode medizini-  
nisch-chirurgische Bibliothek. I. p. 174.
- 14) Schwedische Abhandl. T. VI. p. 166.
- 15) Tremareks Reisebeschreibung. Conf. Berliner  
Sammelungen. VII. p. 150.
- 16) Schwedische Abhandl. T. VI. p. 166.
- 17) Flor. Lappon. p. 455. Eiusd. Mater. med. p. 228.  
n. § 37.
- 18) Medizinisch-chirurgische Bibliothek. I. p. 174.
- 19) Annus historic. natural. II. p. 107.
- 20) Materia medica. II. p. 855.
- 21) Optimum Lichenem in phthisi esse medicamen-  
tum, propriis confirmat obseruationibus. Prae-  
scribit huius Lichenis vnciam vnam cum aquae  
fontanae vnciis sedecim ad remanentiam vncia-  
ram duodecim coquendam, addita oxymellis  
squillitici vncia semis; cuius decocti vnciam  
vnam omni bihorio sumant infirmi. Notat hoc  
decoctum subinde diarrhoeam excitare, quae ta-  
men ex propinato rhabarbaro & emulsione ara-  
bica breui cessat. Collect. societ. med. Hauniens.  
Tom. I. p. 126. & Sammlung außerlesener Ab-  
handlungen zum Gebrauch praktischer Aerzte.  
Tom. III. p. 400.
- 22) l. c.
- 23) Annus hist. natural. II. p. 112.
- 24) Krünitz ökonom. Enzyklop. XIV. p. 77.

**XLIV. LICHEN (*pulmonarius*) foliacens laciniatus  
obtusus glaber: supra lacunosus, subtus tomento-  
sus.**

LXXXIX

sus. LINN. *Spec. plant.* p. 1612. n. 31. WVLFF  
Bor. p. 38. n. 157. REYGER. *Gedan.* II.  
p. 169. n. 9.

Lichen lacunatus inferne gibbosus. reticulo farinoso,  
scutellis lateralibus. HALLER. *Hist. Helu.* III.  
p. 85. n. 1986.

Lichenoides pulmonarium reticulatum vulgare, mar-  
ginibus peltiferis. DILLEN. *musc.* p. 212.  
Tab. 29. f. 113.

Muscus pulmonarius. BLAKW. *herb.* Tab. 335.

Muscus pulmonarius, siue Pulmonaria officinarum.  
LOESEL. Bor. p. 51. GOTTSCHED. Bor.  
p. 172. n. 473.

PHARM. *Pulmonariae arboreae herba.*

Lungenähnliche Baumflechte.

Lungenkraut, Lungenmoos, Baumlungenkraut, Stein-  
lungenkraut.

*Inuenitur in quercubus, abietibus, fagis: in  
siluis antiquis non infrequens.*

Inter amplissimos foliaceorum hic numeratur;  
nam palmarem & ultra attingit longitudinem.  
Coriaceae fere est substantiae. Laciniatus, nec  
tamen saepe diuisus & ex arbore pendulus. Su-  
perne ostendit rugas ramosas reticulatas, lacunulis  
interiectis depresso, quae inferne totidem tumores,  
tomento fusco circumdatos, constituunt. Lineae  
reticulatae supremae frequenter polline seminali  
efflorescunt. Scutellae (in Prussia non rarae) ma-  
iores minoresque adhaerent plerumque marginibus  
extimorum segmentorum, attamen etiam in ipsa  
super-

superficie folii adnatas deprehendi. Sunt illae orbiculatae, sessiles, fusco-rubentes, margine subcrenulato. Color paginae superioris est viridis; si vero siccus est Lichen, ex fusco-viridescens, seu rufescens. Pagina inferior in non viuidum ex albo-aurantium colorem vergit. **MALPIGHIVS** illum ex globoso fere minimo & crasso foliolo ortum trahere obseruauit 1).

Odore gaudet debili, seu nullo; salino vero sapore & amaricie: hinc vires resoluentes ipsis inesse, in propatulo est. Extracti spirituosi fere  $\frac{5}{8}$ , viridem plantae colorem retinentis & aquosus  $\frac{3}{8}$ , facile situm flauum contrahentis, largitur 2).

Phantasia, cui Lichen analogon pulmonum repraesentabat, ex hac signatura contra pulmonum morbos illum commendabat & experientia confirmat, diuinationem hanc non omnino refellisse. Nam decoctum huius algae, cum lacte paratum, in tussi 3), asthmate & in ipsa pthysi haud vilipendendum edere effectum constat, licet **HERRMANNVS** inferiorem aestimet *Licheni plicato* 4). Rusticum quendam, qui pthysi fere insanabili laborabat, ab vsu huius algae reconvaluisse, refert **WEBER** 5). In ictero pertinaci efficacem se praebuisse, docet obseruatio **BREYNII**, qui illa in cereuisia, cocta, iericum sanavit, ab omnibus medicis derelictum 6), & auctoritas Ill. **LINNAEI**, qui extrias de illo expertus est virtutes 7). In pulueris forma ob vim adstringentem 8) haemoptycis ad drachmam vnam quater quoouis die, imminuto prius venaesctione orgasmo sanguinis, optimo cum successu propinabat **SCOPOLI** 9).

Nostrates ex hoc Lichene tinturam amoene fuscam parare sciunt, quacum linteamina durabili colore imbuunt. In monasterio ad flumen Vissolka in Sibiria cereuisiam parant, Licheni pulmonario (ibi amarissimo) loco lupuli incoctam. Cereuisia haec vulgari similis est, magis tamen inebrians 10). In nonnullis locis coria eo praeparantur 11). Motacilla Troglodytes ope huius Lichenis artificiosum suum construit nidum 12).

- 1) *Opera omnia.* Tom. I. p. 141. f. 106.
- 2) *Neumanns theoretisch-praktische Chemie.* Edit. Zimmermanni. Ao. 1755. p. 843.
- 3) Rustici in Suecia illum etiam haud sine optimo successu in tussi vehementiori pecudum adhibent. LINN. *Amoen. acad.* VII. p. 383. §. 20. Eodem fine sale commixtus in Germania bobus propinatur. *Sincken ökonomisches Lexikon.* Edit. IV. Tom. II. p. 1930.
- 4) *Cynosura mater. med.* Edit. Boecler. p. 554.
- 5) *Tode medizinisch-chirurgische Bibliothek.* I. p. 175.
- 6) *Ephem. Nat. Cur.* Ann. III. Obs. 290.
- 7) *Mater. medic.* Edit. Schreber. p. 228. n. 538. Eiusd. *Amoen. acad.* VII. p. 383.
- 8) HOFFMANN *de med. offic.* p. 447.
- 9) *Flor. Carneol.* Edit. I. p. 101. n. 32.
- 10) Emelins sibirische Reise. III. p. 426. 427.
- 11) Gleditsch Einleitung in die Forstwissenschaft. I. p. 38. Eiusd. *Physikalisch-Botanisch-ökonomische Abhandlungen.* I. p. 25.
- 12) Zorns Petinotheologie. I. p. 324.

XCII

**XLV. LICHEN** (*furfuraceus*) *foliaceus decumbens*  
*furfuraceus*: laciiniis acutis, subtus lacunosis atris.  
**LINN.** *Spec. plant.* p. 1612. n. 32.

Lichen cornubus planiusculis, acutis, superne farinosis, inferne atris & reticulatis. **HALL.** *Hist. Helu.* III. p. 82. n. 1976.

Lichenoides cornutum amarum: desuper cinereum, inferne nigrum. **DILLEN.** *musc.* p. 157. Tab. 21. f. 52.

Lichen arboreus leucomelanos, ramulis altera parte anthracinois, altera candidissimis. **BVXBAVM.** *Cent. II. plant.* p. 12. Tab. VII. f. 1.

Graubestäubte Baumflechte.

*In truncis arborum v. g. in Penarten copiose obseruatur.*

Optime exprimit similitudinem cornuum cerui, seu potius alcis. Folia eius enim sunt a basi vsque ad apicem laciniata, arcuata, oris laciniarum per longitudinem contractis & retroflexis, vt superne conuexus, inferne concavus fiat. Superficies superior veluti denso polline ex nigro-cinereo, seu albicante adspersa est: inferior atrum habet colorem & reticulata, seu lacunosa deprehenditur. Laciniarum fines ultimi sunt, vel bifidi, vel laciinati. Scutellas nunquam vidi: nec legi ullam excepto **DILENIO** \*) & **WEBERO** vidisse. Quorum posterior in unico specimine vidit scutellam terminalem, tenuem, paruam, planiusculam, vtrinque glabram & ex nigro fuscum, margine per lentem crenulatam \*\*). Non semper decumbit (haec alga, vt **LINNAEVS** vult, sed saepius erecta, vt **WEIS** \*\*\* & **SCOPOLI** †) etiam notant,

ob-

X C I I I

obseruatur. Ulterior hunc Lichenem credit esse *L. prunastri* in adultiori aetate, WEBER ob amaritatem vero diuersum credit ††).

Sapore perquam amaro, eoque in lingua durabili, gaudet, hinc cortici peruviano substitui posse, ali-  
cubi, nescio vbinam, legi.

\*) *Historia muscorum*. p. 158.

\*\*) WEBER *Spicileg. flor. Goetting.* p. 240. n. 272.

\*\*\*) *Plant. cryptog.* *Goetting.* p. 66.

†) *Flor. Carneol.* Edit. sec. II. p. 380. n. 1384.

††) l. c.

XLVI. LICHEN (*farinaceus*) foliaceus, erectus,  
compressus, ramosus, farinaceus: lateribus verru-  
cosis. LINN. *Spec. plant.* p. 1613. n. 35.  
WULFF *Bor.* p. 38. n. 158. REYGER *Gedan.*  
II. p. 170. n. 10.

Lichen lacunosus complanatus, ramis acutissimis, or-  
biculis farinosis, marginalibus frequentissimis.  
HALLER. *Hist. Helv.* III. p. 84. n. 1981.

Lichenis rostrati femina. SCOPOL. *Carn.* I. p. 378.  
n. 1382.

Lichen cinereus angustior, scutis in margine segmen-  
torum. VAILLANT. *Bot. Par.* p. 115. Tab. 20.  
f. 13. 14.

Mehlichte Baumflechte.

*In ramis exaridis arborum praesertim fraxi-  
norum frequens.*

Folia huius Lichenis sunt plana, lacunosa, in  
ramulos disperita, qui eandem fere habent latitu-  
inem, exceptis ultimis, qui angustiores esse solent.

Color

XCIV

Color ipsi est, albidus cum aliquo virore. Margo ramulorum verrucis maioribus & minoribus pluribus vel paucioribus gaudet. Saepissime tota planta ob copiam verrucarum quasi farina tecta esse videatur. Sunt illae rotundae, albae farinaceae. Cum scutellae numquam in hac alga obseruentur & praeterea illa *Licheni calicari* aemula sit, a partibus Cl. SCOPOLI l. c. veritatem stare, qui hunc marem, nostrum feminam esse, statuit, verosimile est. Hic perquam variat, respectu foliorum, quae vel latiora vel angustiora; altiora vel humiliora, & ratione copiae verrucarum, quae in viridioribus plantis rariores, & in magis cinereis numerosiores in conspectum veniunt. Harum varietatum accurata disquisitio non solum opus valde operosum & tediosum, sed etiam superfluum, quia nihil commodi inde exspectare licet, foret. Sequentes tres itaque saepissime a me obseruatas tantummodo adduco varietates, quae praesertim respectu situs variant verrucarum:

a. foliis latioribus planis, superne verrucosis. NECKER *Delic. Gallobelg.* p. 514. n. 27.

b. foliis cartagineis, vndeque verruculis adspersis. NECKER, l. c.

γ. foliis cartagineis, angustioribus, longioribus, nullis adspersa verrucis.

*Lichen cornua damae* referens; *angustifolius*. VAILLANT. *Bot. Par.* Tab. 20. f. 7.

Hoc Lichene, si illum recte ex DERHAMI \*) & ZORNII \*\*) descriptione augutor, *Parus caudatus* nidum suum inuestit artificio-

fiosum. Hic pariter, ac sequens Lichen, rubrum constituunt colorem, vt statim enarrabo.

\*) Physiotheologie. p. 452.

\*\*) Petinotheologie. p. 331.

**XLVII. LICHEN (*calicaris*) foliacetus, erectus, linearis, ramosus, lacunosus, conexus, mucronatus. LINN. Sp. pl. p. 1613. n. 36. WULFF Bor. p. 38. n. 159. REYGER. Gedan. II. p. 170. n. 11.**

Lichen vtrinque lacunatus, farinosus & scutellifer.  
HALL. Hist. Helv. III. p. 84. n. 1983.

Lichenis rostrati mas. SCOPOLI Carn. II. p. 378.  
n. 1382.

Lichen cinereus latifolius ramosus. VAILLANT,  
Bot. Par. p. 115. Tab. 20. f. 6.

Geschnabelte Baumflechte.

*Ad arbores deprehenditur.*

Subrotundum efficit cespitem & priori, exceptis verrucis, similis est; hinc SCOPOLI marem prioris esse credit. Folia etiam in ramos dividuntur, magis vero sunt rigida, lacunosa, acuta & cinerea. Ad marginem ramorum exsurgunt scutellae conuexo planae, subrotundae, albae, maiores minoresque, petiolo veluti suffultae. Sub his semper lacinia adunca, rigida, rostro similis obseruatur, quae secundum Cl. WEIS nota huius speciei est characteristicæ \*). Vario etiam respectu ludit modo. Sequentes praecipuae sunt varietates:

a. Colore cinereo - virescente ; ramis rigidioribus, breuioribus, densioribusque. SCOP. Carn. l. c.

β. Co-

XCVI

β. Colore cinerascente; ramis mollioribus, longioribusque. SCOPOL. l. c.

γ. Colore plus glauco, foliis latioribus, ramosioribus, rugosis, non sulcatis, scutis plerumque summis amplioribus, WEIS crypt. p. 68.

Lichen pyxidatus damae cornu diuisura, acetabulorum oris crispis. VAILL. Bot. Par. p. 115. Tab. 21. f. 2.

Haec alga non minus, ac praecedens, pulchrum purpureum dant colorem, si antea vel in vrina putrefacta, vel in solutione salis alcali volatilis aquosa macerantur.

\*) Plant. cryptog. Goetting. p. 63.

\*\*) NECKER delic. Gallobelg. p. 514. n. 28.

XLVIII. LICHEN (*fraxineus*) foliaceus, erectus, oblongus, lanceolatus, sublaciniatus, lacunosus, glaber, scutellis subpedunculatis, LINN. Spec. plant. p. 1614. n. 37. WULFF Bor. p. 38. n. 160. \*).

Lichen vtrinque lacunosus, fronde latissima, scutellis vberrimis. HALL. Hist. Helv. III. p. 84. n. 1985.

Lichen pulmonarius cinereus mollior in amplas laciniias divisus. TOVRNEFORT. Iust. R. H. p. 549. Tab. 325. f. A. B. HELWING. Suppl. Bor. p. 41. n. 236.

Langblättrige Baumflechte.

Vbiique in arboribus copiose, maxime laudabilem in alnis collegisse putat HELWING. l. c.

Folia profunde sunt laciniata, basi lignosae insidentia. Hae lacinia sunt plerumque longae, rigidae

gidae & simplices, vel iterum laciniae & saepissime palmam superant. Scrobiculis profundis utrisque paginis sunt exaratae, tamen inferiori magis, quos nerui cartilaginei longitudinales & transversales eminentes eleganter circumdant. Color Lichenis est viridis, qui tum in cinereum, & denique in rufum vergit. Scutellae sparsae conuexiusculae, amplae, subsestiles, marginem foliorum & quidem utramque eorum paginam occupant. In iuniori aetate eas etiam virides inueni, quae temporis decursu in albescensem & denique in rufum tendunt. Ob foliorum tam diuersam magnitudinem & diuersam laciniarum formam innumerac numerari possunt varietates, sub quibus etiam militat.

Lichen pulmonarius cinereus mollior, in angustiores lacinias diuisus. HELWING. l. c. n. 237.

\* Quare WULFF non citauit HELWINGIVM, cum synonymon citauerit Tournefortianum a HELWINGIO adoptatum?

XLIX. LICHEN (*prunastri*) foliaceus, erectiusculus, lacunosus: subitus tomentosus albus. LINN. Spec. plant. p. 1614. n. 39. REYGER. Gedan. II. p. 170. n. 12.

Lichen complanatus utrinque lacunosus, vnde fa-  
rinosus. HALL. Hist. Helv. III. p. 84. n. 1984.

Lichen cinereus vulgatissimus, cornuae damae referens.  
VAILL. Bot. Par. p. 115. Tab. 20. f. 11 & 12.

Weisse Hirschhornförmige Baumflechte.

Weisses Kungenkraut s. Kungenmoos vulgo.

Diversis adnascitur arboribus & praesertim  
*Pruno spinosae*, quae raro illius expers deprehenditur.

## XCVIII

*Licheni farinaceo* (Sp. XLVI.) & *'calicari* (Sp. XLVII.) perquam similis est. Distinguitur tamen foliis latioribus in pagina superiori lacunulis excavatis. Quia haec latiora folia varie laciñiata, & extremae laciñiae plerumque bicornes sunt, cornua damae referunt. Superior pagina cinereo-viridula: inferior incana & tomentosa est. Scutellae tubercula esse videntur alba & rotunda, quae praesertim inferiorem paginam & marginem occupant.

Sapore praeditus est fatuo, si vero in quercubus nascitur, amaricante \*). *Würtenbergi* illum sub nomine *Musci Acaciae*, ob vim adstringentem, ad balnea & fatus, in prolapsu vteri & ani aliisque morbis, vbi adstrictione opus est, commendant \*\*).

Pulchre rubro tingit colore, si eadem, ac de *Lichene calicari* (Sp. XLVII.) dictum est, preparatur methodo, *Lichenisque Roccellae* (§. XVI.), qui ab exteris emitur, locus omni iure ipsi tribuendus \*\*\*). In puluerem redactus puluerem cyprium ad dealbandos crines dat praestantissimum †).

\*) WEIS plant. crypt. Goetting. p. 74.

\*\*) Pharmacopoea Würtenbergica. p. 124.

\*\*\*) NECKER Delic. Gallobelg. p. 514. n. 28.

†) DEIAN des odeurs. p. 427. BERGEN. Flor. Francofurt. p. 353. LINNAEI Fl. Suecic. p. 416. HALLER Hist. Helv. III. p. 84.

ORDO VI.

LICHENES CORIACEI.

Lederflechten.

Foliis constant hi Lichenes, magnitudine & latitudine sic dictos *foliaceos* superantibus, minus & non tam profunde laciniatis, semper repentibus, terraeque ut plurimum radiculis fibrosis adnatis. Laminam sustunt glabram, splendentem & veluti coriaceam, quae in planta recenti, si non caute illa tractetur, perquam facile dilaceratur. Inferne materia plerumque nigra, spongiosa, puluinata deprehenditur, ex qua radices exevent filamentosae. Omnium Lichenum maximae in his iuueniuntur protuberantiae, quae semper peltarum nomine veniunt. Peliolo gaudere videntur, qui vero adscendens marginis folii processus est. Descriptio tamen huius ordinis, vt omnes reliquas, non vt vniuersalem vendito, sed tantummodo ex illis construxi speciebus, quas in Prussia vigere vidi & hic recensere animus est. MICHELIVS hos ad *Pulmonarios*; SCOPOLI ad *Fucos terrestres* refert: HALLERVS *Antilyssos* nominat & DILLENIUS in *Lichenoidum* Ord. II. Ser. III. IV. V. pertractat.

L. LICHEN (*resupinatus*) foliaceus, repens, lobatus, peltis marginalibus posticis. LINN. Spec. plant. p. 1615. n. 44. WULFF Bor. p. 39. n. 161.

Lichen pulmonarius maior s. minor ex obscuro cinereus: inferne ex albo rufescens, receptaculis florrum rubris ad latera oblongis. MICHEL. gen. plant. p. 86. Tab. 44. f. 1. 2.

C

**Lichenoides fuscum peltis posticis ferrugineis.** DILLEN. *musc.* p. 206. Tab. 28. f. 105.

Aufgerichtete Lederflechte.

*In arboribus vetustis oriri, perhibet WULFF.*

Cum ipse hanc plantulam nondum inuenierim, descriptionem Cl. WEBER \*) subministro. Tenuiter laciniatus & lobatus, lobis obtusis subcrenatis; inferne nudis, glabris, ex rufo sordide albidis. Color superficie superioris in recenti ex fusco virescens, in sicco plumbeus. Peltae marginales rotundatae aut oblongae; inferiori superficie immersae, ferrugineae, marginatae, superne cum frondium superficie concolores.

\*) *Spicileg. Flor. Goetting.* p. 267.

LI. **LICHEN (caninus)** foliaceus, repens, lobatus, obtusus, planus: subtus venosus, villosus, pelta marginali adscendente. LINN. *Sp. pl.* p. 1616. n. 48. WULFF *Bor.* p. 39. n. 162. REYGER *Gedan.* II. p. 170. n. 14.

Lichen fronde subrotunde lobata, inferne reticulata, peltis conuexo concauis. HALL. *Hist. Helv.* III. p. 85. n. 1988.

**Lichenoides digitatum cinereum, lactucae foliis sinuosis.** DILLEN. *Hist. musc.* p. 200.

Lichen caninus *Var. α. cinereus.* WEIS *crypt.* p. 78.

Lichen terrestris cinereus. HELWING. *Quasimodogen.* p. 36. n. 129.

**Lichen pulmonarius saxatilis digitatus.** VAILL. *Bot. Par.* p. 116. Tab. 21. f. 16. TOVRNEFORT. *Inst. R. H.* p. 549.

PHARM.

PHARM. *Muscus caninus* 1).

Aschgraue Lederflechte.

Hundsflechte, Hundsmoos, Steinflechte, Erdleber-  
kraut *vulgo*.

*Super muscosos truncos in siluis inuenitur.*  
*Copiose legi in silua Wilky & Bladau.*

Folia huius sunt tenera, ampla, plana, laetitia,  
simplicia s. lobata, lobis subrotundis. Superficies  
in recenti, seu humectata, planta est fusco vi-  
rescens, seu pallide plumbea, farina cinerea quasi  
tecta, nunquam laete virens: in sicca, cinerea.  
Sub lamina folii conspicuntur venae fuscae, saepe  
nigrae. Successu temporis hae totam inferiorem  
superficiem, albidae persistentes, obscure fuscum  
reddunt. Ex hac parte frequentes Lichen emittit  
radiculas filiformes. Apici erecto plantae adhaeret  
scutum vnguiforme, ouatum, anterius conuexum,  
posterioris concavum rufescens, seu brunneum, sub-  
tus laeue & incarnatum. Varietas huius, quam  
saepe obseruare mihi licuit, est.

Lichen fronde obtuse lobata, inferne villosa, pel-  
tis jere&tis, conuexo - concavis. HALLER. l. c.  
p. 86. n. 1990.

Lichen (*caninus rufescens*) foliaceus, repens,  
profunde lobatus, marginibus obtusis, intro-  
flexis, subtus non venosus, sed villosus, cir-  
rhis nigricantibus, pelta marginali rotundiore  
adscendente. WEIS crypt. Goetting. p. 79.

Alga situm redolet, etiamsi perfecte exsiccata sit,  
sapor aequa ingratus & mucidus est. Dat semun-  
cia duas drachmas extracti aquosi, quod odorem  
bal-

## CII

balsamicum, simul tamen ingratissimum, vetustioris halecis mephitim aemulanten, spirat, & sapore initio dulci, deinde vero amaricante atque subtiliter acri fere piperino gaudet. Extractum spirituosum, viginti grana ponderans, melleum habet odorem & non tam acre existit 2). Si siccae subiicitur Lichen destillationi, quatuor vnciae dant vnciam vnam, quinque drachmas & viginti duo grana aquae acidae: duas drachmas & triginti sex grana olei aqua graioris: & vnciam vnam duas drachmas & triginta grana capitum mortui, sal fixum continentis 3).

Ex hac analysi chemica patet; non plane inertem esse posse hunc Lichenem, qui ab Anglis, vt medicamentum specificum in hydrophobia & rabie canina valde commendatur, & in eorum officinis pharmaceuticis compositio sub nomine *Puluis Antilyssus* introducta est, quae ex duabus partibus Lichenis & vna parte piperis nigri constat 4). Laudant virtutes illius MORRAY 5), OLDEN-BVRG 6), DAMPIER 7), HANS SLOANE 8), DILLENIUS 9), SEGVIER, FULLER 10), & inter hos praecipue praeconem egit RICHARDVS MEAD 11). Quid circa usum pulueris Antilyssi secundum MEADIVM obseruandum, & quid exspectandum, sequentibus continetur. Mittebantur primo ex aegri a cane rabido demorsi brachio novem, vel decem vnciae sanguinis. Deinde quatuor diebus successiuis mane vacuo ventriculo dabatur sesquidrachma 12) cum dimidia pinta lactis vaccini calidi: his quatuor dosibus sumtis omni mane ieiunus aeger debebat immergi balneo aquae frigidae per mensis spatium, hac lege, vt totus mergeretur, & tantum per dimidium minutum maneret in aqua,

fi

si admodum frigida esset. Postea adhuc sexies eodem balneo uti debebat duarum septimanarum spatio. Dubium autem videtur, an felices successus illius remedii, cum & piper tanta copia addatur, & praeterea balnea aquae frigidae toties repetitae multum hoc facere videantur, ab Lichene praepri- mis sint repetendi. Saltēm habentur obseruationes, quae docent, post usum huius remedii hydrophobiam fecutam fuisse. Puer enim, narrante summo VAN SWIETEN, cuius pollicem rabidus canis momorderat, sumsit mane & vesperi drachmam pulueris antilyssi per quadraginta dies, decies usus fuit maris balneo: postea calculi sectionem passus optime convaluit, & tamen post nouendecim menses, periit hydrophobus. Vnde concludi posse videtur, quod non certo constet de vi specifica huius remedii 13). Hydrophobiam minantem tamen quandoque auertere posse, neutiquam negandum 14).

- 1) Apud nos hic Lichen non est officinalis.
  - 2) CARTHENVSER *Fundam. Mat. Medic.* II. p. 459.  
Vberior experimentorum expositio in **SIXII**  
*Dissertatione de Lichene cinereo terrestri sub praesi-  
dio CARTHENVSERI* an. 1762. Francofurti ha-  
bita exstat.
  - 3) RICH. MEAD *schedula*, qua *Lichenis cinerei terre-  
stris cum pipere mixti usum commendat contra hydro-  
phobiam.* Lond. 1735. Exstat etiam in eius *Ope-  
ribus medicis.* Tom. II. Tent. 2. p. 126. & trans-  
lata inuenitur im *Hamburgischen Journal.* de  
A. 1765. p. 846.
  - 4) Haec est praescriptio MEADI. Dampier aequales  
vult partes Lichenis & piperis, & Sloane solum  
Lichenem puluerisatum: pro dosi scrupulos qua-  
tuor propinavit.
  - 5) BIRCH. *Hist. of the royal Society of London.* T. II.  
p. 492. T. III. p. 19.
  - 6) Epift.

CIV

- 6) *Epist. posth. ad Raium.* p. 110.
- 7) *Philosophical Transactions.* n. 237. DAMPIER, cuius familia diu hoc arcanum sibi seruauerat, teste MEAD, cum societate Regia Anglicana primum communicauit.
- 8) *Ibidem.* n. 443.
- 9) *Hist. muscor.* p. 200.
- 10) *Philosophical Transactions.* n. 448.
- 11) l. c.
- 12) HARTLEY dosin facit vnciam semis. Conf. CRANTZ *Mater medic.* II. p. 45.
- 13) van SWIETEN *Comment. ad aphorism.* 1147. *Boerhaavii.* Tom. III. p. 588.
- 14) Fränkische Sammlungen. I. p. 494.

LII. LICHEN (*aphtosus*) foliaceus, repens, lobatus, obtusus, planus, verrucis sparsis, pelta marginali adscendente. LINN. *Spec. pl.* p. 1616. n. 46.

Lichen fronde obtuse lobata, superne verrucosa, inferne villosa. HALL. *Hist. Helv.* III. p. 87. n. 1992.

Lichen caninus aphtosus. WEIS *crypt.* p. 30.

Muscus pulmonarius corpusculis fuscis papillatus. LOESEL. *Bor.* p. 51. GOTTSCHED. *Bor.* p. 172. n. 474.

PHARM. Muscus cumatilis †).

Grüne Lederflechte.

Vna cum praecedenti in silua Wilky legi.  
LOESELIVS inuenit in silua Loebnicense.

A praecedenti tantummodo differt foliis saturate viridibus (quae, dum siccantur, in glaucum fere cae-

caerulecentem transeunt colorem), verrucis fere concoloribus passim foliis impressis, lobis latioribus, maculis quibusdam obscurioribus & habitu teneriori. WEIS l. c. hunc pro mera varietate illius profitetur, & fere eiusdem esse sententiae, nisi vis eius drastica & color aliam indigarent speciem. SCOPOLI olim etiam eundem cum *canino* coniungens, nunc separavit \*). Rarissime hic Lichen cum peltis deprehenditur.

Vi, vt iam monui, gaudet hic Lichen drastica, vt decoctum eius sursum & deorsum purget. Rusticulae Vpsaliae infusum, cum lacte paratum, cum successu infantibus propinat, aphthis laborantibus \*\*). Exserit praeterea egregiam virtutem anthelminticam \*\*\*), quae per sequentem primo innotuit casum. Ancilla rustica per dimidium fere anni dolore stomachali & torminibus cruciabatur cum vomitu, anxietate & perugilio. Frustra praescribebantur LINNAEO & aliis, quae vermis opponi solent, hinc suae genti & rusticis relietae a vetula offertur decoctum Lichenis huius. Postquam aegra per aliquot dies hoc assumferat decoctum, quod *ανω και κατω* vehementer purgabat, per vomitum sex vel septem eiecit vermes ouatos, caudis elongatis, quos die vomitum hunc felicem insequente exhibuit ipsa LINNAEO, qui examine instituto inuenit, eos esse larvas *Phalaenae pinguinalis* ††).

†) Apud nos nondum in selectum medicamentorum receptus est.

\* ) *Flor. Carneol.* II. p. 384. n. 1390.

\*\*) LINN. *Flor. Suec.* p. 418. n. 1098. Eiusd. *Mater. medic.* p. 229. n. 539. .

\*\*\*) LINN. *Mater. medic.* l. c.

††) LINN. *Amoen. acad.* II. p. 62. & VII. p. 304.

C VI

LIII. LICHEN (*verrucosus*) foliaceus, repens, lobatus, obtusus, planus: lobis palmariis, subtus maxima ex parte atris, superne verrucosis. WEBER.  
*Spicil. Goetting.* p. 273. n. 292.

Lichen pulmonarius, maximus, verrucosus, superne e cinereo virescens, inferne obscurus, receptaculis florum rubris, circinatis. MICHEL. gen. pl. p. 85. n. 3.

Warzige Lederflechte.

*Luxuriat cum praecedentibus.*

Folia praecedenti maxime adfinia, & ab illo sequentibus tantum differunt. Superior pagina pulchre viridis, copiosis verrucis, diversae magnitudinis obsita est, quae substantiam folii in locis, quos occupant, deprimunt, hincque efficiunt, ut verrucis evulsis cauernulae remaneant. Licet & in praecedentibus Lichenibus verrucae obseruentur, tamen non tanta in copia, quanta hic visuntur. Inferior pagina nullas mihi ostendit venas, quamvis Cl. WEBER in iuniori aetate animaduenterit. In medio folium apparet crassum & substantia spongiosa, seu tomentosa nigricante pulvinatum, circa extremitates vero tenuius & albescens.

---

ORDO VII.

LICHENES VMBILICATI.

Nabelflechten.

Cum nullum de hoc ordine hic usque detexerim Lichenem quæmis augurari liceat, illos præsertim in litore maris Balthici vigere, subministrandæ impar sum descriptioni. Noto tantummodo, quod LINNAEVS, illos quasi fuligine squalentes esse, animaduertat.

LIV. LICHEN (*deustus*) foliaceus, umbilicatus, vndique laevis. LINN. *Spec. plant.* p. 1618. n. 55. WULFF *Bor.* p. 39. n. 163.

Lichen fronde rotunde lobata, inferne nigerrima, glebosa. HALL. *Hist. Helv.* III. p. 88. n. 1998.

Lichen pulmonarius saxatilis, e cinereo-fusco minimus. VAILL. *Bot. Par.* p. 116. Tab. 21. f. 14.

Lichenoides coriaceum cinereum, peltis atris compressis. DILLENS. *musc.* p. 219. Tab. 30. f. 17.

Rußiche Nabelflechte.

Licet mihi verosimili non videatur, WULFFIVM hunc inuenisse, cum insuper non quidem locum natalem adeo rarae algae determinauerit; interim ne patriæ minuere videar dinitias, iodico illum tantummodo & Hallerianam substituo descriptionem: Durus, inquit, est plus, quam coriaceus, lobis obscuris, obtuse per oram crenatis. Facies superior liuida, glabra, punctis nigris, seu scutellis demum subrotundis, adspersa. Facies inferior paulum concava, liuida pane nigra, glebulis subrotundis vndique adspersa.

ORDO VIII.

LICHENES SCYPHIFERI.

B e c h e r f l e c h t e n .

E crusta hi proueniunt squamosa, seu glebosa sicca, fragili: foliolis rotundis, crispis, saepe crenatis & regularum instar, vel inordinate mutuo sibi supraimpositis, vt crusta crustam tegat. Superne plerumque viridiuscula, inferne alba obseruatur. Cum omnibus speciebus vna eademque sit crusta, in specialiori tractatione silentio illam praeteribo. Repraesentant Lichenes, vel *cornua*, ex latiori basi in acumen desinentia, vel *scyphos*, *calyces*, *infundibula*, seu *pyxides*, quae superne dilatantur, & excavata sunt, vel *ramulos* tantummodo tuberculatos. Scyphorum peripheria, vel integra, vel crenata, vel incisa, vel tuberculata est. Huic ordini subordinatorum Lichenum plurimae merae videntur esse varietates, quod primus, vt iam (§. XII.) monui, notauit B V X B A V M , cuius sententiae omnes accesserunt Botanici, & e *Lichene gracili* & aliis, qui & mox cornuti, mox pyxidati inueniuntur, abunde elucet. Omaes vero huius ordinis species esse varietates, & ex uno scyphifero fieri, licet obseruationibus accuratis destitutus non plane negare possim, attamen concedere non lubet. Si aetas iunior & adultior hic omnium varietatum genitrix est, vnde igitur enenit, vt ex vna eademque crusta uno eodemque tempore minores & maiores videamus prouenire cornutos, minores & maiores pyxidatos, minores & maiores tuberculatos? Nam si auctores repte intelligam, qui degenerationes Lichenum statuunt, cornuti iuniorem, pyxidati adultiorem, & tuberculati maxime adultam indicant aetatem. Si vero etiam concederem, scyphiferos ex uno oriri omnes, cum communi saepe gaudeant crusta,

non

non semper tamen vnicē ex diuersa aetate, sed aliis ex causis, nobis adhucdum incognitis, deriuandos esse credo. Dico non *semper* aetatem in varietatum culpam trahi, saepe id tamen fieri, si negarem, contra caelum & autopsiam ipsam loquerer. In recensione specierum, ob causas alibi (§. XII.)<sup>r</sup> enumeratas, diuersam Lichenum faciem & fere communem Botanicorum consuetudinem sequar & LINNÆANAS species retinebo. HALLER huic ordini nomen imposuit *Corniculatorum*, MICHELIUS *Corniculatorum* & *Pyxidatorum*. Hic & sequens ordo penes DILLENIUM sub *Coralloideorum* & penes SCOPOLI *Coralliorum Flora*e nomine veniunt. Ulterior speciem, ex qua hos & sequenti ordine contentos Lichenes credit ori, *Lichenum squamosum* nominat.

**LV. LICHEN (*cornutus*) scyphifer simpliciusculus subuentricosus, calycibus integris. LINN. Spec. plant. p. 1620. n. 64.**

Gehörnte Becherflechte.

*In truncis & corticibus arborum putrescentibus & in terra saepe prouenit.*

Colorem hi cornuti fere omnes habent cinereo-albicantem, seu etiam subglaucum. Caules semiunciales, saepe vnciales & ultra deprehenduntur. Structura illorum valde variat, hinc sequentes praesertim referendae veniunt varietates:

*a. subulatus*, corniculo subulato glabro.

*Lichen coralloides*, caule simplici, subulato, nudo. SCOPOL. Carn. II. p. 368. n. 1381.

*Coralloides scyphiforme ferratum elatius*, caulisbus gracilibus glabris. DILLENI. musc. p. 88. Tab. 14. f. 13. c.

Cau-

Caulis habet gracilem, vel crassum, diuersimode saepissime flexum, qui sensim attenuando in acumen definit. Color ei est albescens & mediocreiter mollis deprehenditur substantiae. Tubuli sunt caui & saepissime illos per totam longitudinem, seu tantummodo ex parte inuicem accretos vidi. Saepe etiam e medio, aut apice unum, seu alterum emitunt breuem ramulum & tali modo in fruticulosos aliquando transeunt.

*B. eleuatus*, corniculo clauato. SCOPOL. l. c.

Lichen corniculo simplici obtuso. HALLER. l. c.  
p. 71. n. 1907.

Coralloides vix ramosum, scyphis obscuris. DILLE. myc. p. 90. var. B. Tab. 15. f. 14. B.

Caulis aequalem fere habet latitudinem, versus superiora vero dilatatur, vt clauam fere aemuletur. In nonnullis clauam deprehendi bifidam in aliis squamosam.

*y. squamosus*, corniculo squamoſo.

Lichen coralloides, caule simplici squamoſo.  
SCOPOLI. l. c. p. 369.

Lichen corniculo simplici, verrucis obſito. HALL.  
l. c. n. 1906.

Cornu squamis fuscis, duris, saepe secundum totam longitudinem teclum deprehenditur. Obtinet & in subularis & in clauatis.

*d. farinosus*, corniculo farinoso.

Lichen cornibus simplicissimis, acutis, farinofis.  
HALL. Hist. Helv. III. p. 70. n. 1902.

Totum corniculum quasi polline albo aspersum apparet. Interdum inferior pars squamosa, superior farinosa deprehenditur.

*ε. durus*, corniculo duro.

Lichen corniculo simplici, duro, subaspero.  
HALLER. l. c. n. 1905.

Perquam durus & quasi ossitus est. Superficiem habet scabram. Clava, seu apex plerumque est candidus & veluti vernice obductus, ceterum niger & cinereus.

*ζ. vnguiculatus*, corniculo vnguiculato.

Lichen coralloides caule simplici, e squamarum oris prodeunte. SCOPOL. l. c.

Squama mediocris magnitudinis, rotunda, lobata, imbricata, sursum flexa, vnum seu plura eleuat cornicula, quorum basi adfixa est. Cornicula fere semper iam in apice dilatata & caua, saepissime ramosa inueni.

*η. scyphifer*, corniculo apice dilatato.

Lichen corniculo simplici, apice depresso, scutellato. HALL. l. c. n. 1908.

Coralloides scyphis gracilibus tubiformibus; pedicularis folio. DILLEN. musc. p. 91. Tab. 14. f. 10. A.

Lichen (*exiguus*) scyphifer simplex, stipite filiformi laevis. NECKER. Delic. Gallobelg. p. 518. n. 36.

Lichen squamosus scypho difformi. SCOP. l. c.

Lichen pyxidatus cornutus. WEIS crypt. p. 86.  
var. c.

Lichen

CXII

Lichen squamosus, scyphifer, caule longiori, in  
scyphum modice excauatum terminato. W E-  
B E R. *Spicil. Goetting.* p. 245.

Lichen pyxidatus corniculis aduncis. H E L W I N G.  
*Suppl. Bor.* p. 42. n. 241. W V L F F. *Bor.*  
p. 40. n. 167?

In hoc statu character LINNAEANVS, in  
fronte positus, in nostrum quadrat Lichenem, sic-  
que cornutus facit transitum ad pyxidatos. Hic  
iam scyphus obseruatur, sed perexiguus & longo  
insidens stipiti, qui in apice, quo dilatatus est,  
non multo crassior ac in medio, quo saepissime  
ventricosus offenditur, obseruatur. Aliquando  
margo scyphi papillis fuscis est obsitus. Inueni  
etiam hunc Lichenem ex squama praegrandi,  
profunde laciniata, crenata prodeuntem, quae  
alios simul minores emittebat.

LVI. LICHEN (*gracilis*) scyphifer ramosus denticulatus  
filiformis. LINN. *Spec. plant.* p. 1619. n. 62.

Lichen infundibulis proliferis & corniculatis erectis.  
HALL. *Hist. Helv.* III. p. 76. n. 1946.

Schlanke Becherflechte.

*Cum priori saepe inueni.*

Perquam aemulus est priori, & in eo tantum-  
modo fere differt, quod ramos emittat & ita, vt  
HALLERVS optime notat, fruticulosis appropin-  
quatur. Caulis ipsi est filiformis, duos vsque ad  
tres pollices longus, albus & polline saepe dense  
adspersus. Finitur ille in scyphum perangustum,  
vix catum, plerumque denticulatum. Rami, qui  
ex caule oriuntur, sunt etiam scyphiferi, aliquando  
vero non scyphiferi.

LVII.

C X I I I

LVII. LICHEN (*pyxidatus*) scyphifer, calyce integrerrimo.

Lichen scypho infundibiliformi, simplici. HALLER.  
*Histor. Helv.* III. p. 72. n. 1912.

Lichen squamosus scypho intergerrimo. SCOPOLI  
*Carneol.* II. p. 370. n. 6.

Lichen pyxidatus simplex. WEIS *crypt.* p. 84.

Einfache Becherflechte.

Büchsenförmiges Erdmoos *vulgo.*

*In ericetis frequens.*

Separavi hunc praelucentibus SCOPOLI &  
WEIS ab Lichene, quem LINNAEVS *pyxidatum*  
vocat, nos vero *tuberculatum* postea nominabimus,  
quia character LINNAEANVS in nostrum  
neutquam quadrat. Caulis simplex, cylindricus ter-  
minatur in infundibulum integerrimum. Tots pol-  
line adspersus appetet. Variat respectu magnitudinis:

α. *minor*, caulinis breuissimis, scypho minori.  
Coralloides scyphis humilibus, intus fuscis.  
DILLEN. *musc.* p. 86. Tab. XIV. f. 11.

Lichen pyxidatus minor. VAILLANT. *Bot.*  
*Par.* p. 115. Tab. 21. f. 6.

Muscus pyxioides saxatilis. LOESEL. *Bor.* p. 50.  
GOTTSCHED. *Bor.* p. 171. n. 467. WVLFF  
*Bor.* p. 40. n. 166 \*).

β. *maior*, scypho insigni.

Lichen pyxidatus maior. VAILL. I. c. f. 8.

Muscus pyxioides terrestris. LOESEL. I. c. GOTTA-  
SCHED. I. c. n. 466. WVLFF. I. c. p. 39. n. 165.

Vt specificum ad tuſſim infantum conuulsuum  
ſedandam laudatur. Primus hanc Lichenis vir-  
tutem diuulgauit WILLIS \*\*), cui poſtea &  
alii ſuum adiecerunt calculum \*\*\*). Inter  
neotericos conſirmauit hoc medicamentum Cel.  
CVLLEN, qui ſimul obſeruauit, illud infantum  
palato magis accommodatum eſſe cortice Peru-  
viano †). HALLER ††) quaerit, an *Calycaria* in  
quercubus ſit, cuius IMPERATI †††) men-  
tionem fecit, qua ad odores vtuntur.

\*) Huic WULFF false proposit *Lichenis fimbriati* no-  
men, cum ex C. BAVHINI prodromo p. 152.  
(quem LOESEL adducit) euidentis ſit, magnitu-  
dine tantummodo pyxoidem faxatilem a terreftri  
diſſere.

\*\*) *Pharm. rational.* II. p. 49.

\*\*\*) DILLEN. *Hift. muſc.* in praefatione. FORBES  
de tuſſi. p. 82.

†) *Lectures on the Materia medica.* Ao. 1773. p. 204.  
Recenſetur in Cl. Co de medizinisch-chirurgische  
Bibliothek. II. p. 113.

††) *Hiftor. plant. Heluetic.* I. c.

†††) *Hiftor. natur.* p. 855.

**LVIII. LICHEN** (*fimbriatus*) ſcyphifer ſimplex denti-  
culatus (ſeu crenatus), ſtipite cylindrico. LINN.  
*Sp. pl.* p. 1619. n. 61.

Lichen ſcyphiger infundibulis ferratis. HALLER.  
*Hift. Helu.* III. p. 72. n. 1915. 1917.

Lichen squamosus ſcypho ferrulato. SCOPOL. *Carn.*  
II. p. 370. *Var.* 7.

Lichen pyxidatus fimbriatus. WEIS *crypt.* p. 88.  
*Var.* e.

Lichen pyxidatus. REYGER. *Gedan.* II. p. 171. n. 15.  
Gezähnte Becherflechte.

*Ad terram & truncos arborum.*

Distinguitur a priori tantum margine scyphi serrato, seu denticulato, saepissime profunde inciso. Cauitas illius semper fere fuscescens, superficies externa polline adspersa. Sequentes obseruantur varietates:

$\alpha$ . margine prolifer.

Lichen squamosus scypho prolifer. SCOPOL.  
I. c. p. 372. *Var. 11.*

Lichen pyxidatus margine prolifer scabro.  
VAILLANT. *Bot. Par.* Tab. 21. f. 9.

$\beta$ . centro prolifer.

Lichen infundibilis ferratis proliferis. HALL. I. c.  
p. 73. n. 1924.

Lichen pyxidatus prolifer. HELWING *Suppl.*  
*Bor.* p. 42. n. 242. WVLFF *Bor.* p. 40.  
n. 168.

$\gamma$ . triplicato prolifer.

Lichen pyxidatus ramosus acetabulorum oris fimbriatis. HELWING. I. c. n. 244.

$\delta$ . pluribus ex caule scyphi prodeuntibus.

Lichen pyxidatus damae cornu diuisura acetabulorum oris crispis. HELWING I. c. n. 243.  
WVLFF *Bor.* p. 40. n. 169.

Circa hanc varietatem obseruare mihi licuit, proles ex uno eodemque scypho fimbriato prodeuentes, pyxidatas, fimbriatas, crenatas, tuberculatas & cocciferas fuisse. Totam itaque fere scyphiferorum familiam in uno caule vidi habitantem.

C X V I

LIX. LICHEN (*deformis*) scyphifer simpliciusculus,  
subuentricosus; calycibus dentatis. LINN. Spec.  
plant. p. 1620. n. 65.

Lichen corniculo simplici, maximo, laeui. HALL.  
*Hist. Helv.* III. p. 71. n. 1904.

Lichen crassius subincanum, calycibus dentatis. DIL-  
LEN. *musc.* p. 95. Tab. 15. f. 18. (*mala.*)

Lichen squamosus corniculatus, corniculo maximo  
irregulari. WEBER. *Spicil. Goetting.* p. 213.  
n. 261. *Var. 1. c.*

Ungestalte Becherflechte.

*Inuenitur cum reliquis, licet rarius. Prae-*  
*primis in silua bey Bladau reperi.*

Structura eius iam sufficienter ex characteribus  
laudatis concipi potest. Id tantummodo noto,  
illum perquam variare. Mox cornu valde ventri-  
cosum & simpliciusculum representat, mox scyphum  
gerit, mox ramulos emittit. Scyphi sunt vel den-  
tati, vel tuberculosi.

LX. LICHEN (*radiatus*) scyphifer, subramosus, cylin-  
draceus, elongatus, scyphis inaequaliter dentatis, ra-  
diatisque. SCHREB. *Spicil. Lips.* p. 122. n. 1114.

Coralloides scyphiforme cornutum. DILLEN. *musc.*  
p. 92. Tab. 15. f. 16. A. & G.

Lichen squamosus scyphifer, scyphis margine cornu-  
geris. WEBER. *spicil. Goetting.* p. 218.

Stralichte Becherflechte.

*Habitat inter reliquos.*

C X V I I

Raro simplicem deprehendi, sed plerumque ramosum. Ex corniculato exeunt enim duo, tres, vel plures cylindri, qui, dum semuncialem attigerunt altitudinem, in scyphum expanduntur, ex cuius peripheria hinc & inde maiora & minora exsurgunt cornicula, ramos minimos ex lateribus emittentia.

LXI. LICHEN (*tuberculatus*) scyphifer, simplex, crenulatus, tuberculis fuscis.

Lichen pyxidatus. LINN. *Sp. pl.* p. 1619. n. 60.

Lichen scyphiger, infundibulorum fungis fuscis.  
HALL. *Hist. Helu.* III. p. 73. n. 1919.

Lichen pyxidatus tuberculatus. WEIS *crypt.* p. 85.  
*var. b.*

Knöpfige Becherflechte.

*Reperitur cum prioribus.*

Infundibulorum magnitudo perquam diuersa in hoc obseruatur, & superficies eorum est, vel laevis, vel puluerulenta, vel squamosa. Differt a prioribus tuberculis fuscis, margini adnatis. Sequentibus ludit formis:

*α. tuberculis sessilibus.*

Lichen squamosus scypho tuberculofo. SCOPOL.  
*Carn.* II. p. 371. *Var. 8.*

*β. tuberculis stipitatis.*

Lichen scyphiger infundibilis ferratis coronatis.  
HALLER. l. c. p. 72. n. 1916.

Lichen squamosus, scypho fungifero. SCOP. l. c.  
*var. 9.* Totus scyphus, vt cum HALLERO  
loquar, coronam exprimit comitis.

*γ. cen-*

CXVIII

γ. centro prolifero.

Lichen caule simplici, calyce turbinato, centro simpliciter prolifero. LINN. l. c. var. β.

δ. margine prolifero.

E margine prolifer tuberculatus. SCHREBER *Spic. Lips.* p. 119. n. 8.

Saepe ex toto marginis ambitu plures simul exsurgunt scyphi tuberculati & stipitati, quorum multi in ramos degenerare solent: saepe vero ex una, vel altera, marginis parte prodeunt.

ε. caule prolifero.

Respondet varietati δ speciei prioris.

LXII. LICHEN (*cocciferus*) scyphifer simplex integerimus, stipite cylindrico, tuberculis coccineis. LINN. *Spec. plant.* p. 1618. n. 58.

Lichen scyphiger, infundibulorum fungulis coccineis. HALLER. *Hist. Helv.* III. p. 73. n. 1918.

Coralloides scyphiforme tuberculis coccineis. DILLEN. *musc.* p. 82. Tab. 14. fig. 7.

Lichen squamosus scyphifer, scypho coccineo. SCOP. *Carn.* II. p. 372. *Var.* 10.

Lichen pyxidatus cocciferus. WEIS *crypt.* p. 90. *Var.* f.

PHARM. Muscus pyxidatus s. Herba ignis.

Scharlachknöpfige Becherflechte.

Feuerkraut, Fieberkraut, Fiebermoos vulgo.

*Ad truncos arborum inter muscos cum reliquis.*

Con-

Constat ex pyxide, seu scypho cinereo - albicante, glabro plerumque vero squamoso, stipitato, cuius margines gerunt fungulos. seu tubercula eleganter coccinea eiusdem coloris ac ocelli papilionis apollinis. Sequentes praecipue obseruauit varietates:

$\alpha.$  tuberculis sessilibus.

Muscus multiformiter pyxidatibus, apicibus coccineis. HELWING. *Quasimodog.* p. 38. n. 152.

$\beta.$  tuberculis stipitatis.

Lichen pyxidatus, acetabulorum oris coccineis & tumentibus. VAILLANT. *Bot. Par.* p. 115. Tab. 21. f. 4.

$\gamma.$  vna parte marginibus tuberculosa.

$\delta.$  tuberculis totum discum replentibus. SCHREE. *Spic. Hal.* p. 120. n. 1110. Var. 2.

Lichen squamosus acetabulis dense aggestis. VAILL. l. c. f. 10.

Huius tubercula confluere videntur.

$\epsilon.$  centro prolifero.

Lichen infundibulis proliferis, fungulis coccineis. HALLER. *Hist. Helu.* III. p. 74. n. 1927.

Muscofungus pyxidatus calyce altero alteri innato, apicibus non numquam coccineis. HELWING. *Suppl. Bor.* p. 42. n. 245. \*).

$\zeta.$  Ex caule communi ab omni parte surgentibus scyphis stipitatis, tuberculo stipitato.

Lanas colore purpureo eoque durabili hoc Lichenem tingi, si tubercula coccinea lixiuio alcalino macerentur, exhibetur \*\*).

Infu-

CXX

Infusum illius cum laete in tussi convulsua infantum commendari solet \*\*\*). In Thuringia in febribus usurpatur intermittentibus †).

\*) HELWING quidem in fronte huius varietatis synonymon Vaillantii, apud Var. β. a me citatum, posuit; attamen non solum ex Morisoni synonymo, quod adduxit, sed etiam ex descriptione Helwingiana clare patet, ipsum hanc varietatem, quam saepe deprehendi, intellexisse.

\*\*) DILLENII Hist. musc. p. 82. NECKER Delic. Gallobelg. p. 519. n. 37. Schwedische Abhandl. Ao. 1745. Tom. VII. p. 250. Hannoverisches Magazin. Ann X. p. 473.

\*\*\*) DALE Pharmacol. suppl. p. 44. VOGEL. Hist. mat. med. p. 110. LINN. Mat. Med. p. 229. n. 541.

†) BRÜKMAN. Epistol. itinerar. Cent. I. Epist. 57.

LXIII. LICHEN (*digitatus*) scyphifer ramosissimus, ramis cylindricis, calycibus integris nodosis. LINN. Sp. pl. p. 1620. n. 63.

Lichen infundibulis palmatis, fungulis coccineis. HALLER. Hist. Helv. III. p. 75. n. 1939.

Coralloides ramulosum, tuberculis coccineis. DILLEN. musc. p. 95. Tab. 15. f. 19.

Lichen squamatus, stipite bifido & trifido, segmentis tubere coccineo terminatis. SCOPOL. Carn. II. p. 372. n. 10. Var. 5.

Scharlachfarbene ästige Becherflechte.

Cum *L. coccifero* intermixtum deprehendit.

Meram esse varietatem prioris, verosimillimum est. Scyphi enim in hac specie fissi animaduertuntur, & ramulos breves, congestos, fungulo coccineo terminatos, repraesentant.

LXIV.

LXIV. LICHEN (*botrytes*) subramosus, ramulis fungulo luteo-fuscelscente terminantibus. Tab. II. f. 9.

Lichen verrucosus bicornis & tricornis, fungulis fuscis terminalibus. HALLER. Hist. Helv. III. p. 75. n. 1941.

Lichenoides parum ramosum, tuberculis fuscis. DILLEN. musc. Tab. 15. f. 20.

Blumenkohlflechte.

Raro occurrit. Legi inter Hypna in silua Wilky, & in siluis prope pagum parochialeum Tieffensee.

Licet non proprie scyphifer sit, eodem tamen iure, ac *Lichen digitatus* (LXIII.), hunc meretur locum. Crustam habet foliaceam, squamosam, crenatam & squamae saepe Lichenis adhaerent basi. Ex hac surgit stipes semuncialis & ultra, canus rugosus, subteres, ex albo in virorem tendens. Cum dimidiam attigit altitudinem emittit hinc & inde ramulos breues, qui in apice, vel statim tuberculum acquirunt, vel antea iterum in tres, vel quatuor ramulos vix discernibiles diuiduntur, quorum unusquisque fungulo terminatur, qui, adeo arcte appropinquati in unum saepissime confluunt. Imposui ipsi nomen triuale *Botrytes*, quia Brassicam Botrytem perquam aemulatur.

---

CXXII

ORDO IX.

LICHENES FRUTICULOSI.

Strauſchflechten.

Differunt hi a praecedentibus, quod nullis gaudeant scyphis; sed ramosum habeant habitum, vnde etiam fruticulos & corallia aemulantur. In extremitatibus plerumque tuberculos fuscos gerunt & sub axillis quidam eorum perforati sunt. Quos hic enumerandi animus est, Lichenes sunt tubulosi, excepto vnico *paschali*. Omnes fere autores non solum in eo conueniunt, species huius ordinis esse varietates; sed etiam nonnulli, vt *HALLER* \*), *SCOPOLI* \*\*), *WEIS* \*\*\*)) contendunt, vna cum scyphiferis ab uno originem trahere pyxidato. Eo praeprimis ex fundamento mihi hoc perquam difficile persuadere possum, quia v. g. in via regia prope Juditten *Lichen rangiferinus* in maxima inuenitur copia, nullus tamen hic habitat pyxidatus, seu cornutus. Quomodo nunc ille ex his deficientibus oriri potest? Repugnat mecum sententiae laudatorum Ill. virorum *Cl. WEBER*, nempe, quod fruticulosi a scyphiferis certe differant, nec fruticulosi ipsi, si pauci excipientur, varietates unius sint speciei †). *HALLER* ordinem, quo hos complectitur, *Coralloidei* inscribit; reliqui Botanici, excepto *LINNAEO*, vna cum priori comprehendunt classe.

\*) *Enumerat. Stirp. Helvet.* I. p. 63. & *Eiusd. Hist. plant. Helv.* III. 70.

\*\*) *Flor. Carneolic.* III. p. 368.

\*\*\*) *Plant. cryptogam.* *Goetting.* p. 83. 84.

†) *Spicil. Flor. Goetting.* p. 203.

CXXIII

LXV. LICHEN (*ceratoides*) fruticulosus caule subulato,  
breuiter ramoso, ramosculis non subdiuisis.

Lichen squamosus frutice ceratoide. SCOPOL. Carn.  
Il. p. 374. n. 1.

Gehörnte Strauchflechte.

*Prouenit inter Lichenem cornutum.*

Basis huius Lichenis est caulis subulatus, seu  
*Lichen ipse cornutus* (LV.), qui saepe adeo luxu-  
riat, ut nempe hinc & inde ramosculos breuissimos,  
semper fere subulatos, qui vero ultra non amplius  
in ramulos subdiuiduntur, emittat. Sequenti prae-  
terea variat modo:

α. truncō apice bifido.

Lichen coralloides; caule subulato bifido.  
SCOPOL. l. c. var. a.

Repraesentat, ut SCOPOLI monet, palum  
furcatum, quo fulciuntur arbores fructibus  
onustae.

β. truncō apice multifido.

Lichen coralloides; caule cylindraceo, ramoso,  
multifido. SCOPOL. l. c. var. b.

γ. truncō medio ramoso, obiter pyxidato.

Lichen coralloides; caule ramoso, quasi pyxidato.  
SCOPOL. l. c. var. c.

LXVI. LICHEN (*vuncialis*) fruticulosus perforatus,  
ramulis breuissimis acutis. LINN. spec. plant.  
p. 1621. n. 67.

Lichen fruticosus, laevis, perforatus; ramulis breuissimis  
acutis. HALL. Hist. Helv. III. p. 79. n. 1959.

Lichen

CXXIV

Lichen (*ceratoides*) fruticulosus, alis perforatus,  
ventricosus, ramulis terminalibus, spinoso radiatis.  
NECKER *Delic. Gallobelg.* p. 521. n. 42.

Kurzästige Strauchflechte.

*In ericetis passim.*

Caulem habet cauum, subnudum, mollem, vix  
pollicarem, albescensem, ramosum: ramusculis  
breuissimis erectis, punctis viridibus adspersis, quo-  
rum plurimi spinas aemulantur. Reperiuntur sae-  
piissime dichotomi, ramulo breuissimo ad dichoto-  
miam posito. Summitates plerumque in tres ra-  
musculos patulos desinunt, quibus tuberculum  
fuscum & laeve, oculo armato tantummodo dete-  
gendum, infidet. Non solum intra hos ramulos,  
sed etiam in ramorum alis, seu dichotomiis fora-  
men puncticuliforme obseruatur.

LXVII. LICHEN (*subulatus*) fruticulosus, subdicho-  
tomus, ramis simplicibus subulatis. LINN. *Spec. pl.*  
p. 1621. n. 68. WVLFF *Bor.* p. 40. n. 171.

Lichen caule fruticuloso erecto, ramis adscendentibus  
dichotomis. HALL. *Hist. Helv.* III. p. 78.  
n. 1955.

Muscus terrestris coralloides erectus montanus. LOE-  
SEL. *Bor.* p. 50. GOTTSCHED. *Bor.* p. 171.  
n. 468.

Muscus corniculatus. TABERN. *Herb.* p. 1197. f. 2.

Langästige Strauchflechte.

Gerader grauer Korallenmoos.

*In sylvis muscis immixtus deprehenditur.*

Cau-

Caules sunt tubulosi, fruticulosi, parum ramosi, nudi, seu squamis cinereis testi, ceterum laeues & vnam vsque ad tres vncias longi. Ramuli sunt erecto-declinati & oriuntur plerumque per dichotomiam. Terminantur in ramulos omnium brevissimos bifurcatos, rarius trifurcatos. In apice gerunt tuberculum fuscum, perexiguum. Caulis est albicans, rami vero in rufescentem plerumque transeunt colorem.

LXVIII. LICHEN (*furcatus*) fruticulosus, tubulosus, ramosus: ramis erectis furcatis. H V D S O N flor. Angl. 458. S C H R E B E R Lips. p. 117. n. 1106. (Tab. II. f. 10.)

Lichen caule fruticoso, subfolioso, ramis adscendentibus repetito-bifurcatis punctiferis. H A L L E R. Hist. Helv. III. p. 78. n. 1954.

Coralloides corniculis breuioribus & crebrioribus. D I L L E N. musc. p. 104. Tab. 16. f. 27.

Muscofungus montanus corniculatus. V A I L L. Bot. Par. p. 42. n. 3. Tab. 26. f. 7.

Gablichte Strauchflechte.

*Reperi inter iunipereta vor Bruinvischhof.*

Caulis paululum scaber, durus, ramosus. Rami plurimi sub angulo acuto ex trunko oriuntur, & recte adscendunt, hi mox iterum ramulos emittunt, quorum singulus denique rursus in duos dividitur (aliquando diuisio ultra continuatur), qui breuissimi, acuti, saepe etiam hamosi sunt. Truncum duplo crassiores semper obseruaui ramulis exeuntibus. Tota fere alga cinerascentem habet colorem, exceptis summitatibus, quae in rufescentem vergunt. Saepis-

CXXVI.

Saepissime adeo propinque progerminant plantulae,  
vt rami plurimi inter se inuicem concrescant, vnde  
euenit, vt sine dilaceratione vix separari possint.

**LXIX. LICHEN** (*spinofus*) fruticulosus, ramosus,  
nudus: caule retrorsum aculeato, ramulis acutis,  
tuberculatisque. **NECKER.** *Delic. Gallobelg.*  
p. 521. n. 41. (Tab. II. f. 11.)

Coralloides sparsum, caulis tortuosus & spinosus.  
**DILLEN.** *musc.* p. 101. Tab. 16. f. 3. 25

Lichen fruticosus, vase ramosus, foliosus, extremis  
ramis palmatis fungiferis. **HALL.** *Hist. Helv.* III.  
p. 77. n. 1952.

Lichen fruticulosus, tubulosus, ramosissimus, spino-  
sus, ramulis tuberculatis, subdigitatis. **HUDSON**  
*anglic.* *Conf. OEDER cryptanth.* p. 29. n. 287.

Stachlichte Strauchflechte.

*Inter Hypna & Lichenes pyxidatos inueni in  
silua bey Bladau.*

Hallerianus & Hudsonianus character non tam  
accurate nostrum exprimit Lichenem ac Neckerianus & Dillenianus, attamen vnum eundemque hos  
celeberrimos viros adumbrasse, climaque diuersum  
ramis palmatis, seu subdigitatis, ansam praebuisse  
credo. Sed quomodo cunque res se habeat, descri-  
bam, qui ante oculos est. Perquam est ramosus  
ramis vagis sub angulo acuto profilientibus. Ad-  
scendunt hi & iterum descendunt, & tum rursus ad  
alta arcuantur. Exeunt ab omnibus lateribus &  
ramusculos plores nouos, semper tamen ad latus  
caelum spectantes curuatos emittunt, qui vel mini-  
mi sunt, & spinas aemulantur, vel maiores sunt,

&c

C X X V I I

& bi- tri- quadrifurcati euadunt. Ultimi rami sunt perbreves, pilo tenuiores, & tuberculum gerunt perexiguum. Truncus & rami obseruantur cinerei & laeues. Oculis perquam se ob tam singularem, & tam nitide flexam ramificationem & ramuscotorum ad alta spectantium, commendat.

LXX. LICHEN (*rangiferinus*) fruticulosus, perforatus, ramosissimus, ramulis nutantibus. LINN.  
Spec. plant. p. 1620. n. 66. WULFF Bor. p. 40.  
n. 170. REYGER Gedan. II. p. 171. n. 16. 1).

Krause Strauchflechte.

Nenthierflechte, Nenthiermoos vulgo.

$\alpha.$  *alpestris.* LINN. l. c.

Lichen fruticosus, farinosus, surculis innumeris, nutantibus. HALL. Hist. Helv. III. p. 78.  
n. 1975.

Coralloides montanum, fruticuli specie, vbiue candicans. DILLE. musc. p. 107. Tab. 16.  
f. 29. OEDER. icon. flor. Dan. Fasc. III.  
Tab. 180.

$\beta.$  *siluaticus.* LINN. l. c.

Lichen caule fruticoso, folioso, ramis subnutantibus, minute multifidis, fungiferis. HALL.  
l. c. n. 1956.

Muscus terrestris coralloides eretius cornibus rufescentibus. LOESEL. Bor. p. 50. GOTTSCHED. Bor. p. 171. n. 469.

Super terram frequens in locis tristissimis arenosis & sterilibus obseruatur. In maxima copia duae luxuriant varietates in via regia prope Dittken, quam Dianthus simul occupat superbus.  
Ele.

CXXVIII

Elegans hic Lichen arbusculam repraesentat perquam ramosam, *alpestris* tamen ramosior & maior obseruatur *siluatico*. Adfixus in terra deprehenditur, radiculis filiformibus & dum iunior est, crusta, ex qua excreuit, foliacea obseruatur, quae tamen prouectiori aetate plane evanescit. Ramuli vna cum trunko tubuli sunt caui, mediocriter etiam in sicca planta saepe molles, saepissime vero tactu fragiles, colore ex cinereo – albescente, tenuissimo polline albo adspersi, quod vltimum praesertim in *alpestris* militat. Rami ex caule sub angulo acuto exeunt, & plerumque recta adscendunt. Extremitates, quae saepe nutantes offenduntur, accurate faciem gerunt vmbellae compositae. Terminantur enim ramuli biseu trifurcati quinque, vel sex pedunculis ex uno eodemque centro emissis aequalemque habentes altitudinem, qui in apice vmbellulam perquam tenuem habent, cuius vnumquisque pedicellus tuberculum in apice gignit fuscum, quod in *alpestris* maius, quam in *silvestris* inuenitur. Aperturae ad alas ramulorum & in medio vmbellarum in hac specie prae omnibus aliis magis conspicuae.

Pabulum primarium hieme constituit rangiferis, & ab illo salus dependet totius Lapponiae. Perquam eleganter hinc loquitur LINNAEVS: „Quando nimis luxuriant siluae, ipse Lappo, nisi fulminis tactu comburantur arbores, eas vltro accedit, quippe qui probe nouit, consumtis ita ab igne vegetabilibus pinguiorique humo, in ea, quae relinquitur sterili & exsucca terra, *rangiferinum Lichenem* firmas denique radices aetrum & se multiplicaturum, etiamsi octo, vel decem annorum moram requirit, antequam in iustum statu adoleuerit. Felicem se iudicat Lappo, cui ampla sunt, & huius

## CXXIX.

huius Lichenis feracia deserta; tum enim haec prata eius, quasi nimibus ubique obducta nitent, nec ingruente hieme ei opus est, in horreis collectum habere foenum, quod haud facile gustant rangiferi, nisi forte *equisetum* fuerit *fluviaatile*; sed perrumpunt haec pecora niuem veluti sues pascuum mollius & sua industria optimum sibi colligunt pabulum: nimirum quo glacialis crusta, quae niuem superius contegit, illis impedimento non foret, cutem duram & arcte adfixam in fronte, naribus & pedibus sapientissimus naturae auctor tribuit. — — At si acciderit, quod tamen rarius solet evenire, vt irruat hiems cum pluvia, quam gelu mox indurat, terra crusta glaciali obducitur omnis, antequam nix deciderit, in ea delitescit Lichen hicce, summaque adeo calamitas oritur rangifero, & annonae infelix caritas Lapponi, qua in necessitate aliud huic reliquum nihil est, quam vt vetustas pinus Lichenibus filamentosis grauidas securi succidat, parum licet sufficientibus, si maior grex fuerit, fame maximam partem periturus,, 2). Sub hiemis penuria cervos aliaque animalia etiam illo pasci perhibetur 3). Oeconomus quidam Suecus primo nostrum Lichennem pro pabulo pecorum experientia edocitus perquam in annonae sterilitate commendauit, modum illum praebendi & ex hac esca boues, vitulos, oves optime pinguefcere exhibuit 4), quod & alii confirmant 5), & de TAVBE enarrat, in Carniolia iam in more esse, eo boues & porcos saginare 6). HESSELIV's tentauit, panem ex hac coquere alga, farinam vero inamoeni reprehendit saporis 7). Ad cyprium pollinem adhiberi posse, credit HALLERVS 8), & cum sponte fere tanta copia a natura apud nos producatur, operaे premium foret, tale quid periclitari.

C XXX

- 1) Hunc REYGER in Flora posthac edita, germanico idiomate conierpta, sub titulo: Die um Danzig wachsende Pflanzen: omisit, quae causa fuerit, nescio.
- 2) LINN. *Amoen. acad.* Vol. IV. p. 252.
- 3) Gleditsch Einleitung in die neuere Forstwissenschaft. I. p. 38. §. 82. Krünitz ökonomische Enzyklopädie. XIV. p. 83. WEIS *plant. crypt.* Goetting. p. 96.
- 4) Schwedische Abhandlungen de Ao. 1742. Tom. IV. p. 177. LINN. *Amoen. acad.* Vol. VII. p. 378.
- 5) Stutg. phys. ökonom. Wochenschrift de Ao. 1757. p. 300. Ökonom. Nachr. der patriot. Ges. in Schlesien. de Ao. 1776. p. 52.
- 6) Beschreibung des Königreichs Slavonien. p. 38.
- 7) Martini allgem. Geschichte der Natur. I. p. 622. Krünitz l. c. p. 84.
- 8) Hist. plant. Helvet. p. 78.

LXXI. LICHEN (*paschalis*) fruticulosus solidus, testus foliolis crustaceis. LINN. *Sp. pl.* p. 1621. D. 69. WVLFF *Bor.* p. 41. n. 172.

Lichen caule fruticoso fungifero, verrucis calcareis testo. HALL. *Hist. Helv.* III. p. 79. n. 1963.

Lichen squamosus frutice criso. SCOPOL. *Carn.* II. p. 375. n. 16.

Muscus cupressiformis ramosus. LOESEL. *Bor.* p. 49. GOTTSCHED. *Bor.* p. 168. n. 460. Tab. 48.

Zypressenförmige Strauchflechte.

Raro prouenit. Inueni inter Hypna in silva Wilts, & florentem in saxo praegrandi, quod occupabat totum prope ad Lieffensee, apud officinam

*cinam laterariam ante Rupgallen. LOESEL  
reperit in silua Loebnicensi.*

Inter pulcherrimas Prussiae algas ob nitidissimam hic, quem describo, Lichen, fert palmam, oculisque, si praecipue in fructificatione obseruat, amoenissimum parat spectaculum. Truncum habet crassum, ad crassitudinem pennae anserinae accedentem non cauum & fere ligneae substantiae. Diuaticatur in ramos vagos, sub angulo acuto assurgentibus, plerumque nutantes, qui iterum saepius subdiuiduntur. Undique verrucis adeo densis & crassis, seu squamis, quasi calcareis, seu tartareis, ut foliola fere aemulentur, cinereis tectus est, adeo, ut illo aspecto vix abstinere queamus, quin eum pro venerando in amplissima Lichenum familia sene putemus, & e facie venerabili verosimiliter etiam nomen acutissimi LINNAEI *paschalis* & nostri LOESELII *cupressiformis* deriuandum venit. Praesertim microscopio subiectus obseruatur pulcherrimus: crusta verrucosa vero, si denudatur, truncus & rami sunt glaberrimi. Omnes ramulos tubercula maiora & minora obsident, quae a magnitudine punctiformi, usque ad peripheriam seminis lenticulum crescunt. Sunt conuexo-plana, substantiae fungosae, in recenti & humectata planta fusca in rubrum tendentia, in secca nigra.

LXXII. LICHEN (*fragilis*) fruticulosus, solidus, ramulis teretibus obtusis. LINN. Spec. plant. p. 1621. n. 70.

Coralloides alpinum, corallinae minoris facie.  
DILLEN. musc. p. 116. Tab. 17. f. 34.

CXXXII

Muscus coraloides muralis. LOESEL. Bor. p. 50.  
GOTTSCHED. Pruss. p. 170. n. 465.

Zerbrechliche Strauchflechte.

LOESELIVS inuenit in pago Margenau ad templum.

A me non inventus est, nec copia mihi fuit, locum, in quo LOESELIVS illum inuenit, visitandi. At:amen plura mihi persuadent, Lichenem esse fragilem & quidem illam varietatem, quam WEBER nominat *Lichenem fragilem minimum* \*). GOTTSCHED sequentia de illo profert: „cinerei est coloris, & muris adeo firmiter adhaerescit, vt baculo decussis aliquid lateritiae substantiae radicis loco secum auferat. Non frustra credo in haemorrhagia & forte vsneae cranii praferendum. ,,

\*) Spicil. flor. Goetting. p. 206. n. 258. Var.  $\alpha$ .

ORDO X.

LICHENES FILAMENTOSI

Haarflechten.

Ob structuram, qua barbas ab ramis "arborum" dependentes repraesentant, filuis reuerendum conciliant aspectum. Adhaerent ramis radice scutiforme, qua funiculi, lora seu filamenta longa, teretia, ramosa & pendula exeunt. Saepae haec a materia quadam puluerulenta incrustata sunt, qua crassiora euadunt. Scutella, quae ego quidem in nulla obseruauit specie, dicuntur in surculis non extremis propullulare, plana esse limbo carere.  
HALLER & DILLENIUS *Vsnea* nuncupant, SCOPOLI *Conferuas arboreas*.

LXXIII. LICHEN (*barbatus*) filamentosus, pendulus, subarticulatus, ramis patentibus. LINN. Sp. pl. p. 1622. n. 73. WULFF Bor. p. 41. n. 174. REYGER. Gedan. p. 171. n. 19.

Lichen *barbatus*, trunco articulo laeui. HALLER. Hist. Helv. III. p. 81. n. 1970.

*Vsnea barbata* loris tenuibus fibrosis. DILLENIUS. musc. p. 65. Tab. 12. f. 6.

Lichen capillaceus cinerei coloris e ramis ilicis dependens. LOESEL. Bor. p. 51. GOTTSCHED. Bor. p. 171. n. 471.

Langbärtige Haarflechte.

*In fagis & quercubus frequens.*

Lora seu filamenta huius ad palmarem, semipendalem, immo saepe ad pedalem dependent longitudinem. Obseruantur laevia, pauculum ramosa, articu-

CXXXIV.

ticulis seu geniculis diuisa, albantia & nonnumquam hinc & inde ob fibras crebras transuersales in latera protensa. Scutellas numquam obseruaui. DILLENIUS dicit esse minimas, rufas, cauli insidentes. Credit ille etiam, quod *Bgeov PLINII*\*) & musci aliorum veterum hunc indigitarent Lichenem.

Ob vim adstrictoriam decoctus in infessu ad mliebrium locorum vitia laudatur a DIOSCORIDE \*\*). Dicitur etiam somnum inducere, ventriculum robore, vomitiones & aluum cohibere, grauidis abortum praecaueare, haemorrhagiis interne & externe conducere, ieterum sanare & in lixiuio decoctus capillos adaugere & crisplos reddere, alopeciamque praecaueere \*\*\*). Si aliquamdiu, testante WEIS †), in aqua maceratur, rubrum accipit, vel aurantium colorem, ad quem producendum, referente DILLENIU, in Pensyluania usurpatur.

\*) *Histor. natural.* Edit in usum Delphini. Tom. III.  
Lib. XII. Cap. 23. n. 50. p. 41.

\*\*) DILLENI. *Hist. musc.* p. 64.

\*\*\*) HERRMANN. *Cynosur. mat. med.* II. p. 182.

†) *Plant. cryptogam.* Goetting. p. 100.

LXXIV. LICHEN (*plicatus*) filamentosus, pendulus, ramis, implexis, scutellis radiatis. LINN. *Spec. plant.* p. 1622. n. 72. WULFF. *Bor.* p. 41. n. 173. REYGER. *Gedan.* p. 171. n. 18.

Lichen pendulus, teres, exasperatus, ramis descendentibus, scutellis radiatis. HALL. *Hist. Helu.* III. p. 81. n. 1971. 1).

Vsnea vulgaris, loris longis, implexis. DILLENI. *musc.* p. 56. Tab. II. f. 1.

Muscus arboreus: Vsnea officinarum. LOESEL. *Bor.* p. 51.

Muscus

Muscus arboreus. GÖTTSCHE. Bor. p. 171. n. 472.

Verworrne Haarflechte.

Eichenmoos. LOESEL. 1. c.

*Pendet ab arborum ramis praesertim siccorum in siluis densioribus.*

Pendulus est, flavidus seu ex cinereo glaucus. Longis saepe constat filamentis, teretibus, laevis, per dichotomiam plerumque diuisis & subdivisis, varie contortis & intricatis. In senio crusta alba teguntur. A *Lichene florido* & *hirto* non diversum indicat SCOPOLI 2), quia facile conceptu, quod planta adulta, aut abunde nutrita facile a longitudo & copia ramorum deprimatur & ventis exposta implicetur. WEBER 3) contrariam fert sententiam, cum *floridus* semper ramis magis diuaticatis & strictioribus gaudeat. LINNAEVS procul dubio nominauit *plicatum*, ob analogiam, quam filamenta intricata cum plica Polonica (morbo, in quo capilli capitis in unum cirrhum concrescunt) habent.

Würtenbergenses hunc Lichenem, praesertim e ramis quercuum lectum, sub nomine *muscus arboreus* s. *quernus*, ut adstringens & insigne anodynum, hinc in tussi clangosa & ferina, laudant & infusum illius ventriculum roborare & fluxiones quascunque prohibere, perhibent 4), syrupum etiam ex illo & aliis ingredientibus confectum, qui in Anglia, ut efficax in tussi conuulsiva infantum celebratur medicamentum, praescribunt 5). BAGLIVIVS fortassis primus in hoc morbo vires suas intellexit 6). HALLER notat etiam, illum ad haemorrhagiam narium a HILDANO 7) adhibitum variasque laudes ei tribuere SCHNEIDERVM 8). In intertrigine a deambulacione Lichenem siccum, velut specificum, adplicant Lappones

## CXXXVI

pones 9). Alga, in globi formam conuoluta, & inter puluerem pyrium & globulos plumbeos collata, non solum ignem facile concipit & fordes a puluere relicto auerrit, sed etiam subito deflagrat 10). Illam in fornace siccatam, tunc flagellis fractam, pro vestium duplicaturis elasticis utilem censet W E S T B E C K 11). A pinibus & betulis lestant lanam crudam antea alumine maceratam, si ea coquatur, viridem tingere, affirmat K A L M 12). Dirimendo non par sum, an, quod ab omnibus fere venatoribus & iam a M A T H I O L O 13) enumeratur, verum sit, vrsus nimurum vulnus inflictum, ne haemorrhagia sequatur, hoc Lichene obturare.

- 1) HALLER quidem l. c. expressis verbis dicit, se non intellexisse *Lichenem plicatum* L.: verumtamen cum perpauxillum tantum ab illo diuersus sit, coinbinaui.
- 2) *Flor. Carneol.* II. p. 357.
- 3) *Sicil. flor. Goettingenf.* p. 227. 262.
- 4) Ut specificum in his morbis iam illum laudat HERRMANN. in *Cynosura Mat. med.* I. p. 554.
- 5) *Pharmacopoea Würtenbergica.* p. 124 & 197.
- 6) *Opera omnia medica pract. & anatom.* Edit. X. p. 115.
- 7) *Eistol.* 27.
- 8) *Dissert. de capite.* p. 11.
- 9) LINN. *Amoen. acad.* Vol. VII. p. 384.
- 10) SCOPOLI *Flor. Carneol.* Edit. prim. p. 72.
- 11) HALL. *Hist. Helv.* III. p. 81.
- 12) Schwedische Abhandl. de A. 1745. Tom. VII. p. 256.
- 13) Neu Kräuterbuch. de Ao. 1563. p. 16.

**LXXV. LICHEN** (*floridus*) filamentosus, ramosus, erectus, scutellis radiatis. LINN. *Spec. plant.* p. 1624. n. 81. WVLFF *Bor.* p. 41. n. 175.

Lichen

CXXXVII

Lichen barbatus ramis teretibus, surculis parallelis simplicibus scutellis radiatis. HALL. Hist. Helv. Ill. p. 81. n. 1972.

Vsnea vulgatissima tenuior & breuior cum orbiculis. DILLEN. musc. p. 69. Tab. 13. f. 13.

Lichen cinereus vulgaris capillaceo folio minor. HELWING. Suppl. Bor. p. 43. n. 250.

Sterntragende Haarflechte.

*Ad ramos arborum emortuarum.*

Quia mihi hanc algam videndi haec tenus non contigerit occasio, ab HALLERO descriptionem mutuor. Sparsa potius est, quam pendula, ramis, proportione plantae magnis, teretibus, asperis, plurima brevia folia capillorum similia edentibus, parum caeterum ramosis. In summis ramis ciliatae vndeque & radiatae magnae scutellae.

LXXVI. LICHEN (*hirtus*) filamentosus, ramosissimus, eretus, tuberculis farinaceis, sparsis. LINN. Spec. plant. p. 1623. n. 78. REYGER. Gedan. II. p. 172. n. 21.

Lichen barbatus, teretibus cauliculis; ramis simplicibus parallelis. HALL. Hist. Helv. Ill. p. 81. n. 1973.

Vsnea vulgatissima tenuior & breuior sine orbiculis. DILLEN. musc. p. 67. Tab. 13. f. 12.

Sträubige Haarflechte.

*Vbique in arboribus & sepibus.*

Humilis plerumque obseruatur, colore cinereo-virescente & polline albo scaber. Diffusus valdeque fibrosus est. Cauliculi diuersimode sunt arcuati & praecipue in fine ramosi, semper tamen teretes. Vndeque emittuntur fibrae breues, simplices, capilla-

CXXXVIII

pillares, tactu rigidae & elasticae, vt strigosam, seu hirtam habeat faciem. Varietatem Lichenis floridi (LXXV.), qui scuta nondum explicauit, esse, putat SCOPOLI \*).

Pro sarcotico egregio & in decocto ad firmandos pilos commendatur \*\*).

\* ) *Flor. Carneolic.* II. p. 337. n. 1349.

\*\*) DILLENS. *Hist. muscar.* p. 68.

LXXVII. LICHEN (*chalybeiformis*) filamentosus, subramosus, decumbens, implicato flexuosus. LINN. *Spec. pl.* p. 1623. n. 77.

Lichen fruticosus, diffusus; caulis vagis flexuosis, rigidis, teretibus. HALL. *Hist. Helv.* III. p. 80. n. 169.

Vsnea rigida horsum vorsum versa. DILLENS. *musc.* p. 66. Tab. 13. f. 10.

Lichen iubatus chalybeiformis. WEBER. *Spicil. Goetting.* p. 229. n. 264. *Var. B.*

OEDER. *Icon. fl. Danic.* Fasc. V. Tab. 262.

Drathformige Haarflechte.

*Supra truncos arborum rarius offenditur.  
Semel tantummodo in silua urbica Schiffenburgenfi inueni.*

Truncus est pro magnitudine algae, tres usque ad quatuor pollices altae, mediocriter crassus, ramique primarii vase ex illo prodeentes non multo deprehenduntur tenuiores. Hi una cum surculis emissis diuersimode arcuati, & huc, & illuc conuersi, non quidem in altum, sed potissimum in latum protenduntur, unde euenit, vt semper nutantes obseruentur. Licet non tam crispam, quam iam recen-

CXXXIX

censiti, habeant faciem, nihilo tamen secius rami inter se complicati inueniuntur, praeterea sunt fusci, teretes, in crassitatem capilli attenuati, & fili ferrei, seu setae equinae iustar rigidi. Lichen totus est tubulosus minusque pendulus & ramosus, ac reliqui filamentosi. Vetustiora specimina *Lichenis iubati* (LXXVIII.) esse credit WEBER.

LXXVIII. LICHEN (*iubatus*) filamentosus, pendulus, axillis compressis. LINN. Sp. pl. p. 1622. n. 74.  
REYGER. Gedan. II. p. 172. n. 20.

Lichen barbatus, pendulus, filamentis, nigris, prolixis. HALLER. Hist. Helv. III. p. 30. n. 1968.

Vfnea iubata nigricans. DILLEN. musc. p. 64.  
Tab. 12. f. 7.

Langherabhangende Haarflechte.

*In siluis densis v. g. ben Bladau, Tieffensee a truncis dependet arborum.*

Magis pendulus est praecedenti. Lora huius alias ubique teretia, in superiori parte, vbi crassiora sunt, compressa, seu plana, apparent. Ceterum in tenuissima & longissima protenduntur filamenta, glabra, cinereo-nigrescentia, aliquatenus rigida, crispa & saepe in apice divisa. Discissus interdum cauus est, interdum medulla alba fartus. Verrucae quoad longitudinem in illis passim animaduertuntur immersae, exiguae, puluerulentae, virescenti polline in recenti, albo in sicca planta.

Tingit rubro colore \*).

\*) Hannovrisch. Magazin de Ao. 1772. p. 473.

LXXIX. LICHEN (*articulatus*) filamentosus, articulatus, ramulis tenuissimis punctatis. LINN. Spec. plant.

CXL

*plant.* p. 1623. n. 80. **wvLF** *Bor.* p. 41.  
n. 176.

*Vsnea capillacea & nodosa.* **DILLE** *musc.* p. 60.  
Tab. 11. f. 4.

Gegliederte Haarflechte.

*Ad arbores in siluis.*

A me non obseruatus est, sed auctoritate **wvLF**-  
**FII** hunc illi concedo locum. **scopoli** dicit:  
Lora eiusdem articulata, ac in plerisque Conferuis  
maritimis \*).

\*) *Flor. Carneol.* II. p. 358. n. 1361.

**LXXX. LICHEN** (*radiciformis*) longissimus, ramo-  
sissimus, ex fusco nigricans, glaber, radiciformis.  
**WEBER.** *Spicil. Goetting.* p. 232. n. 267.

*Vsnea radiciformis.* **scopol.** *Diff. P.I.* p. 95.  
n. 16. T. VIII.

**Lichen** subterraneus lignis, & in primis asperibus putri-  
dis, ea parte, qua terrae adiacent, radicibus suis  
firmiter adhaerens, ramis plurimis crassioribus geni-  
culatis, & nodosis iisque nigricantibus, sibi inuicem  
implicatis, instar musci subterranei, longo traectu  
repens. **HELWING.** *Suppl. Bor.* p. 43. n. 252.

Wurzelförmige Haarflechte.

**HELWING** inuenit in stabulis tempore au-  
tumnali.

**svXBavMII** sententiae, nempe non verum  
Lichenem, sed fibras ligni putridi esse \*), initio  
calculum meum adieci, cum praeterea ipse illum  
non obseruauerim. Quia vero postea in scriptis  
Cel. **scopoli** & **WEBERI** (qui illum subterra-  
neum in omnibus detexerunt fodinis Hercynicis) no-  
tatum

## C X L I

tatum inueni, quod non solum lignis subputridis, sed etiam lapidibus copiose adhaerescat, mutauit sententiam. W E B E R l. c. illum sequenti describit modo: „Lora perennia bi-tripedalia, aut inordinate, aut per dichotomiam ramosissima, crassiuscula teretia, tenacissima, primo aspectu radiebus ex omni parte simillima. Cortex ex atro fuscus, glaber, includit substantiam mollem ex fusco-lutescentem. Boleto ignario praeparato simillimam, quae medium corticalem obscuriorem innoluit. Fructificationis vestigium nullum. „Dum vritur, crepitat & sulphureum odorem spargit. Ex cineribus non obtinetur sal alcali, sed substantia quaedam saponacea, empyreumatica, ex qua sal purum educi nullo modo potest. Decoctum alcalinum dat cum solutione aluminis laccam nigricantem. Haec expertus est S C O P O L I l. c.

<sup>2)</sup> Cent. II. plant. incognit. p. 14.

## §. XXII.

## C o n c l u s i o.

Minimam fere itaque L. B. exhibui plantarum gentem, neutquam mihi tamen persuadeo, omnes hoius generis exhaustisse in Prussia indigenas stirpes, praesertim cum fructus sit breuis, & saepe laboribus interrupti temporis. Si hoc non displicet, quod periclitatus sum, Lichenologiae Prussicae tentamen, sensim reliqua cryptogama, de quibus non multo minorem augurari licet meassem, sequentur.

CXLII

EXPLICATIO FIGVRARVM,  
QVAE PLANTAS IN MAGNITUDINE NATVRALI  
EXHIBENT.

T A B V L A I.





1. Lichen variegatus.	n. viii.
2. —— graniformis.	n. xiii.
3. Varietas L. pertusi.	n. xvii.
4. Lichen aeruginosus.	n. xx.
5. —— caerulescens.	n. xxvi.
6. —— pallidus.	n. xxviii.
7. —— minutissimus.	n. xxix.

T A B V L A II.

8. Lichen puluerulentus.	n. xxxii.
9. —— botrytes.	n. lxiv.
10. —— furcatus.	n. lxviii.
11. —— spinosus.	n. lxix.






Tab. I.





Tab. II.



9.

